

HECHOS

I melbal jini chocbilo' b_Λ majlel ti subt'an

Tsa' p_Λji letsel ti panchan Jesús

¹ Ti yamb_Λ jun, Teófilo, tsac ts'ijbubeyet pejtelel chuqui tac tsa' caji i mel Jesús, yic'ot chuqui tsa' caji i c_Λntesan ² c'_Λl_Λl ti jini q'uin che' b_Λ tsa' p_Λji letsel. Che' b_Λ tsa' ujti i y_Λq'ueñob mandar jini apóstolob yajc_Λbilo' b_Λ i cha'an, Jesús tsi' y_Λq'ueyob mandar ti' p'_Λt_Λlel jini Ch'ujul b_Λ Espíritu. ³ Che' cha' cuxulix Jesús, che' b_Λ tsa' ujti i yubin wocol, tsi' cha' p_Λs_Λ i b_Λ ti' tojlel jini chocbilo' b_Λ majlel ti subt'an. Wen tsiquil i sujmllel. Cha'c'al q'uin tsi' p_Λs_Λ i b_Λ ti' tojlel ili winicob. Tsi' subeyob bajche' an i yum_Λntel Dios. ⁴ Che' temel añob tsi' subeyob: Mach yomic mi la' loq'uel ti Jerusalén. Yom ya'i mi la' pijtan jini subil b_Λ i cha'an lac Tat mu' b_Λ caj i y_Λq'ueñetla. Joñon tsac subeyetla ja'el. ⁵ Juan tsi' y_Λq'ueyotla ch'_Λmja'. Pero Dios mach jalix mi caj i y_Λq'ueñetla la' ch'_Λm Ch'ujul b_Λ Espíritu, che'en.

⁶ Jini cha'an jini temp_Λbilo' b_Λ tsi' c'ajtibeyob: C Yum, ¿mu' ba caj a cha' wa'chocon i yum_Λntel Israel ti ili ora? che'ob. ⁷ Jesús tsi' subeyob: Mach la' wentajic baqui b_Λ ora mi baqui b_Λ q'uin mi caj i yujtel jini, come lac Tat tsi' yotsa ti' bajñel wenta. ⁸ Pero mi caj la' w_Λq'uentel la' p'_Λt_Λlel che' mi' yochel jini Ch'ujul b_Λ Espíritu ti la' pusic'al. Ya' ti Jerusalén yic'ot ti pejtelel Judea yic'ot ti Samaria

c'ʌʌʌ ti ñajt bʌ pañimil mi caj la' sub chuqui tsa' la' q'uele, che'en Jesús.

⁹ Che' bʌ tsa' ujti i sub jini t'an Jesús, che' woli to i q'uelob, tsa' pʌjyi letsel. Tsa' mʌjqui ti tocal. ¹⁰ Che' woli' chʌn q'uelob panchan, che' woli ti letsel Jesús, tsa' wa'leyob ti ʌʌc'ʌʌ cha'tiquil winicob sʌsʌc bʌ i pislel. ¹¹ Tsi' subeyob: Winicob, ch'oyolet bʌ la ti Galilea, ¿chucoch woli la' chʌn q'uel panchan? Jini Jesús, tsa' bʌ pʌjyi letsel ti panchan loq'uem bʌ ti la' tojlel, mi caj i cha' tilel che' bajche' tsa' la' q'uele che' bʌ tsa' majli ti panchan, che'ob.

Tsa' yajcʌnti Matías cha'an mi' ch'ʌmben i ye'tel Judas

¹² Tsa' sujtiyob winicob ti Jerusalén. Tsi' cʌyʌyob wits i c'aba' Olivos ʌʌc'ʌʌ ti Jerusalén. Che'ʌch i ñajtlel bajche' ojilil legua. ¹³ Che' ochemobix ti otot, tsa' letsiyob ti yambʌ junlajm i mal otot ti chan ba' woli' jijlelob Pedro yic'ot Jacobo, Juan, Andrés, Felipe, Tomás, Bartolomé, Mateo, Jacobo i yalobil Alfeo, yic'ot Simón Zelotes, yic'ot Judas i yijts'in Jacobo. ¹⁴ Ti pejtelelob ti jump'ejl jach i pusic'al woli' chʌn pejcañob Dios yic'ot x'ixicob yic'ot María, i ña' Jesús, yic'ot i yijts'iñob Jesús.

¹⁵ Ti jim bʌ ora Pedro tsa' wa'le ti ojilil ba'an hermanojob. (Tic'ʌʌ mi wʌcc'alob ya' añob.) Pedro tsi' subu: ¹⁶ Quermanojob, wersa mi' ts'ʌctiyel i Ts'ijbujel Dios che' bajche' tsi' yʌʌ jini Ch'ujul bʌ Espíritu ti wajali ti' yej David cha'an Judas. Jiñach Judas tsa' bʌ i toj'esa majlel winicob tsa' bʌ i chucuyob Jesús. ¹⁷ Come jini Judas tsa' tsijqui quic'ot lojon. Tsa' aq'uenti i ye'tel ja'el. ¹⁸ Tsa' mʌjñi jamil yic'ot i tojol i mul. Xitil tsa' yajli. Tsa' tojmi i ñʌc',

tsa' loq'ui i soyta'. ¹⁹ Pejtelel año' b Δ ti Jerusalén tsi' yubiyob chuqui tsa' ujtí. Jini cha'an jini jamil tsa' ots Δ benti i c'aba' Acéldama, jiñach jamil m Δ mbil b Δ ti' tojol i ch'ich'el winic. ²⁰ Come ts'ijbubil ti' juñilel Salmo tac: “La' jochtiyic i chumlib, mach mí' ch Δ n ajñel winic ya'i”. Ts'ijbubil ja'el: “Jini i ye'tel la' to i ch' Δ m yamb Δ winic”. Che' Δ ch ts'ijbubil. ²¹ Yom wa'chocontic juntiquil tsa' b Δ i pi'leyonla ti x Δ mbal c' Δ l Δ l che' b Δ tsa' ochi lac Yum Jesús ti lac tojlel c' Δ l Δ l che' b Δ tsa' loq'ui ti lac tojlel, ²² juntiquil tsa' b Δ i pi'leyonla ti x Δ mbal c' Δ l Δ l che' b Δ tsi' y Δ c' Δ ch' Δ mja' Juan, c' Δ l Δ l ti jini q'uin che' b Δ tsa' p Δ jiyí letsel Jesús ti lac tojlel. Juntiquil ili w Δ ' b Δ an la quic'ot wersa mi' y Δ q'uentel i ye'tel testigo quic'ot lojon cha'an mi' sub ti isujm tsa' cha' ch'o'jyí Jesús. Che' tsi' y Δ l Δ Pedro.

²³ Tsi' yajcayob cha'tiquil: José yic'ot Matías. I cha'chajplel i c'aba' José jiñach Justo. I jol i c'aba' jiñach Barsabás. ²⁴ Tsi' pejcayob Dios. Tsi' y Δ l Δ yob: Jatet, c Yum, ma' c Δ mben i pusic'al pejtelel winicob. W Δ 'an cha'tiquil. P Δ s Δ baqui b Δ ma' yajcan ²⁵ cha'an mi' ch' Δ m i ye'tel ti apóstol tsa' b Δ i c Δ y Δ Judas cha'an i mul cha'an mi' majlel ti' yajñib, che'ob. ²⁶ Tsi' cha'leyob yajcaya ti alas. Tsa' yajc Δ nti Matías. Jini cha'an tsa' tsijqui yic'ot jini junlujuntiquil chocbilo' b Δ majlel ti subt'an.

2

Tsa' tili Ch'ujul b Δ Espíritu che' ti' q'uiñilel Pentecostés

¹ Che' i yorajlelix i q'uiñilel Pentecostés, temel año' ti pejtelel ti jump'ejl jach ajñib Δ l. ² Ti ora jach tsa' loq'ui t'an ti panchan che' bajche' ju'ucña b Δ

ic'. Tsa' ubinti ti pejtelel jini otot ba' buchulob. ³Ya' ti' tojlel tsa' tsictiyi cabal pujquem b^Λ al^Λ c'ajc. Che' yilal bajche' la cac'. Tsa' c'oti ti' pamob i jol ti jujuntiquil. ⁴Tsa' laj bujt'iyob ti Ch'ujul b^Λ Espíritu. Tsa' cajiyoob ti t'an ti yan tac b^Λ t'an che' bajche' tsi' y^Λq'ueyob t'an jini Espíritu.

⁵ Ya' añob ti Jerusalén judíojob mu' b^Λ i ch'ujutesañob Dios. Ch'oyolob ti jujump'ejl lum tac ti yebal panchan. ⁶Che' b^Λ tsi' yubiyob jini ju'ucña b^Λ t'an, cabal winicob x'ixicob tsi' tempayob i b^Λ. Ma'anic tsi' ña'tayob chuqui woli' yujtel, come ti jujuntiquilob tsi' yubiyob i bajñel t'an. ⁷ Tsa' toj sajtiyob i pusic'al. Tsi' y^Λayob: Awilan, ¿mach ba ch'oyolobic ti Galilea pejtelel ili winicob woliyo' b^Λ ti t'an? ⁸ ¿Bajche' che' jini ti jujuntiquilonla woli la cubin lac t'an tsa' b^Λ lac ñopo ti lac ñojte'el? ⁹ Ch'oyolonla ti Partia, yic'ot ti Media, yic'ot ti Elam, yic'ot ti Mesopotamia, yic'ot ti Judea, yic'ot ti Capadocia, ti Ponto, ti Asia, ¹⁰ti Frigia, ti Panflia, ti Egipto, ya' ti yan tac b^Λ pañimil ti Africa ti yamb^Λ junwejl Cirene. W^Λ' añob ja'el romanojob ti lac tojlel. Lamital tsi' q'ueleyob pañimil tic lumal lojon. Yaño' b^Λ tsi' sutq'uiyob i b^Λ ti judíojob. ¹¹ W^Λ' añob ja'el tilemo' b^Λ ti Creta yic'ot ti Arabia. Ti pejtelelonla mi la cubin ti lac t'an jini ñuc b^Λ i ye'tel Dios, che'ob. ¹² Tsa' toj sajtiyob i pusic'al. Ma'anic tsi' ch'ambeyob isujm chuqui woli' yujtel. Tsa' caji i c'ajtibeñob i b^Λ: ¿Chuqui i sujmllel jini? che'ob. ¹³ Yaño' b^Λ tsi' wajleyob: Y^Λcobix ti lembal, che'ob.

I subt'an Pedro

14 Pedro tsa' wa'le yic'ot jini junlujuntiquil. C'am tsi' chale t'an. Tsi' subeyob: Winicob israelob yic'ot pejtelel añet b_Λ la ti Jerusalén, ubinla c t'an, ñopola. 15 Come ili winicob mach y_Λcobic che' bajche' mi la' ña'tan ti la' pusic'al, come bolomp'ejl jax to ora. 16 Jiñ_Λch chuqui tsi' subu jini x'alt'an Joel:

17 “Dios mi' y_Λl: Ti jini cojix b_Λ q'uin tac mi caj c_Λq'ueñob quEspíritu pejtelel winicob x'ixicob. La' walobilob mi caj i cha'leñob alt'an. Ch'iton winicob mi caj i q'uelob chuqui mi' p_Λsbentelob ti espíritu. Xñoxob la' cha'an mi' caj i ñajleñob chuqui tac tal. 18 Isujm ti jim b_Λ ora mi caj c_Λq'ueñob quEspíritu c winicob. Mi caj i cha'leñob alt'an. 19 Mi caj c p_Λs b_Λb_Λq'uen tac b_Λ ti panchan yic'ot i yejtal tac c p'_Λt_Λlel ti pañimil, ch'ich' yic'ot c'ajc yic'ot buts'. 20 Jini q'uin mi cajel i yiq'ues_Λntel, jini uw mi caj i ch_Λc'an che' bajche' ch'ich', che' maxto tilemic i q'uiñilel lac Yum, jini ñuc b_Λ q'uin mu' b_Λ caj i tilel. 21 Mi caj i yujtel che' an majqui mi' pejcan lac Yum ti' c'aba, mi caj i colt_Λntel”, che'en.

22 Winicob ti Israel, ubinla jini t'an. Dios tsi' p_Λsbeyetla uts'at jini Jesús ch'oyol b_Λ ti Nazaret. Come Dios tsi' c'_Λñ_Λ cha'an mi' cha'len ñuc b_Λ i melbal yic'ot b_Λb_Λq'uen tac b_Λ yic'ot i yejtal tac i p'_Λt_Λlel ti la' tojlel che' bajche' la' wujil. 23 Jini Jesús tsa' ajq'ui ti' c'_Λb winicob che' bajche' tsi' y_Λl_Λ Dios ti wajali. Dios tsi' w_Λn ña'ta chuqui mi' caj ti ujtel. Jatetla tsa'ix la' xic'be xñusa mandarob cha'an mi' chucob Jesús. Tsi' ch'ijiyob ti cruz. Tsi' ts_Λnsayob. 24 Che' ch_Λmenix Jesús, Dios tsi' teche ch'ojoyel, come ma'anic tsa' mejli ti c_Λy_Λt_Λl ba'an ch_Λmeño' b_Λ.

²⁵ Come David tsi' y_{ΛΛ} jini t'an cha'an Jesús: “Tsay q'uele c Yum ti pejtelel ora ti' tojel c wut, come an tic ñoj cha'an xuc'ul mi cajñel. ²⁶ Jini cha'an tijicña c pusic'al tsa cubi, tijicña mic cha'len t'an. C b_{ΛC}'tal mi caj i yajñel ti pijtaya, ²⁷ come ma'anic mi caj a c_{ΛY} c ch'ujlel ba'an ch_Λmeño' b_Λ, ma'anic mi caj a w_{ΛC}' ti oc'm_{ΛΛ} jini Ch'ujul B_Λ a cha'an. ²⁸ Tsa'ix a p_{ΛS}beyon i bijlel j cuxt_Λlel. Mi caj a ñuq'uesan c pusic'al cha'an añet quic'ot”, che'en.

²⁹ Winicob c pi'Λlob, mic subeñetla ti isujm, lac tat David tsa' ch_Λmi. Tsa' mujqui ti' yotlel ch'ujlel_Λ. C'Λ_Λ w_Λle w_Λ'an la quic'ot i yotlel ba' tsa' mujqui. ³⁰ David tsi' subu jini t'an come x'alt'añ_Λch. Tsi' ña'ta isujm i t'an Dios tsa' b_Λ i sube cha'an juntiquil i p'olbal, come loq'uem ti' p'olbal David jini Cristo mu' b_Λ caj i buchchocontel ti' yum_Λntel. ³¹ David tsi' w_{ΛN} ña'ta mi caj i cha' ch'ojoyel Cristo. Tsi' w_{ΛN} ña'ta ma'anic mi caj i c_{ΛY}t_Λ Cristo ba'an ch_Λmeño' b_Λ. Ma'anic mi caj i yoc'm_{ΛΛ} i b_{ΛC}'tal ja'el. Jini cha'an David tsi' subu pejtelel jini. ³² Dios tsi' teche ch'ojoyel Jesús. Tic pejtelel lojon testigojon lojon, tsa'ix j q'uele lojon. ³³ Tsa'ix aq'uenti Jesús i ñucllel ti' ñoj Dios. Tsa' ts'Λctiyi i t'an i Tat tsa' b_Λ subenti Jesús cha'an mi caj i y_{ΛC}' Ch'ujul b_Λ Espíritu. Tsa'ix i y_{ΛC}'Λ che' bajche' woli la' q'uel woli la' wubin. ³⁴ Ma'anic tsa' letsi majlel David ti panchan. Pero tsi' y_{ΛΛ}: “Jini lac Yum tsi' sube c Yum: Buchi' tic ñoj ³⁵ jinto mi c_Λq'ueñet a t'uchtan a contrajob”, che'en.

³⁶ Che' jini, la' i ñopob ti isujm pejtelel winicob ti Israel, Dios tsi' yotsa Jesús ti lac Yum. Jiñ_Λch Cristo, jini yajc_Λbil b_Λ, jini Jesús tsa' b_Λ la' ch'iji ti cruz.

Che' tsi' y_{ΛΛ} Pedro.

³⁷ Che' b_Λ tsa'ix ujti i yubiñob jini t'an, ch'ijiyem i pusic'al tsa' c_Λleyob. Tsi' c'ajtibeyob Pedro yic'ot yamb_Λ apóstolob: Winicob, c pi'Δlob, ¿chuqui yom mic cha'len lojon? che'ob. ³⁸ Pedro tsi' subeyob: C_Λy_Λ la' mul, ch'Δm_Λla ja' ti jujuntiquiletla ti' c'aba' Jesucristo, cha'an mi' ñ_{US}antel la' mul. Che'i mi caj la' w_Λq'uentel Ch'ujul b_Λ Espíritu ti la' majtan. ³⁹ Albilix, mi caj la' w_Λq'uentel jini Espíritu jatetla yic'ot la' walobilob yic'ot año' b_Λ ti ñajtl_Λ, che' bajche' jaytiquil mi' p_Δjyelob tilel cha'an lac Yum Dios, che'en.

⁴⁰ Anto cab_Λl t'an tsa' b_Λ i subu Pedro. Tsi' xic'beyob. Tsi' subeyob: Taja la' colt_Δntel cha'an mi la' c_Δy la' mel che' bajche' sajtemo' b_Λ, che'en. ⁴¹ Jini tsa' b_Λ i jac'beyob i t'an tsi' ch'Δm_Δyob ja'. Ti jini jach b_Λ q'uin tsa' ochiyob che' bajche' uxp'ejl mil winicob x'ixicob.

Pejtelel tsa' b_Λ i ñopoyob temel añoob

⁴² Tsi' ch_Δn ubibeyob i c_Δntes_Δbal jini apóstolob. Tsi' wen c'uxbiyob i b_Λ. Tsi' ch_Δn xet'eyob waj. Tsi' ch_Δn pejcayob Dios. ⁴³ Tsa' cajiyoob ti b_Λq'uen ti jujuntiquil. Cab_Λl ñ_{UC} tac b_Λ i ye'tel tsi' meleyob jini apóstolob. Tsi' p_ΔS_Δyob cab_Λl i yejtal tac i p'Δt_Δlel. ⁴⁴ Pejtelel tsa' b_Λ i ñopoyob, temel añoob. Pejtelel i chub_Δ'an i tem cha'añoob jach. ⁴⁵ Tsi' choñooyob i chub_Δ'an yic'ot i lum. Tsi' t'oxbeyob i b_Λ cha'an mi' y_Δq'uentelob jini mach b_Λ añoob i chub_Δ'an. ⁴⁶ Temel tsa' ch_Δn ajniyoob ti Templo ti jujump'ejl q'uin. Tsi' xet'eyob waj ti' yotot tac. Temel tsi' cha'leyob we'el. Tijicña i pusic'al ti jujuntiquil. Jump'ejlob jach i pusic'al. ⁴⁷ Tsi'

subuyob i ñuclél Dios. Ti pejtelel tejclum uts'at tsi' q'ueleyob winicob x'ixicob. Ti jujump'ejl q'uin lac Yum tsi' p'ojlesa xñopt'añob woli b_Λ i colt_Λntelob.

3

Tsa' lajmi winic mach b_Λ wenic i yoc

¹ Temel tsa' letsiyob majlel Pedro yic'ot Juan ti Templo ti' yorajlel oración ti och'ajel q'uin. ² Juntiquil winic mach b_Λ wenic i yoc c'ΛΛΛ che' b_Λ tsi' yila pañimil tsa' p_Λji tilel. Ti jujump'ejl q'uin tsi' y_Λc'Λyob ti' ti' Templo, i c'aba' I T'ojol B_Λ, cha'an mi' c'ajtibeñob taq'uin jini mu' b_Λ i yochelob ti Templo. ³ Jini winic, che' b_Λ tsi' q'uele Pedro yic'ot Juan woli b_Λ i yochelob ti Templo, tsi' c'ajtibeyob taq'uin. ⁴ Pedro yic'ot Juan tsi' q'ueleyob. Pedro tsi' sube: Q'ueleyon lojon, che'en. ⁵ Jini winic tsa' caji i wen q'uelob. Woli' pijtan mi an chuqui mi caj i y_Λq'uentel.

⁶ Pero Pedro tsi' sube: Ma'anic c taq'uin. Ma'anic c cha'an oro. Jini jach mi c_Λq'ueñet chuqui an c cha'an. Ti' c'aba' Jesucristo, jini ch'oyol b_Λ ti Nazaret, ch'ojyen, cha'len x_Λmbal, che'en. ⁷ Pedro tsi' chucbe ñoj b_Λ i c'Λb. Tsi' teche ch'ojyel. Ti ora jach tsa' p'Λ't'a i yoc yic'ot i bic' i yoc. ⁸ Tsa' xijt'i ch'ojyel. Tsa' wa'le. Tsa' caji ti x_Λmbal. Tsa' ochi ti Templo yic'otob. Tsi' cha'le x_Λmbal, tsi' cha'le tijp'el. Tsi' subu i ñuclél Dios. ⁹ Pejtelel winicob x'ixicob tsi' q'ueleyob wolix ti x_Λmbal jini winic. Woli' sub i ñuclél Dios. ¹⁰ Tsi' c_Λñ_Λyob jiñ_Λch tsa' b_Λ buchle i c'ajtin taq'uin ya' ti' ti' Templo, i c'aba' I T'ojol B_Λ. Tsa' toj sajtiyob i pusic'al. Tsi' cha'leyob b_Λq'uen cha'an jini tsa' b_Λ melbenti jini winic.

I subal Pedro ti' corredor Templo

11 Che' chucbil Juan yic'ot Pedro i cha'an jini winic tsa' b_Λ lajmes_Λnti, ti ajñel tsa' tiliyob pejtelel winicob x'ixicob ya' b_Λ añob ti corredor i cha'an Salomón. Tsa' toj sajtiyob i pusic'al. 12 Pedro che' b_Λ tsi' q'ueleyob tsi' subeyob: Winicob ti Israel, ¿chucoch mi' toj sajtel la' pusic'al cha'an tsa'ix p'at'a i yoc jini winic? ¿Chucoch mi la' ch'ujch'uj q'uelon lojon che' bajche' mi tic bajñel p'at_Λlel, tic bajñel uts'atlel, tsa c_Λq'ue lojon i p'at_Λlel ti x_Λmbal ili winic? 13 I Dios Abraham, i Dios Isaac, i Dios Jacob, i Dios lac ñojte'el tsa'ix i tsictesa i ñucllel i Yalobil, jiñ_Λch Jesús. Jatetla tsa'ix la' w_Λc'Λ ti' c'Λb i contra. Tsa' la' ts'a'le ti' tojlel Pilato, che' b_Λ tsi' ña'ta i y_Λc' ti colel. 14 Jatetla tsa' la' ts'a'le jini Ch'ujul B_Λ, jini Toj B_Λ. Tsa' la' c'ajtibe Pilato cha'an mi' y_Λc' ti colel sts_Λnsa. 15 Tsa' la' ts_Λnsa jini mu' b_Λ i y_Λq'ueñonla laj cuxt_Λlel. Testigojon lojon, Dios tsi' teche loq'uel ba'an ch_Λmeño' b_Λ. 16 Cha'an ti' c'aba' Jesús mu' b_Λ c ñop lojon tsi' taja i p'at_Λlel jini winic mu' b_Λ la' q'uel mu' b_Λ la' c_Λn. Jesús tsi' y_Λq'ueyonla lac ñop. Jini cha'an tsa' c'oq'ues_Λnti jini winic ti la' tojlel.

17 W_Λle c pi'lob, cujil tsa' la' ts_Λnsa Jesús cha'an i tontojlel la' pusic'al che' bajche' la' yumob. 18 Pero Dios tsi' ts'actesa i t'an tsa' b_Λ i w_Λn subu ti' yej pejtelel x'alt'añob i cha'an, cha'an wersa mi' yubin wocol Cristo. 19-20 Jini cha'an c_Λy_Λ la' mul. Sutq'uin la' b_Λ cha'an mi' yajpel la' mul, cha'an mi la' taj la' p'at_Λlel ti Espíritu yic'ot tijicña b_Λ la' pusic'al ti lac Yum. Dios mi caj i chocheñetla tilel Jesús jini Cristo wa'chocobil b_Λ i cha'an. 21 Come isujm mi' wersa ajñel Jesucristo ti panchan c'Λl_Λ ti' yorajlel che'

mi' cha' mel pejtelel chuqui tac an, che' bajche' tsi' subu Dios yic'ot ch'ujul b_Λ x'alt'añob i cha'an ti wajali. ²² Come Moisés tsi' subeyob la' ñojte'el: “La' Yum Dios mi caj i techbeñetla juntiquil x'alt'an che' bajche' joñon loq'uem b_Λ ti la' pi' _Λlob. Mi caj la' jac'ben pejtelel chuqui tac mi' subeñetla. ²³ Majqui jach mi' ñus_Λben i t'an jini x'alt'an, mi caj i chojqvel loq'uel ti' tojlel i pi' _Λlob cha'an mi' jilel”, che'en.

²⁴ Ti pejtelel x'alt'añob, c' _Λl_Λ ti Samuel yic'ot jini tsa' b_Λ tiliyob ti wi'ip_Λt che' bajche' jaytiquil tsi' cha'leyob t'an, tsi' w_Λn subuyob chuqui woli' yujtel ti ili q'uin tac. ²⁵ Jatetla i yalobiletla x'alt'añob. I cha'añetla jini trato b_Λ t'an subebilo' b_Λ lac ñojte'el cha'an Dios che' b_Λ tsi' sube Abraham: “Ti pejtelel año' b_Λ ti pañimil mi caj i t_Λjob i wenlel cha'an a p'olbal”, che'en. ²⁶ Dios tsi' teche ch'o_Λjyel i Yalobil. Tsi' ñaxan choco tilel ba' añetla cha'an mi' y_Λq'ueñetla la' wenlel cha'an mi' ñijcañetla la' c_Λy la' mul ti jujuntiquiletla. Che' tsi' y_Λl_Λ Pedro.

4

Pedro yic'ot Juan ti' tojlel jini año' b_Λ i ye'tel

¹ Che' woli' pejcañob winicob x'ixicob Pedro yic'ot Juan, tsa' tiliyob motomajob yic'ot saduceo_Λjob, yic'ot i yaj capitán jini xc_Λntayajob ti Templo.

² Ts_Λyts_Λyñayob i pusic'al come woli' c_Λntesañob winicob x'ixicob, come Pedro woli' subeñob mi caj i tech ch'o_Λjyel ch_Λmeño' b_Λ jini Jesús. ³ Tsi' chucuyob. Tsi' yotsayob ti m_Λjquib_Λl c' _Λl_Λ ti yijc' _Λl_Λ come ic'ajelix. ⁴ Cab_Λl tsa' b_Λ i yubiyob jini t'an tsi' ñopoyob. An che' bajche' jo'p'e_Λl mil winicob.

⁵ Ti' yijc'ɔlɔl tsi' tempayob i bɔ ti Jerusalén jini yumɔlob yic'ot xñoxob año' bɔ i ye'tel yic'ot sts'ijbayajob. ⁶ Ya'an ja'el Anás jini ñuc bɔ motomaj yic'ot Caifás yic'ot Juan yic'ot Alejandro yic'ot yambɔ i pi'ɔlob jini ñuc bɔ motomaj. ⁷ Che' bɔ tsa'ix i yɔc'ɔyob Pedro ti ojilil, tsi' c'ajtibeyob: ¿Baqui tsa' la' taja la' p'ɔtɔlel? ¿Majqui tsi' subeyetla cha'an mi la' mel jini? che'ob.

⁸ Che' jini Pedro, but'ul ti Ch'ujul bɔ Espíritu, tsi' subeyob: Jatetla yumɔletla, anix bɔ la' jabilel yic'ot la' we'tel ti Israel, ⁹ mi woli la' c'ajtibeñon lojon cha'an jini wen bɔ e'tel tsa' bɔ c melbe lojon ili winic, ubinla bajche' tsa' mejli ti p'ɔt'esɔntel. ¹⁰ Ña'tanla ti la' pejtelel. La' i ñopob ja'el pejtelel winicob x'ixicob ti Israel. Tsa'ix lajmi cha'an i c'aba' Jesucristo, jini ch'oyol bɔ ti Nazaret, jini tsa' bɔ la' ch'iji ti cruz, pero Dios tsi' teche ch'ojoyel ba'an chameño' bɔ. Cha'an i p'ɔtɔlel Jesucristo tsa'ix p'ɔt'a i yoc jini winic am bɔ ti la' tojlel. ¹¹ Jesús jiñɔch jini Xajlel tsa' bɔ la' choco, xmel ototet bɔ la. Tsa' otsɔnti ti ñaxan bɔ i xujc otot. ¹² Ma'anic laj coltɔntel ti yambɔ, cojach ti' c'aba' Jesús. Ma'anic yambɔ ti yebal panchan aq'uebilo' bɔ winicob mu' bɔ mejlel i coltañonla. Che' tsi' yɔlɔ Pedro.

¹³ Che' bɔ tsi' q'uelbeyob i ch'ejlel i pusic'al Pedro yic'ot Juan, tsa' toj sajtiyob i pusic'al winicob x'ixicob come yujilob mach cɔntesɔbilobit ti jun, ma'añobic i ye'tel. Tsi' ña'tayob i pi'ɔlobɔch Jesús jini Pedro yic'ot Juan. ¹⁴ Che' bɔ tsi' q'ueleyob lajmenix jini winic wa'al bɔ yic'otob, ma'anic chuqui tsa' mejli i subob ti' contra. ¹⁵ Tsi' subeyob loq'uel ti' tojlelob. Tsa' caji i pejcañob i bɔ jini año' bɔ i

ye'tel. ¹⁶ Tsi' y_ΛΛyob: ¿Chuqui mi caj lac tumben jini winicob? Come c_Λmbil i cha'an pejt_Λel chu-mulo' b_Λ ti Jerusalén, tsi' p_ΛS_Λyob ñuc b_Λ i yejtal i p'_Λt_Λlel ti isujm. Mach mejlic la c_Λl mach isujmic. ¹⁷ Ame ch_Λn p'ojlic jini t'an ti lac tejclum, la' lac tic' jini winicob cha'an mach mi' ch_Λn cha'leñob t'an ti' c'aba' Jesús, che'ob.

¹⁸ Tsi' p_Λy_Λyob tilel Pedro yic'ot Juan. Tsi' tiq'uiyob cha'an ma'anic mi' ch_Λn cha'leñob t'an yic'ot c_Λntesa ti' c'aba' Jesús. ¹⁹ Pedro yic'ot Juan tsi' jac'beyob: Subula jatetla mi toj ti' wut Dios mi tsac ñu_SΛbe lojon i t'an Dios cha'an mic jac'beñetla. ²⁰ Mach mejlic mij c_Λy lojon ili t'an. Wersa mic sub lojon chuqui tsaj q'uele lojon yic'ot chuqui tsa cubi lojon, che'ob. ²¹ Jini yum_Λlob che' b_Λ tsa' ujt_i i subeñob chuqui mi' caj ti ujt_Λel mi ma'anic tsi' jac'_Λyob, tsi' chocoyob sujtel. Ma'anic tsi' y_Λq'ueyob i toj i mul, come tsi' b_Λc'ñayob winicob x'ixicob. Ti pejtelelob woli' subob i ñucl_Λel Dios cha'an jini tsa' b_Λ ujt_i. ²² Come ñumenix ti cha'c'al i jabilel jini winic tsa' b_Λ p'_Λt'es_Λnti cha'an ñuc b_Λ i p'_Λt_Λlel Dios.

Tsi' c'ajtiyob i ch'ejlel i pusic'al

²³ Che' b_Λ tsa' ajq'uiyob ti colel Pedro yic'ot Juan, tsa' majliyob ba'an i pi'_Λlob. Tsi' subeyob pejtelel chuqui tsi' y_ΛΛyob ñuc b_Λ motomajob yic'ot xñoxob año' b_Λ i ye'tel. ²⁴ Che' b_Λ tsa'ix ujt_i i yubiñob jini t'an, ti pejtelelob tsi' tem pejcayob Dios. Tsi' subeyob: C Yum, jatet Dioset tsa' b_Λ a mele panchan yic'ot pañimil yic'ot colem ñajb yic'ot pejtelel i b_Λ. ²⁵ Tsi' cha'le t'an jini Ch'ujul b_Λ Espíritu ti' yej David jini a winic. Tsi' y_ΛΛ: “¿Chucoch tsi' cha'leyob

mich'ajel ti mojt ti mojt? ¿Chucoch to'ol lolom jach chuqui tac tsi' ña'tayob ti' pusic'al? ²⁶ Jini reyob ti pañimil tsi' chajpayob i b_Λ, jini yum_Λlob tsi' tempayob i b_Λ cha'an mi' contrajiñob lac Yum yic'ot Cristo, jini yajc_Λbil b_Λ i cha'an Dios", che'en. ²⁷ Isujm ti jini tejclum, tsi' tempayob i b_Λ Herodes yic'ot Poncio Pilato yic'ot jini gentilob yic'ot israelob ti' contra Jesús, jini ch'ujul b_Λ a Walobil, jini yajc_Λbil b_Λ a cha'an. ²⁸ Tsi' tempayob i b_Λ cha'an mi' cha'leñob pejtelel chuqui tsa' w_Λn ña'ta mi' caj ti ujtel. ²⁹ W_Λle, c Yum, q'uele bajche' mi' y_Λ'leñon lojon. A winicon lojon. Aq'ueñon lojon i ch'ejlel c pusic'al cha'an mic sub lojon a t'an. ³⁰ Ac'Λ a c'Λb ti lajmesaya cha'an mi' p_Λst_Λl i yejtal a p'Λt_Λlel yic'ot ñuc tac b_Λ a melbal ti' c'aba' a Walobil Jesús, jini Ch'ujul B_Λ. Che' tsi' cha'le oración. ³¹ Che' b_Λ tsa' ujt i pejcañob Dios, tsa' ñijc_Λanti jini otot ba' tsi' tempayob i b_Λ. Ti pejtelelob but'ulob ti Ch'ujul b_Λ Espíritu. Tsi' subuyob i t'an Dios ti' ch'ejlel i pusic'al.

I tem cha'añob jach i chub_Λ'an

³² Jump'ejlob jach i pusic'al, junchajpob jach i ña't_Λbal jini bajc'al winicob x'ixicob tsa' b_Λ i ñopoyob. Ma'anic majqui tsi' y_ΛΛ mi i bajñel cha'añach i chub_Λ'an. I tem cha'añob jach pejtelel i chub_Λ'an. ³³ Testigojob jini apóstolob. Ti cabal i p'Λt_Λlel tsi' subuyob tsa' cha' ch'ojoyi lac Yum Jesús. Pejtelel jini xñopt'añob tsa' aq'uentiyob i yutsllel i pusic'al Dios. ³⁴ Laj añob i chub_Λ'an, come jini año' b_Λ i lum yic'ot i yotot tsi' choñoyob. Tsi' ch'Λm_Λyob tilel i tojol jini tsa' b_Λ chojni. ³⁵ Tsi' p'ulchocoyob lac'al ti' yoc jini apóstolob. Tsa'

t'oxbentiyob xñopt'añob, majqui jach anto yom i cha'an.

³⁶ José, juntiquil leví ch'oyol bΛ ti Chipre, tsa' aq'uenti yambΛ i c'aba' cha'an jini apóstolob. Jiñach Bernabé. (Mi' yΛ ti lac t'an, jini mu' bΛ i ñuq'uesan lac pusic'al.) ³⁷ An i lum jini Bernabé. Tsi' choño. Tsi' ch'ΛmΛ tilel i tojol. Tsi' p'ulchoco lΛc'Λl ti' yoc jini apóstolob.

5

Ananías yic'ot Safira

¹ Juntiquil winic, i c'aba' Ananías yic'ot i yijñam, i c'aba' Safira, tsi' choño jumpejt lum. ² Tsi' loto lamital i tojol. Yujil ja'el i yijñam. Tsi' ch'ΛmΛ tilel lamital, tsi' p'ulchoco lΛc'Λl ti' yoc jini apóstolob. ³ Pedro tsi' sube Ananías: ¿Chucoch but'ul a pusic'al ti Satanás? Tsa' loti jini Ch'ujul bΛ Espíritu che' bΛ tsa' loto lamital i tojol a lum. ⁴ Che' bΛ maxto anic tsa' choño, ¿mach ba a cha'anic? Che' bΛ tsa'ix a choño, ¿mach ba a wentajic jini i tojol? ¿Chucoch tsa' tejchi lot ti a pusic'al? Ma'anic tsa' loti winicob, tsa' loti Dios, che'en.

⁵ Che' bΛ tsi' yubi jini t'an Ananías, tsa' yajli. Tsa' chΛmi. Tsi' wen cha'leyob bΛq'uen pejtelel jini tsa' bΛ i yubiyob. ⁶ Ch'iton winicob tsa' ch'ojyiyob. Tsi' bΛc'Λyob. Che' bΛ tsi' ch'ΛmΛyob loq'uel, tsi' mucuyob.

⁷ Tsa' ñumi che' bajche' uxp'ejl ora, tsa' ochi tilel i yijñam Ananías. Maxto yujilic chuqui tsa' ujtí. ⁸ Pedro tsi' sube: Subeñon mi che'i tsa' ch'ΛmΛ i tojol a lum che' bΛ tsa' la' choño, che'en. Tsi' sube: Che'cuyi tsac ch'ΛmΛ lojon i tojol, che'en. ⁹ Pedro tsi' sube: ¿Bajche' tsa' la' teme la' t'an cha'an mi

la' wilben i pusic'al i yEspíritu lac Yum? Awilan, jini tsa' bΛ i mucuyob a ñoxi'al añob ti' ti' otot. Mi caj i ch'Λmetob loq'uel ja'el, che'en. ¹⁰ Ti ora tsa' yajli lΛc'Λl ti' yoc Pedro. Tsa' chΛmi. Che' bΛ tsa' ochiyob ch'iton winicob, chΛmenix tsi' tajayob. Tsi' ch'ΛmΛyob loq'uel. Tsi' mucuyob ti' t'ejl i ñoxi'al. ¹¹ Tsi' wen cha'leyob bΛq'uen pejtelel jini xñopt'añob, yic'ot pejtelel tsa' bΛ i yubiyob chuqui tsa' ujtí.

CabΛ i yejtal i p'ΛtΛlel jini apóstolob

¹² Jini apóstolob tsi' meleyob cabΛ ñuc tac bΛ i melbal. Tsi' pΛsΛyob i yejtal i p'ΛtΛlel ti' tojlel winicob x'ixicob. Ti pejtelelob ya' añob ti jump'ejl i pusic'al ti' corredor Salomón. ¹³ Yaño' bΛ ma'aníc tsi' ñopo i lΛc'tesañob i bΛ cha'an bΛq'uen. Pero jini xñopt'añob tsi' q'ueleyob ti ñuc. ¹⁴ CabΛ tsa' p'ojliyob jini tsa' bΛ i ñopoyob lac Yum, winicob yic'ot x'ixicob. ¹⁵ Tsi' ch'ΛmΛyob majlel xc'amΛjelob ti bij. Tsi' ñolchocoyob ti' wΛyib yic'ot poj p tac cha'an mi' tajob anquese jinic jach i yΛxñΛlel Pedro che' woli' ñumel majlel. ¹⁶ CabΛob tsi' tempayob i bΛ ti Jerusalén ch'oyolo' bΛ ti yambΛ tejclum tac ti' joytilel. Tsi' pΛyΛyob tilel xc'amΛjelob yic'ot jini tic'Λbilo' bΛ cha'an xibajob. Tsa' lajmesΛntiyob ti pejtelelob.

Tsa' tic'Λntiyob Pedro yic'ot Juan

¹⁷ Tsa' tili jini ñuc bΛ motomaj yic'ot pejtelel jini saducejob. TsΛytsΛyñayob jax i pusic'al cha'an jini tsa' bΛ ujtí. ¹⁸ Tsi' chucuyob jini apóstolob. Tsi' yotsayob ti mΛjquibΛl yic'ot jini woli bΛ i tojob i mul. ¹⁹ Ti ac'Λlel i yángel lac Yum tsi' jambeyob i ti' jini mΛjquibΛl. Tsi' loc'sayob. Tsi' subeyob:

²⁰ Cucula ti wa'tal ti Templo. Suben winicob x'ixicob bajche' yom mi' tajob i cuxtilel, che'en.

²¹ Che' b_Λ tsi' yubiyob jini t'an, tsa' ochiyob ti Templo ti sac'ajel. Tsi' cha'leyob cantesa.

Tsa' tili jini ñuc b_Λ motomaj yic'ot yaño' b_Λ. Tsi' p_Λy_Λyob tilel jini año' b_Λ i ye'tel yic'ot jini ñoxobix b_Λ israelob. Tsi' choco majlel i winicob cha'an mi' p_Λyob tilel Pedro yic'ot Juan. ²² Che' b_Λ tsa' c'otiyob i winicob, ma'anic tsi' tajayob ti m_Λjquib_Λ. Tsa' cha' sujtiyob i sub. ²³ Tsi' y_ΛΛyob: Isujmach, wen machbil tsac taja lojon jini m_Λjquib_Λ. Ya' añoob jini xcantayajob ti' ti'. Che' b_Λ tsac jam_Λ lojon, ma'anic majqui tsac taja lojon, che'ob. ²⁴ Che' b_Λ tsi' yubiyob jini t'an, jini ñuc b_Λ motomaj yic'ot i capitán jini Templo yic'ot ñuc b_Λ motomajob mach yujilobic chuqui mi' caj ti ujtél mi tsa' tsictiyi jini.

²⁵ Tsa' tili juntiquil. Tsi' subeyob: Awilan, ya' wa'alob ti Templo jini winicob tsa' b_Λ la' ñup'u. Woli' cha' cantesañoob winicob x'ixicob, che'ob.

²⁶ Jini cha'an tsa' majli jini capitán yic'ot i winicob. Tsi' p_Λy_Λyob tilel Pedro yic'ot Juan. Pero utsob jax come woliyob ti b_Λq'uen ame jujlicob ti xajlel cha'an winicob.

²⁷ Che' b_Λ tsa'ix i p_Λy_Λyob tilel, tsi' y_Λc'Λyob ba'an jini año' b_Λ i ye'tel. Jini ñuc b_Λ motomaj tsi' subeyob: ²⁸ ¿Mach ba tsa'ic c tiq'uiyetla cha'an ma'anic mi la' chan cha'len cantesa ti' c'aba' Jesús? Awilan, tsa'ix ubinti la' cantesa ti pejtelel Jerusalén. La' wom la' tsictesan lojon c mul cha'an tsac bec'be lojon i ch'ich'el jini winic, che'en. ²⁹ Pedro yic'ot jini apóstolob tsi' jac'beyob: Wersa mic jac'ben lojon i mandar Dios anquese mi' ñus_Λntel i mandar winicob. ³⁰ I Dios lac ñojte'el tsi' teche ch'ojoyel

Jesús, tsa' b_Λ la' ts_Λnsa che' b_Λ tsa' la' ch'iji ti te'. ³¹ Dios tsi' y_Λq'ue i ñucl_Λ ya' ti' ñoj. Colem yum_Λl_Λch, Xcoltayaj_Λch. Mi' y_Λq'ueñob i c_Λy i mul jini israelob cha'an mi' ñus_Λb_Λeñob i mul. ³² Mic sub lojon jini tsa' b_Λ ujti. Jini Ch'ujul b_Λ Espíritu mi' sub ja'el, come Dios mi' y_Λq'ueñob i yEspíritu jini mu' b_Λ i jac'beñob i t'an, che'ob.

³³ Tsa' wen mich'ayob che' b_Λ tsi' yubibeyob i t'an. Yomob i ts_Λnsan jini apóstolob. ³⁴ Tsa' ch'ojyi juntiquil fariseo am b_Λ i ye'tel, i c'aba' Gamaliel. Jiñ_Λch mu' b_Λ i c_Λntesan winicob ti mandar. Ti pejtelelob tsi' q'ueleyob ti ñuc. Tsi' y_Λc'Λ mandar cha'an mi' poj p_Λjyelob loq'uel jini apóstolob. ³⁵ Che' majlemobix, Gamaliel tsi' sube i pi'lob: Israelob, ch_Λc_Λ q'uele la' b_Λ cha'an chuquí tac mi la' tumben jini winicob. ³⁶ Come waja_Λlix tsa' tili Teudas. Tsi' lon subu i b_Λ ti ñuc. Tsi' tsajcayob che' bajche' jumbajc' winicob, pero tsa' ts_Λnsanti. Tsa' pujquiyob jini tsa' b_Λ i tsajcayob. Che' jach tsa' lajmi. ³⁷ Ti wi'il tsa' tili Judas ch'oyol b_Λ ti Galilea. Che' ti' yorajlel censo, jini Judas tsi' p_Λy_Λ majlel cab_Λ winicob. Tsa' ts_Λnsanti ja'el. Tsa' pam pujquiyob pejtelel tsa' b_Λ i tsajcayob. ³⁸ W_Λle mic subeñetla, ch_Λc_Λ q'uele la' b_Λ cha'an ma'anic mi la' tic'lan jini winicob. Mi ch'oyol ti' bajñel pusic'al jini t'an yic'ot jini e'tel, mi' caj ti jilel. ³⁹ Mi ch'oyol_Λch ti Dios, mach mejlic la' jis_Λben i ye'tel ame che'ic mi la' contrajin Dios. Che' tsi' y_Λl_Λ Gamaliel.

⁴⁰ Tsi' jac'beyob i t'an. Che' b_Λ tsi' p_Λy_Λyob ochel jini apóstolob, tsi' bajbeyob. Tsi' subeyob cha'an ma'anic mi' ch_Λn cha'leñob t'an ti' c'aba' Jesús. Tsi' coloyob. ⁴¹ Che' b_Λ tsa'ix loq'uiyob ti'

tojlel año' bΛ i ye'tel, tijicñayob jax i pusic'al, come Dios tsi' yΛq'ueyob i xuc'tilel i pusic'al cha'an mi' ñusañob i ts'a'lentel ti' c'aba' Jesús. ⁴² Ti jujump'ejl q'uin tsi' chΛn cha'leyob cΛntesa ti Templo yic'ot ti jujump'ejl otot. Tsi' chΛn subuyob i t'an Jesucristo.

6

Tsi' yajcayob wuctiquil

¹ Che' woli' p'ojlelob xΛnt'añob, jini griegojob tsi' yΛ'leyob hebreojob, come jini meba' x'ixicob i cha'añob ma'anic tsa' aq'uentiyob chuqui anto yom i cha'an ti jujump'ejl q'uin. ² Jini cha'an jini lajchΛntiquil tsi' tempayob pejtelel jini xΛnt'añob. Tsi' subeyob: Mach wenic mij cΛy lojon c sub i t'an Dios cha'an mic puc lojon waj. ³ Jini cha'an hermanojob, yajcanla wuctiquil winicob uts'at bΛ i pusic'al but'ulob ti Ch'ujul bΛ Espíritu, yic'ot wen bΛ i ña'tΛbal, cha'an mi la' wa'chocoñob cha'an jini e'tel. ⁴ Joñon lojon mi caj c chΛn pejcan lojon Dios. Mi caj c chΛn cha'len lojon subt'an, che'ob.

⁵ Uts'at tsi' yubibeyob i t'an ti pejtelelob. Tsi' yajcayob Esteban, ñopol bΛ i cha'an i t'an Dios ti jump'ejl i pusic'al, but'ul bΛ ti Ch'ujul bΛ Espíritu. Tsi' yajcayob Felipe ja'el yic'ot Prócoro yic'ot Nicanor yic'ot Timón yic'ot Parmenas yic'ot Nicolás, jini tsa' bΛ ochi i ñop ti Antioquía. ⁶ Tsi' pΛyΛyob ba'an jini apóstolob. Che' bΛ tsa'ix ujtí i pejcañob Dios, tsi' yΛc'Λyob i c'Λb ti' jol. ⁷ Tsa' pujqui i t'an lac Yum. Wen cabΛl tsa' p'ojliyob xΛnt'añob ti Jerusalén. CabΛl motomajob ja'el tsi' jac'beyob i t'an Dios.

Tsi' chucuyob Esteban

8 Esteban, but'ul ti' yutslel i pusic'al yic'ot i p'ΛtΛlel, tsi' pΛsΛ ñuc tac bΛ i yejtal i p'ΛtΛlel yic'ot ñuc tac bΛ i ye'tel ti' tojlel winicob x'ixicob. 9 Jini cha'an tsa' tiliyob winicob mu' bΛ i yajñelob ti sinagoga. Tsa' caji i yΛ'leñob Esteban. Jini winicob i c'aba' librejo' bΛ yic'ot cirenejob, yic'ot alejandríajob, yic'ot judíojob ch'oyolo' bΛ ti Cilicia yic'ot ti Asia tsa' caji' contrajiñob Esteban. 10 Ma'anic tsa' mejli i contrajiñob i ña'tabal yic'ot jini Espiritu tsiquil bΛ ti' t'an. 11 Tsi' xic'beyob winicob ti mucul jach cha'an mi' jop'beñob i mul. Tsi' yΛΛyob: Tsa'ix cubibe lojon i t'an che' bΛ tsi' cha'le p'ajoñel ti' contra Moisés yic'ot ti' contra Dios, che'ob.

12 Tsi' ñijcayob winicob x'ixicob yic'ot xñoxob año' bΛ i ye'tel yic'ot sts'ijbayajob. Tsa' tiliyob, tsi' chucuyob Esteban. Tsi' pΛyΛyob majlel ba'an jini año' bΛ i ye'tel. 13 Tsi' wa'chocoyob xjop't'añoob tsa' bΛ i yΛΛyob: Jini winic mi' cha'len p'ajoñel ti pejtelel ora. Mi' p'aj jini Ch'ujul bΛ AjñibΛl yic'ot jini mandar. 14 Come tsa'ix cubi lojon che' bΛ tsi' yΛΛ jini Esteban: “Jini Jesús ch'oyol bΛ ti Nazaret mi caj i jisan jini AjñibΛl. Mi caj i q'uextan i cΛntesΛbal Moisés tsa' bΛ lac ñopo ti lac tat”, che'ob. 15 Pejtelel jini buchulo' bΛ año' bΛ i ye'tel tsi' q'uelbeyob i wut Esteban lajal bajche' i wut ángel.

7

I subt'an Esteban

1 Jini ñuc bΛ motomaj tsi' c'ajtibe: ¿Isujm ba jini? che'en. 2 Esteban tsi' yΛΛ: Winicob c pi'Λlob, ñich'tanla. Jini Dios am bΛ i ñucler tsa' tsictiyi ti' wut lac tat Abraham che' ya'to an ti Mesopotamia

che' maxto anic tsa' majli ti Harán. ³ Dios tsi' sube: “Loq'uen ti a lumal ba'an a pi'lob. Cucu ti ochel ti lum mu' b_Λ caj c p_Λsbeñet”, che'en.

⁴ Tsa' loq'ui ti' lumal caldeojob. Tsa' caji ti chumt_Λ ti Harán. Che' b_Λ tsa' ch_Λmi i tat Abraham, Dios tsi' c'axtesa ti yamb_Λ lum w_Λ' ba' chumulonla w_Λle. ⁵ Dios ma'anic chuqui tsi' y_Λq'ue Abraham ilayi, mi ts'ita'ic lum, pero tsi' y_Λq'ue i t'an. Tsi' sube mi caj i yotsan ti' yum jini lum yic'ot i p'olbal ja'el anquese maxto anic i yalobil. ⁶ Dios tsi' sube Abraham ja'el: “Mi caj i majlel ti chumt_Λ a p'olbal ti yamb_Λ lum mach b_Λ i cha'añobic, ba' mi caj i y_Λj_q'uelob ti to'ol e'tel. Jumbajc' jab mi caj i cha'leñob majtan e'tel yic'ot wocol. ⁷ Mi caj c_Λq'ueñob i toj i mul jini winicob x'ixicob mu' b_Λ i yotsañob ti to'o e'tel. Ti wi'il mi caj i loq'uelob tilel a p'olbal. Mi caj i ch'ujutesañob ilayi”, che'en. ⁸ Dios tsi' y_Λq'ue Abraham jini xuc'ul b_Λ t'an cha'an tsep p_Λch_Λlel. I yalobil Abraham jiñach Isaac. Abraham tsi' tsepbe i p_Λch_Λlel che' wax_Λc_p'ejl jax to i q'uiñilel Isaac. I yalobil Isaac jiñach Jacob. I yalobilob Jacob jiñob_Λch lajch_Λantiquil lac ñojte'el.

⁹ Ts_Λyts_Λyñayob jax i pusic'al jini lac ñojte'el cha'an José. Jini cha'an tsi' choñoyob cha'an mi' p_Λjyel majlel ti Egipto pero ya'an Dios yic'ot. ¹⁰ Dios tsi' loc'sa ti pejtelel i wocol. Tsi' ñijc_Λbe i pusic'al Faraón cha'an mi' q'uel José ti uts'at. Dios tsi' y_Λq'ue José i ña't_Λbal ti' tojlel jini rey Faraón ya' ti Egipto. Dios tsi' y_Λq'ue i ye'tel ti yum_Λ ti' tojlel egiptojob yic'ot ti' yotot Faraón ja'el.

¹¹ Tsa' caji wi'ñal ti' lumal egiptojob yic'ot ti Canaán ja'el. An cab_Λ wocol. Lac ñojte'el ma'anic tsi' tajayob i b_Λ i ñ_Λc'. ¹² Che' b_Λ tsi' yubi Jacob

an trigo ya' ti Egipto, tsi' choco majlel lac ñojte'elob che' ti' cajibal wi'ñal. ¹³ Che' b_Λ tsa' majliyob ti' cha'yajlel, José tsi' y_Λc'Λ i b_Λ ti c_Λjñel ti' tojlel i y_Λscuñob. Tsi' y_Λc'Λ i pi'Λlob ti c_Λjñel ti' tojlel Faraón. ¹⁴ José tsi' chocoyob majlel cha'an mi' p_Λyob tilel Jacob, i tat, yic'ot pejtelel i pi'Λlob, jo'lujuntiquil i ch_Λnc'al (75). ¹⁵ Tsa' jubi majlel Jacob ya' ti Egipto. Ya' tsa' ch_Λmi yic'ot lac ñojte'elob. ¹⁶ Tsa' q'uejchiyob majlel c'Λl_Λ ti Siquem ba' tsa' mujquiyob ti' yotlel ch'ujlel_Λ m_Λmbil b_Λ i cha'an Abraham. Abraham tsi' tojbeyob ti taq'uin i yalobilob Hamor ya' ti Siquem.

¹⁷ Che' b_Λ yomix c'otel i yorajlel cha'an mi' ts'actiyel i t'an Dios che' bajche' tsi' sube Abraham, tsa' wen p'ojli i p'olbal Abraham ya' ti Egipto ¹⁸ jinto tsa' wa'choconti yamb_Λ rey ti Egipto mach b_Λ anic tsi' cañ_Λ José. ¹⁹ Mach tojic chuqui tsi' tumbe lac pi'Λlob jini rey. Tsi' tic'la lac ñojte'elob cha'an mi' wersa ac'ob i yalobilob ti ch_Λmel cha'an mi' jilel i p'olbal Israel. ²⁰ Ti jim b_Λ ora che' woli to i tic'lañob, tsi' yila pañimil Moisés. Wen uts'atax tsi' q'uele Dios. Tsa' tsu's_Λanti uxp'ejl uw ti' yotot i tat. ²¹ Che' b_Λ tsa' ajq'ui Moisés ba' b_Λb_Λq'uen mi' ch_Λmel, tsa' tili i yalobil Faraón. Tsi' loto. Tsi' cosa che' bajche' i yalobil. ²² Tsa' c_Λntes_Λanti Moisés ti pejtelel i ña't_Λbal egiptojob. Wen ch'ejl ti t'an yic'ot ti e'tel.

²³ Che' cha'c'alix i jabilel, Moisés tsi' ña'ta ti' pucic'al yom majlel i jula'tan i pi'Λlob, jiñob_Λch i yalobilob Israel. ²⁴ Che' b_Λ tsi' q'uele woli' tic'l_Λntel juntiquil i pi'Λ, Moisés tsi' colta jini woli b_Λ i tic'l_Λntel. Tsi' q'uext_Λbe i jontolil jini egipto. Tsi' jats'Λ. ²⁵ Come Moisés tsi' lon ña'ta woli' ch'Λmbeñob

isujm i pi'ʌlob, cha'an jiñʌch yajcʌbil bʌ ti Dios cha'an mi' coltañob. Pero ma'anic tsi' ch'ʌmbeyob isujm. ²⁶ Ti yijc'ʌlal Moisés tsi' pʌsʌ i bʌ ba'an i pi'ʌlob che' woliyob ti leto. Yom i lajmesan leto. Tsi' yʌʌʌ: “Winicob, la' pi'ʌl la' bʌ. ¿Chucoch mi la' tic'lan la' bʌ?” che'en. ²⁷ Jini tsa' bʌ i tic'la i pi'ʌl tsi' tʌjcʌx choco majlel Moisés. Tsi' sube: “¿Majqui tsi' yʌq'ueyet a we'tel ti yumʌl cha'an ma' melon lojon? ²⁸ ¿A wom ba a tsʌnsañon che' bajche' tsa' tsʌnsa jini egipto ac'bi?” che'en. ²⁹ Che' bʌ tsi' yubi jini t'an, tsa' puts'i majlel Moisés. Tsa' majli ti chumtʌl ti yambʌ lum i c'aba' Madián. Ya'i tsi' yilayob pañimil cha'tiquil ch'iton bʌ i yalobil.

³⁰ Che' ñumenix cha'c'al jab, tsa' tsictiyi juntiquil ángel ti colem bʌ i tiquiñal pañimil lac'ʌl ti Sinaí wits. Tsa' tsictiyi ti c'ajc woli bʌ ti lejmel ti alate'. ³¹ Che' bʌ tsi' q'uele Moisés, tsa' toj sajti i pusic'al cha'an jini tsa' bʌ i q'uele. Che' bʌ tsa' majli i q'uel jini alate', tsa' tili i t'an lac Yum: ³² “Joñon i Dioson a ñojte'el, i Dioson Abraham, i Dioson Isaac, i Dioson Jacob”, che'en Dios. Mach yomic i chʌn q'uel Moisés, come tsiltsilña jax ti bʌq'uen. ³³ Lac Yum tsi' sube: “Loc'san a xʌñʌb ti a woc come ch'ujul jini lum ba' wa'alet. ³⁴ Isujm, tsa'ix j q'uele i tic'ʌntel c cha'año' bʌ ya' ti Egipto. Tsa'ix cubibeyob i yuq'uel. Tsa'ix jubiyon tilel cha'an mic loc'sañob. La'ix cu, che' jini. Mi caj c choquet majlel ti Egipto”, che'en.

³⁵ Jini Moisés tsa' ts'a'lenti cha'an i pi'ʌlob. Tsi' yʌʌyob i pi'ʌlob: “¿Majqui tsi' yʌq'ueyet a we'tel ti yumʌl yic'ot ti meloñel?” che'ob. Jini Moisés ts'a'lebil bʌ i cha'añob, Dios tsi' choco tilel. Jini ángel tsa' bʌ tsictiyi ti alate' tsi' yʌq'ue i ye'tel ti

yum^Λ yic'ot ti xcoltaya. ³⁶ Moisés tsi' p^Λy^Λ loq'uel i yalobilob Israel che' b^Λ tsa' ujtⁱ i p^Λs b^Λb^Λq'uen tac b^Λ yic'ot i yejtal i p^Λt^Λlel cha'c'al jab ya' ti Egipto yic'ot ti Ch^Λch^Λc b^Λ Ñajb yic'ot ti jochol b^Λ lum. ³⁷ Jiñach Moisés tsa' b^Λ i sube i yalobilob Israel: “Lac Yum Dios mi caj i techbeñetla juntiquil x'alt'an che' bajche' joñon loq'uem b^Λ ti la' pi'lob. Jini mi caj la' wubin”, che'en. ³⁸ Jiñach Moisés am b^Λ yic'ot jini temp^Λbilo' b^Λ ti jochol b^Λ lum. Jini ángel tsi' pejca ya' ti Sinaí wits yic'ot lac ñojte'el. Tsi' yubi jini t'an cha'an laj cuxt^Λlel cha'an mi' cha' aq'ueñonla.

³⁹ Lac ñojte'el ma'anic tsi' jac'beyob Moisés. Tsi' ts'a'leyob. Tsi' ch^Λn ña'tayob i cha' sujt^Λel ti Egipto. ⁴⁰ Tsi' subeyob Aarón: “Mele lac dios tac cha'an ñaxan mi' majlel ti lac tojlel. Come ma'anic mi lac ña'tan chuqui tsa' tumbenti jini Moisés tsa' b^Λ i p^Λy^Λyonla loq'uel ti Egipto”, che'ob. ⁴¹ Che' jini tsi' meleyob a^Λ wacax. Tsi' ts^Λns^Λbeyob i majtan jini dios taq'uin. Tsa' ñuc'ayob i pusic'al cha'an jini dios tsa' b^Λ i meleyob ti' c'ab. ⁴² Jini cha'an Dios tsi' c^Λy^Λyob cha'an mi' ch'ujutesañob jini q'uin yic'ot uw yic'ot ec'. Ts'ijbubil ti' jun x'alt'añob ja'el: “Jatetla israelob, ¿tsa' ba la' ts^Λns^Λbeyon la' w^Λlac' cha'c'al jab ti jochol b^Λ lum? ¿Tsa' ba la' pulbeyon c majtan? ⁴³ Tsa'ix la' q'uechbe pisil b^Λ i yotlel Moloc, yic'ot jini ec', i yejtal b^Λ a dios Renfán. Tsa' la' mele cha'an mi' la' ch'ujultesan. Joñon mi caj j c'axtesañetla ti junwejl Babilonia”, che'en.

⁴⁴ An i cha'an lac ñojte'elob jini pisil b^Λ otot ti jochol b^Λ lum ba' tsa' p^Λsle i sujml^Λel Dios. Come che' b^Λ tsi' yac'Λ mandar Dios, tsi' sube Moisés cha'an

mi' mel otot che' bajche' tsa' pAsbenti. ⁴⁵ Che' bΛ tsa' ujtí i ch'Λmbeñob i lum gentilob lac ñojte'el yic'ot Josué, tsi' q'uecheyob ochel jini pisil bΛ otot ti' lumal. Come Dios tsi' choco loq'uel jini gentilob ti' tojel i wutob lac ñojte'el c'ΛΛΛ ti' yorajlel David. ⁴⁶ Dios tsi' pAsbe David i yutslel. Jini David yom i melben i chumlib Dios tsa' bΛ i ñopo Jacob. ⁴⁷ Pero tsi' mele Salomón.

⁴⁸ Jini C'ax Ñuc BΛ ma'anic mi' chumtΛ ti templo tac melbil bΛ ti c'ΛbΛ. Che' ja'el tsi' yΛΛ jini x'alt'an: ⁴⁹ "Jini panchan c buchlib, jini pañimil i yajñib coc. ¿Chuqui ti otot la' wom la' melbeñon? che'en lac Yum. ¿Chuqui jini cajñib ba' mij c'aj co? ⁵⁰ ¿Mach ba c melbalic pejtelel ili tac?" che'en. ⁵¹ Tsatsatax la' pusic'al. Mach sΛq'uesAbilic la' pusic'al. MΛcΛ la' chiquin. Ti pejtelel ora jatetla mi la' mΛctan jini Ch'ujul bΛ Espíritu. Che' bajche' tsi' mele la' ñojte'el, che' ja'el mi la' mel jatetla. ⁵² Ma'anic mi juntiquilic x'alt'an mach bΛ anic tsa' tic'lanti cha'an la' ñojte'el. Tsi' tsAnsayob jini tsa' bΛ i wΛn subuyob tal jini Toj bΛ. WΛle jatetla tsa'ix la' wAc'Λ jini Toj bΛ ti' c'Ab i contra. Tsa'ix la' tsAnsa. ⁵³ Jini ángelob tsi' yΛq'ueyetla i mandar Dios. Jatetla ma'anic tsa' la' jac'Λ. Che' tsi' yΛΛ Esteban.

Tsi' juluyob Esteban ti xajlel

⁵⁴ Che' bΛ tsi' yubiyob ili t'an tsa' wen mich'ayob. Quech'ecñayob i bΛquel i yej tsi' meleyob cha'an mich' tsi' q'ueleyob. ⁵⁵ But'ul Esteban ti Ch'ujul bΛ Espíritu. Tsi' letsa i wut ti panchan. Tsi' q'uele i ñucllel Dios. Tsi' q'uele Jesús ya' wa'al ti' ñoj Dios. ⁵⁶ Tsi' yΛΛ: Awilan, wolij q'uel calal jini panchan. Ya' wa'al i Yalobil Winic ti' ñoj Dios, che'en.

⁵⁷ Tsi' cha'leyob c'am b_Λ t'an. Tsi' m_Λc_Λyob i chiquin. Temel tsa' majliyob ti ajñel cha'an mi' chucob Esteban. ⁵⁸ Tsi' chocoyob loq'uel ti colem tejclum. Tsi' juluyob ti xajlel. Jini tsa' b_Λ i yu-bibeyob i t'an Esteban tsi' chocoyob jubel i bujc tac ti' yoc juntiquil winic i c'aba' Saulo. ⁵⁹ Che' b_Λ tsi' juluyob ti xajlel, Esteban tsi' pejca Dios. Tsi' y_ΛΛ: C Yum Jesús, ch'Λmbeñon c ch'ujlel, che'en. ⁶⁰ Tsa' ñocle. C'am tsi' cha'le t'an: C Yum, mach a w_Λq'ueñob ti' wenta ili i mul, che'en. Che' b_Λ tsa' ujt i sub jini t'an tsa' ch_Λmi.

8

¹ Saulo uts'at tsi' yubi che' b_Λ tsi' ts_Λnsayob.

Saulo tsi' tic'la xñopt'añob

Ti jim b_Λ ora tsa' tejchi cab_Λl tic'laya ti' contra jini xñopt'añob tsa' b_Λ i tempayob i b_Λ ti Jerusalén. Ti pejtelelob tsa' pam pujquiyob ti pejtelel Judea yic'ot ti Samaria. Cojach jini apóstolob ma'anic tsa' pujquiyob. ² Winicob mu' b_Λ i ch'ujutesañob Dios tsi' q'uecheyob majlel Esteban cha'an mi' mucob. Cab_Λl tsi' yuc'tayob. ³ Saulo tsi' ñopo i jisan jini xñopt'añob. Tsa' ochi ti jujump'ejl otot. Tsi' wersa chucu majlel winicob x'ixicob. Tsi' yotsayob ti m_Λjquib_Λl.

Felipe tsa' majli ti subt'an ti Samaria

⁴ Jini tsa' b_Λ pujquiyob, tsa' pam ñumiyob ti subt'an. ⁵ Felipe tsa' caji' jubel majlel ti tejclum i c'aba' Samaria. Ya' tsi' subu i t'an Cristo. ⁶ Bajc'Λl winicob x'ixicob ti jump'ejlob jach i pusic'al tsi' jac'beyob i t'an Felipe che' b_Λ tsi' yubiyob, che' b_Λ tsi' q'ueleyob i yejtal i p'Λt_Λlel tsa' b_Λ i p_Λs_Λ.

⁷ Come cabal tsa' loq'uiyob i xibajlel. Wen c'am tsi' cha'leyob t'an jini xibajob che' b_Λ tsa loq'uiyob. Cabal tsa' lajmesantiyob jini mach b_Λ weñobic i yoc i c'ab. ⁸ Jini cha'an wen tijicña tsa' caji i yubiñob ya' ti jini tejclum.

⁹ Juntiquil winic i c'aba' Simón, tsa' b_Λ i cha'le wujt ti yamb_Λ ora, cabal tsi' loti tejclumob ti Samaria. Tsi' subu i b_Λ ti ñuc. ¹⁰ Ti pejtelelob tsi' wen ubibeyob i t'an, jini ch'o'ch'oco' b_Λ yic'ot jini ñuco' b_Λ. Tsi' yalayob: Jiñach jini ñuc b_Λ i p'atlel Dios, lon che'ob. ¹¹ Tsi' wen jac'beyob come c'alal ti wajali tsa' toj sajtiyob i pusic'al cha'an leco tac b_Λ i melbal. ¹² Tsa' caji i ñopbeñob i t'an Felipe che' b_Λ tsi' subeyob jini wen t'an cha'an i yumantel Dios ti' c'aba' Jesucristo. Wale cabal winicob x'ixicob tsi' ch'amayob ja'. ¹³ Simón tsi' ñopo ja'el. Che' b_Λ tsa'ix i ch'amaj ja', tsa' jale yic'ot Felipe. Tsa' toj sajti i pusic'al che' b_Λ tsi' q'uele i yejtal i p'atlel yic'ot ñuc b_Λ i melbal tsa' b_Λ i cha'le Felipe.

¹⁴ Jini apóstolob añob ti Jerusalén. Che' yujilobix wolix i ñopob i t'an Dios ya' ti Samaria, tsi' chocoyob majlel Pedro yic'ot Juan ya' ba' añob. ¹⁵ Che' b_Λ tsa' c'otiyob ti Samaria, tsi' c'ajtibeyob Dios ti oración cha'an mi' yaq'uen winicob x'ixicob jini Ch'ujul b_Λ Espíritu. ¹⁶ Come maxto anic tsa' aq'uentiyob Ch'ujul b_Λ Espíritu jini año' b_Λ ti Samaria. Cojax to tsi' ch'amayob ja' ti' c'aba' Jesús. ¹⁷ Pedro yic'ot Juan tsi' yac'ayob i c'ab ti' jol. Tsa' aq'uentiyob Ch'ujul b_Λ Espíritu.

¹⁸ Che' b_Λ tsi' q'uele Simón aq'uebilobix Ch'ujul b_Λ Espíritu cha'an tsi' yaq'ueyob i c'ab jini apóstolob, Simón tsi' pasbeyob taq'uin. ¹⁹ Tsi'

subeyob: Aq'ueñon ja'el a p'atalel cha'an mi cAQ'uen Ch'ujul bΛ Espíritu majqui jach com che' mi cAQ'ueñob j c'ab ti' jol, che'en. ²⁰ Pedro tsi' sube: La' jilic a taq'uin a wic'ot, come wola' lon ña'tan ti a pusic'al mi mejlel a mΛn yic'ot taq'uin a majtan ch'oyol bΛ ti Dios. ²¹ Maxto ochemetic ti jini e'tel. Mach a cha'anic. Come mach tojic a pusic'al ti' wut Dios. ²² CΛyΛ a jontolil. C'ajtiben Dios cha'an mi' ñusΛbeñet jini tsa' bΛ a ña'ta ti a pusic'al. ²³ Come mij q'uel an ch'aj bΛ i tsΛytsΛyñΛyel a pusic'al. Chucbilet ti jontolil, che'en Pedro. ²⁴ Simón tsi' jac'Λ: C'ajtiben lac Yum cha'an ma'anic mi' wis tajon jini tsa' bΛ a wΛΛ, che'en.

²⁵ Pedro yic'ot Juan, che' bΛ tsi' subeyob i t'an lac Yum yic'ot chuqui tac tsi' q'ueleyob ti' tojlel lac Yum, tsa' sujtuyob ti Jerusalén. Tsi' subuyob jini wen t'an ti cabal tejclum tac ya' ti Samaria.

Felipe yic'ot jini ch'oyol bΛ ti Etiopía

²⁶ I yángel lac Yum tsi' pejca Felipe. Tsi' sube: Ch'ojyen, cucu ti sur ba'an colem bΛ i tiquiñal pañimil ti' bijlel Gaza mu' bΛ i jubel loq'uel ti Jerusalén, che'en. ²⁷ Tsa' ch'ojyi Felipe, tsa' majli. Awilan, ya'an juntuquil eunuco ch'oyol bΛ ti Etiopía. An ñuc bΛ i ye'tel cha'an x'ixic bΛ yumΛ ti Etiopía i c'aba' Candace. Jini winic tsi' cΛntΛbe pejtelel i chubΛ'an. Tsajni jini winic ti Jerusalén cha'an mi' ch'ujutesan Dios. ²⁸ Wolix ti cha' sujtjel, buchul ti carreta mu' bΛ i tujc'Λntel majlel. Woli' q'uel i jun jini x'alt'an Isaías. ²⁹ Jini Espíritu tsi' sube Felipe: Cucu ba'an jini carreta. Yom ma' majlel yic'ot, che'en. ³⁰ Felipe tsa' majli ti lac'Λl. Tsi' yubibe i t'an jini winic che' bΛ woli' pejcan i jun jini

x'alt'an Isaías. Felipe tsi' sube: ¿Mu' ba a ch'amben isujm jini t'an woli b_Λ a q'uel? che'en. ³¹ Jini winic tsi' y_ΛΛ: ¿Bajche' mi mejlel c ch'amben isujm mi ma'anic majqui mi' c_Λntesañon? che'en. Tsi' sube letsel Felipe cha'an mi' bucht_Λl yic'ot. ³² Ya' ba' woli' q'uel i Ts'ijbujel Dios an jini t'an: “Tsa' p_Λjyi majlel cha'an mi' ch_Λmel che' bajche' tiñ_Λme'. Che' bajche' a_Λ tat tiñ_Λme' ñ_Λch'_Λl b_Λ ti' tojlel jini mu' b_Λ i tsepben i tsutsel, ma'anic tsi' cha'le t'an jini winic. ³³ Pec' tsi' mele i b_Λ. Jini año' b_Λ i ye'tel ma'anic tsi' meleyob ti toj. ¿Majqui mi mejlel i tsichen i yalobilob jini winic? Come tsa' ts_Λns_Λnti ila ti pañimil”, che'en.

³⁴ Jini eunuco tsi' c'ajtibe Felipe: Awocolic subeñon, ¿majqui jini tsa' b_Λ ña't_Λnti ti' t'an jini x'alt'an? ¿Jim ba jini x'alt'an Isaías o jim ba yamb_Λ winic? che'en. ³⁵ Felipe tsa' caji ti t'an. Tsa' caji i suben jini wen t'an cha'an Jesús che' bajche' ts'ijbubil i cha'an Isaías.

³⁶ Che' woli' majlelob ti bij, tsa' c'otiyob ba'an ja'. Jini eunuco tsi' sube: Q'uele, w_Λ'an ja'. ¿Am ba chuqui mi' m_Λctañon cha'an mic ch'amb ja? che'en. ³⁷ Felipe tsi' sube: Mi wola' ñop ti pejtelel a pusic'al, mi mejlel a ch'amb ja', che'en. Jini eunuco tsi' jac'be: Mic ñop i Yalobil_Λch Dios jini Jesucristo, che'en. ³⁸ Jini eunuco tsi' y_Λc'_Λ mandar cha'an mi' c_Λy i x_Λmbal jini carreta. Tsa' jubiyob ti ja' ti' cha'ticlelob, Felipe yic'ot jini eunuco. Felipe tsi' y_Λq'ue ch'ambja'. ³⁹ Che' b_Λ tsa' loq'uiyob ti ja', i yEspíritu lac Yum tsi' j_Λm chucu majlel Felipe. Jini eunuco ma'anix tsi' ch_Λn q'uele. Tijicña i pusic'al tsa' majli ti bij. ⁴⁰ Ya' tsa' tajle Felipe ti Azoto. Che'

b_Λ tsa' ñumi majlel, tsi' subu jini wen t'an ti pejtelel tejclum tac c'_{ΛΛ} ti Cesarea.

9

Saulo tsi' ñopo lac Yum (Hch. 22.6-16; 26.12-18)

¹ Saulo woli to ti a'leya ti' contra x_Cant'añob i cha'an lac Yum. Yom i ts_Λnsañob. Tsa' tili ba'an ñuc b_Λ motomaj. ² Tsi' c'ajtibe jun cha'an mi' p_{AS} ti sinagoga tac ya' ti Damasco. Jini jun tsi' y_Λq'ue i ye'tel cha'an c_Λchbil mi' p_Λyob majlel ti Jerusalén pejtelel woli b_Λ i ñopbeñob i bijlel Cristo, mi tsi' tajayob.

³ Che' woli' majlel ti bij, che' yomix c'otel ti Damasco, ora jach tsa' tili i s_Λclel c'ajc ch'oyol b_Λ ti panchan ti' joytilel Saulo. ⁴ Tsa' yajli ti lum. Tsi' yubi t'an tsa' b_Λ i sube: Saulo, Saulo, ¿chucoch ma' tic'lañon? che'en. ⁵ Saulo tsi' y_ΛΛ: ¿Majquiyet c Yum? che'en. Tsi' sube: Joñonñ_Λch Jesús woli b_Λ a tic'lan, che'en. ⁶ Saulo, tsiltsilña ti b_Λq'uen, tsi' sube: C Yum, ¿chuqui a wom mic cha'len? che'en. Lac Yum tsi' sube: Ch'ojyen. Ochen ti tejclum. Mi caj a subentel chuqui yom ma' cha'len, che'en. ⁷ Winicob woli b_Λ i pi'leñob Saulo ti x_Λmbal ñ_Λch'_Λl tsa' c_Λleyob cha'an b_Λq'uen. Come ti isujm tsi' yubiyob t'an, pero ma'anic tsi' q'ueleyob majqui woli ti t'an. ⁸ Saulo tsa' ch'ojyi ti lum. Che' cañalix i wut, ma'anic chuqui tsa' mejli i q'uel. Jini i pi'_Λlob tsi' toj'esayob majlel ti' c'_Λb. Tsi' p_Λy_Λyob majlel ti Damasco. ⁹ Uxp'ejl q'uin tsa' c_Λle ti xpots'. Ma'anic chuqui tsi' c'uxu. Ma'anic chuqui tsi' jap_Λ.

Saulo ya' ti Damasco
(Hch. 22.12-16)

¹⁰ An juntiquil xcant'an ti Damasco, i c'aba' Ananías. Tsi' q'uele chuqui tsa' pasbenti ti lac Yum. Lac Yum tsi' sube: Ananías, che'en. Ananías tsi' jac'Λ: WΛ' añon c Yum, che'en. ¹¹ Lac Yum tsi' sube: Ch'ojyen. Cucu ti bij, i c'aba' Toj. Ya' ti' yotot Judas, sajcan juntiquil winic i c'aba' Saulo, ch'oyol bΛ ti Tarso. Awilan, woli' pejcan Dios. ¹² Saulo tsa'ix i q'ueleyet che' bajche' ti ñajal, Ananías. Tsi' q'uele tsa' wΛc'Λ a c'Λb ti' jol cha'an mi' cha' c'otel i wut, che'en. ¹³ Ananías tsi' jac'Λ: C Yum, cabΛ tsa cubi t'an cha'an jini winic. CabΛ i jontolil tsa' bΛ i cha'le ti' contra a cha'año' bΛ ti Jerusalén. ¹⁴ An i ye'tel ilayi aq'uebil cha'an ñuc bΛ motomajob cha'an mi' cΛch pejtelel mu' bΛ i pejcañob a c'aba', che'en Ananías. ¹⁵ Lac Yum tsi' sube: Cucu, come yajcΛbilΛch c cha'an, cha'an mi' sub majlej j c'aba' ti' tojlej gentilob yic'ot reyob yic'ot israelob. ¹⁶ Come mi caj c pasben bajche' c'amel mi caj i yubin wocol cha'an tij c'aba', che'en.

¹⁷ Ananías tsa' majli. Tsa' ochi ti otot. Che' bΛ tsi' yΛc'Λ i c'Λb ti' jol Saulo, tsi' yΛΛ: Hermano Saulo, c Yum Jesús tsa' bΛ tsictiyi ti bij che' bΛ tsa' tiliyet, tsi' chocoyon tilel cha'an mi' cha' c'otel a wut, cha'an ma' bujt'el ti Ch'ujul bΛ Espíritu, che'en. ¹⁸ Ti ora jach tsa' c'ajli loq'uel i sujł i wut. Tsa' cha' c'oti i wut. Tsa' ch'ojyi Saulo. Tsi' ch'ΛmΛ ja'. ¹⁹ Che' ujtemix ti we'el tsi' cha' taja i p'ΛtΛel.

Cha'p'ejl uxpejl q'uin tsa' jale Saulo yic'ot xcant'año' ti Damasco. ²⁰ Tsi' bΛc' subu t'an cha'an Cristo ti sinagoga tac. Tsi' yΛΛ: I YalobilΛch Dios jini Cristo, che'en. ²¹ Tsa' toj sajtiyob i pusic'al

pejtelel tsa' b_Λ i yubiyob. Tsi' y_ΛΛyob: ¿Mach ba jinic tsa' b_Λ i tic'la jini mu' b_Λ i pejcañob i c'aba' Cristo ya' ti Jerusalén? Jini cha'an tsa' tili w_Λi cha'an c_Λchbil mi' p_Λyob majlel ti' tojlel ñuc b_Λ motomajob, che'ob. ²² Ñumen cab_Λ tsa' p'ojli i p'_Λt_Λlel Saulo. Ma'anic chuqui tsa' mejli i jac'ob jini judíojob chumulo' b_Λ ti Damasco, come Saulo tsi' wen tsictes_Λbeyob Cristoj_Λch jini Jesús. ²³ Che' b_Λ tsa' ñumi cab_Λ q'uin, jini judíojob tsi' comol pejcayob i b_Λ. Tsi' ña'tayob bajche' mi caj i ts_Λnsañob Saulo. ²⁴ Ubibilix i cha'an Saulo che' woli' chijtañob. Ti q'uiñil ti ac'_Λlel tsi' chijtayob ya' ti' ti' tac tejclum cha'an mi' ts_Λnsañob. ²⁵ Jini cha'an jini x_Λant'añob tsi' p_Λy_Λyob majlel ti ac'_Λlel. Tsi' ju'sayob ti colem chiquib ti' ñ_Λc' jini chan b_Λ ts'ajc.

Saulo ya' ti Jerusalén

²⁶ Che' b_Λ tsa' c'oti Saulo ti Jerusalén, tsi' ñopo i tem ajñel yic'ot x_Λant'añob. Ti pejtelel tsi' b_Λc'ñayob. Ma'anic tsi' ñopoyob mi x_Λant'an Saulo. ²⁷ Bernabé tsi' taja. Tsi' p_Λy_Λ majlel ba'an jini apóstolob. Tsi' subeyob: Jiñ_Λch Saulo. Tsi' q'uele lac Yum ti bij. Lac Yum tsi' pejca. Ya' ti Damasco ch'ejl i pusic'al tsi' cha'le subt'an ti' c'aba' Jesús, che'en. ²⁸ Jini cha'an temel tsa' ajni Saulo yic'otob ti Jerusalén. ²⁹ Ch'ejl i pusic'al tsi' cha'le subt'an ti' c'aba' lac Yum. Tsi' subeyob jini griegojob jini wen t'an. Tsi' contrajiyob i b_Λ ti t'an. Jini griegojob yomob i ts_Λnsan Saulo. ³⁰ Che' yujilobix jini hermanojob, tsi' p_Λy_Λyob majlel ti Cesarea. Tsi' chocoyob majlel ti Tarso. ³¹ Tsa' ñ_Λjch'i i tic'lantel jini xñopt'añob ti pejtelel Judea yic'ot ti Galilea

yic'ot ti Samaria. Tsa' p'ΛtesΛntiyob. Tsi' chΛn bΛc'ñayob lac Yum. Tsa' ñuc'ayob i pusic'al cha'an Ch'ujul bΛ Espíritu. Tsa' wen p'ojliyob.

Eneas yic'ot Tabita

³² Che' bΛ tsa' ñumi majlel Pedro ti pejtelel lum, tsa' c'oti i jula'tan i cha'año' bΛ lac Yum ya' bΛ chumulob ti Lida. ³³ Ya' tsi' taja juntiquil winic, i c'aba' Eneas. Ñolol ti' wΛyib waxΛcp'ejl jab. Mach wenic i yoc i c'Λb. ³⁴ Pedro tsi' sube: Eneas, Jesucristo woli' lajmesañet. Ch'ojyen. Teche a wΛyib, che'en. Ti ora jach tsa' ch'ojyi. ³⁵ Pejtelel jini ya' bΛ chumulob ti Lida yic'ot ti Sarón tsi' q'ueleyob. Tsi' sutq'uiyob i bΛ cha'an mi' ñopob lac Yum.

³⁶ Ya' ti Jope an xcΛnt'an i c'aba' Tabita, jiñΛch Dorcas. Jini x'ixic bΛxatax ti wen bΛ i ye'tel tsa' bΛ i cha'le. Tsi' yΛq'ueyob i chubΛ'an jini mach bΛ añobic i cha'an. ³⁷ Ti jini jach bΛ semana tsa' c'am'a. Tsa' chΛmi. Che' bΛ tsa'ix ujti i pocob, tsi' yΛc'Λyob ti jump'ejl i mal otot. ³⁸ LΛc'Λl an Lida ti Jope. Jini xcΛnt'añob che' bΛ tsi' yubiyob ya'an Pedro ti Jope, tsi' chocoyob majlel cha'tiquil winicob ba'an. Tsi' subeyob: Awocolic mach ma' chΛn jalijel ilayi. La' ti ora ba' añon lojon, che'ob. ³⁹ Jini cha'an Pedro tsa' ch'ojyi, tsa' majli yic'otob. Che' bΛ tsa' c'oti, tsi' pΛyΛyob ochel. Ya' wa'alob pejtelel jini meba' x'ixicob ti' joytilel Pedro, woliyob ti uq'uel. Tsi' pΛsbeyob cabal chaqueta yic'ot bujcΛl tsa' bΛ i mele Dorcas che' anto yic'otob. ⁴⁰ Pedro tsi' subeyob cha'an mi' loq'uelob ti pejtelelob. Tsa' ñocle. Tsi' pejca Dios. Ti wi'il tsi' sutq'ui i bΛ cha'an mi' q'uel jini ch'ujlelΛl. Tsi' sube: Ch'ojyen, Tabita, che'en. Tsa' cajni i wut. Che' bΛ tsi' q'uele Pedro, tsa'

buchle. ⁴¹ Pedro tsi' y_Λq'ue i c'Λb. Tsi' teche. Che' b_Λ tsa'ix i cha' p_Λy_Λ ochel i cha'año' b_Λ lac Yum yic'ot jini meba' x'ixicob, tsi' p_Λsbejob cha' cuxulix Dorcas. ⁴² Tsa' caji ti c_Λjñel ti pejtelel Jope. Cab_Λ tsi' ñopoyob lac Yum. ⁴³ Ya' tsa' jale Pedro cab_Λ q'uin ti Jope ti' yotot Simón, jini sts'aj p_Λchi.

10

Cornelio tsi' p_Λy_Λ Pedro

¹ Ya'an winic ti Cesarea, i c'aba' Cornelio. An ti' wenta Cornelio jo'c'al soldadojob i c'aba' Italiana. ² Tsi' ch'ujutesa Dios jini winic. Tsi' b_Λc'ña Dios yic'ot pejtelel año' b_Λ ti' yotot. Tsi' y_Λq'ueyob cab_Λ i majtan jini p'ump'uño' b_Λ. Pejtelel ora tsi' pejca Dios ti oración. ³ Che' ti och'ajel q'uin an chuqui tsi' q'uele tilem b_Λ ti panchan. Juntiquil i yánel Dios tsa' ochi ba'an. Jini ángel tsi' pejca: Cornelio, che'en. ⁴ Cornelio tsi' cha'le b_Λq'uen che' b_Λ tsi' q'uele jini ángel. Tsi' sube: ¿Chuqui a wom c Yum? che'en.

Jini ángel tsi' sube: A woración yic'ot i majtan tac p'ump'uño' b_Λ mu' b_Λ a w_Λq'ueñob woli' ña'tantel ti Dios. ⁵ Choco majlel winicob ti Jope. P_Λy_Λ tilel Simón, jini am b_Λ i cha'chajplel i c'aba' Pedro. ⁶ Ya' jijlem Pedro ti' yotot Simón, jini sts'aj p_Λchi. L_Λc'Al an i yotot ti' ti' colem ñajb. Pedro mi caj i subeñet chuqui yom ma' cha'len, che'en jini ángel. ⁷ Che' majlemix jini ángel tsa' b_Λ i pejca, Cornelio tsi' p_Λy_Λ tilel cha'tiquil i winicob yic'ot juntiquil soldado tsa' b_Λ i coltayob ti' ye'tel. Jini soldado tsi' ch'ujutesa Dios. ⁸ Che' b_Λ tsi' subeyob chuqui tsa' ujtí, Cornelio tsi' chocoyob majlel ti Jope.

Jini tsa' b_Λ i q'uele Pedro

⁹ Ti yijc'Λlal, che' woliyob ti xambal majlel ti bij, che' lΛc'Λlix añob ti tejclum, Pedro tsa' letsi ti' jol otot cha'an mi' pejcan Dios. Tsi'ita jax yom i taj xinq'uiñil. ¹⁰ Anix cabΛ i wi'ñal. Yomix i cha'len we'el. Che' woli to i chajpañob we'elΛ an chuqui tsi' q'uele Pedro ti espíritu. ¹¹ Tsi' q'uele calal jini panchan. Woli' jubel tilel che' bajche' colem pisil cΛchbil ti chΛmp'ejlel i xujc. Tsa' ju'santi c'ΛΛal ti lum. ¹² Ya' ti mal jini pisil an cabΛ alΛc'Λl, yic'ot bΛte'el ti chajp ti chajp, yic'ot jini jΛΛcña bΛ, yic'ot te'lemut. ¹³ Tsa' c'oti t'an, tsi' sube: Ch'ojyen, Pedro. TsΛnsan. C'uxu, che'en. ¹⁴ Pedro tsi' sube: Mach che'iqui c Yum, come ma'anic ba' ora tsaj c'uxu chuqui tac tic'bil mi chuqui tac bibi', che'en. ¹⁵ Ti' cha'yajlel tsa' c'oti jini t'an ba'an Pedro: Mach a ts'a'len jatet, chuqui tac tsa'ix i sΛq'uesa Dios, che'en. ¹⁶ Uxyajl tsa' c'oti jini t'an. Ti wi'il jini pisil tsa' cha' chujqui letsel ti panchan.

¹⁷ Che' woli' chΛn ña'tan Pedro chuqui i sujmllel jini tsa' bΛ ujti i q'uel, awilan, tsa' tiliyob jini winicob chochilo' bΛ tilel i cha'an Cornelio. Tsi' c'ajtibeyob baqui an i yotot Simón. Tsa' c'otiyob ti' ti'. ¹⁸ Che' bΛ tsi' cha'leyob pΛyoñel, tsi' c'ajtibeyob mi ya' jijlem Simón jini am bΛ i cha'chajplel i c'aba' Pedro. ¹⁹ Che' woli to i ña'tan Pedro chuqui i sujmllel jini tsa' bΛ ujti i q'uel, jini Espíritu tsi' sube: Awilan, uxtiquil winicob woli' sajcañetob. ²⁰ Ch'ojyen, che' jini. Juben. Cucu yic'otob. Mach yomic tile bixel a pusic'al, come joñon tsac chocoyob tilel, che'en. ²¹ Pedro tsa' jubi majlel ba'an jini winicob chochilo' bΛ tilel i cha'an Cornelio. Tsi' subeyob:

Awilan joñoñach, woli la' sajcañon. ¿Chucoch tsa' tiliyetla? che'en.

²² Tsi' subeyob: Jini Cornelio, i yaj capitán jo'c'al soldadojob, jini wen toj b_Λ, mi' b_Λc'ñan Dios. C_Λmbil i cha'an pejtelel israelob weñach i melbal. Juntiquil ch'ujul b_Λ ángel tsi' sube Cornelio cha'an mi' p_Λy_Λet majlel ti' yotot cha'an mi' yubin chuqui ti t'an ma' sub, che'ob. ²³ Pedro tsi' subeyob ochel. Tsi' we'sayob.

Ti yijc'Λlal tsa' ch'ojoyi, tsa' majli yic'otob. Lamital jini hermanojob ti Jope tsi' pi'leyob majlel.

Pedro ya' ti'yotot Cornelio

²⁴ Ti yijc'Λlal tsa' ochiyob ti Cesarea. Cornelio wolix i pijtañob. Tsa'ix i tempa cabal i pi'Λlob yic'ot i c_Λñ_Λy_Λo' b_Λ. ²⁵ Che' b_Λ tsa' ochi Pedro ti otot, tsa' tili Cornelio i taj. Cornelio tsi' ñocchoco i b_Λ ti' tojel. Tsa' caji i ch'ujutesan. ²⁶ Pedro tsi' teche ch'ojoyel. Tsi' sube: Ch'ojoyen. Winicon ja'el, che'en. ²⁷ Che' b_Λ woli' pejcañob i b_Λ, tsa' ochi Pedro ti' mal otot. Tsi' taja cabal temp_Λbilo' b_Λ. ²⁸ Tsi' subeyob: La' wujil tic'bil ti mandar mi' yajñel judío yic'ot winic ch'oyol b_Λ ti yamb_Λ lum. Tic'bil mi' jula'tan. Dios tsi' p_Λsbeyon mach wenic mic ts'a'len winicob mi juntiquilic. Mach mejlic c bi'leñob. ²⁹ Jini cha'an tsa' tiliyon che' b_Λ tsa' p_Λy_Λyon tilel. Ma'anic tsac ñusa c p_Λy_Λol. Jini cha'an mij c'ajtibeñetla, ¿chucoch tsa' la' p_Λy_Λyon tilel? che'en.

³⁰ Cornelio tsi' sube: Anix ch_Λmp'ejl q'uin che' bajche' ti ili ora woliyon ti oración. Che' ti och'ajel q'uin, awilan juntiquil winic tsa' wa'le ti' tojel c wut. Wen s_Λc_Λxowan i bujc. ³¹ Jini winic tsi' subeyon: “Cornelio, ubibilix a woración i cha'an

Dios. Ña'tɔbil i cha'an Dios, tsa'ix a wɔq'ue i majtan jini p'ump'uño' bɔ. ³² Jini cha'an, choco majlel winicob c'ɔɔɔ ti Jope. Pɔyɔ tilel Simón, jini am bɔ i cha'chajplel i c'aba' Pedro. Ya jijlem ti' yotot Simón jini sts'aj pɔchi lɔc'ɔɔ bɔ ti' ti' colem ñajb. Che' tilemix mi caj i pejcañet", che'en. ³³ Jini cha'an ti ora jach tsac chocoyob majlel ba' añet. Uts'at tsa' tiliyet. Wɔle wɔ' temel añon lojon ti' wut Dios tic pejtelel lojon cha'an mi cubin lojon pejtelel chuqui tsi' subeyet Dios. Che' tsi' yɔɔ Cornelio.

I subt'an Pedro

³⁴ Pedro tsa' caji ti t'an. Tsi' yɔɔ: Mic ña'tan ti isujm, junlajal mi' q'uel winicob Dios. ³⁵ Ti pejtelel lum Dios mi' q'uel ti uts'at jini mu' bɔ i bɔc'ñañob, mu' bɔ i cha'leñob chuqui toj. ³⁶ Dios tsi' choco tilel i t'an ba'an israelob. Tsi' subeyob jini wen t'an cha'an mi' tajib i ñach'tilel i pusic'al ti Jesucristo, jiñach i Yum pejtelel winicob. ³⁷ Ubibil la' cha'an jini t'an tsa' bɔ pujqui ti pejtelel Judea. Ya' tsa' tejchi ti Galilea che' bɔ tsi' subu Juan cha'an mi' ch'ɔmob ja'. ³⁸ Dios tsi' yajca Jesús, jini loq'uem bɔ ti Nazaret. Tsi' yɔq'ue Ch'ujul bɔ Espiritu yic'ot i p'ɔɔɔlel. Baqui jach tsa' ñumi tsi' cha'le uts'at bɔ i ye'tel. Tsi' lajmesa pejtelel jini tic'lɔbilo' bɔ cha'an xiba, come an Dios yic'ot. ³⁹ Joñon lojon tsaj q'uele lojon pejtelel chuqui tsi' mele Jesús ti Judea yic'ot ti Jerusalén. Jini judíojob tsi' tsɔnsayob. Tsi' ch'ijiyob ti te'. ⁴⁰ Dios tsi' teche ch'ojoyel ti' yuxp'ejlel q'uin. Tsi' yɔc'ɔ ti q'uejlel. ⁴¹ Mach ti' wutic pejtelel winicob x'ixicob, cojach tic wut lojon tsa' bɔ c cha'le lojon we'el, uch'el yic'ot Jesús che' ch'ojoyemix loq'uel ba'an chameño' bɔ. Dios tsi' wa'chocoyon lojon ti

testigo cha'an mic laj sub chuqui tsaj q'uele lojon. ⁴² Jesús tsi' yaq'ueyon lojon mandar cha'an mic subeñoob winicob x'ixicob jiñach Jesús jini yajcabil bΛ i cha'an Dios mu' bΛ caj i cha'len meloñel. Mi caj i mel jini cuxulo' bΛ yic'ot chameño' bΛ. ⁴³ Pejtel x'alt'añoob tsi' yaLAYob mi caj i ñusabentelob i mul ti' c'aba' Jesús pejtelel mu' bΛ i ñopob. Che' tsi' yaLA Pedro.

⁴⁴ Che' woli to i sub jini t'an Pedro, tsa' aq'uentiyob Ch'ujul bΛ Espíritu pejtelel tsa' bΛ i yubibeyob i t'an. ⁴⁵ Jini hermanojob tsepbilo' bΛ i pACHALEL, tsa' bΛ i pi'leyob majlel Pedro, tsa' toj sajtiyob i pusic'al, come tsa' aq'uentiyob gentilob ja'el jini Ch'ujul bΛ Espíritu ti' majtan jach. ⁴⁶ Come tsi' yubiyob woliyob ti t'an ti yan tac bΛ t'an. Woli' subob i ñucler Dios. ⁴⁷ Pedro tsi' c'ajtibeyob: ¿Mejl ba mi lac tic'ob ti ch'amja' jini tsa' bΛ aq'uentiyob jini Ch'ujul bΛ Espíritu che' bajche' tsa' aq'uentiyonla? che'en. ⁴⁸ Tsi' subeyob cha'an mi' ch'amob ja' ti' c'aba' Jesucristo. Jini gentilob tsi' subeyob Pedro ti wocol t'an cha'an mi' jalijel yic'otob cha'p'ejl uxp'ejl q'uin.

11

Pedro tsi' pejca xñopt'añoob ya' ti Jerusalén

¹ Jini apóstolob yic'ot jini hermanojob año' bΛ ti Judea tsi' yubiyob tsa'ix i jac'beyob i t'an Dios jini gentilob ja'el. ² Che' bΛ tsa' tili Pedro ti Jerusalén, jini woli bΛ i ñopob tsep pACHALEL tsi' ya'leyob. ³ Tsi' subeyob: ¿Chucoch tsa' ochiyet ti' yotot winicob mach bΛ tsepbilobic i pACHALEL? ¿Chucoch tsa' cha'le we'el yic'otob? che'ob. ⁴ Quepecña tsa' caji i sub Pedro chuqui tsa' ujtí. Tsi' yaLA: ⁵ Che' ya' añoon

ti tejclum i c'aba' Jope che' wolic pejcan Dios, an chuqui tsaj q'uele tilem b_Λ ti panchan. Tsa' jubi tilel ti panchan che' bajche' colem pisil ju's_Λbil ti ch_Λmp'ejlel i xujc. Tsa' c'oti ba' añon. ⁶ Che' b_Λ tsac wen q'uele, ya'an alac'Λl, yic'ot jontol tac b_Λ b_Λte'el, yic'ot lucum yic'ot te'lemut. ⁷ Tsa cubi t'an. Tsi' subeyon: “Ch'o_jyen, Pedro. Ts_Λnsan, c'uxu”, che'en. ⁸ Tsac subu: “Ma'anic, c Yum, come ma'anic ba' ora tsa' ochi ti quej chuqui tac tic'bil, mi chuqui tac bibi”, cho'on tsac sube. ⁹ Jini t'an ch'oyol b_Λ ti panchan tsi' jac'beyon ti' cha'yajlel: “Mach a ts'alén chuqui tac tsa'ix i s_Λq'uesa Dios”, che'en. ¹⁰ Uxyajl tsa' c'oti jini t'an. Ti wi'il tsa' cha' chujqui letsel ti panchan ti pejtelel.

¹¹ Awilan, tsa' b_Λc' tiliyob uxtiquil winicob ti jini otot ba' añon. Chocbilob tilel ti Cesarea tsa' tiliyob ba' añon. ¹² Jini Espíritu tsi' subeyon mach yomic tile bixel c pusic'al. Yom abi mic majlel ti ora yic'otob. Ili w_Λctiquil hermanojob tsa' majliyob quic'ot ja'el. Tsa' ochiyon lojon ti' yotot Cornelio. ¹³ Tsi' subeyon lojon bajche' tsi' q'uele juntiquil ángel wa'al ti' yotot. Jini ángel tsi' sube: “Choco majlel winicob ti Jope. P_Λy_Λ tilel Simón, jini am b_Λ i cha'chajplel i c'aba' Pedro. ¹⁴ Mi caj i subeñet t'an cha'an mi la' colt_Λntel, jatet yic'ot pejtelel año' b_Λ ti a wotot”, che'en.

¹⁵ Che' b_Λ tsa' cajiyon ti t'an, tsa' aq'uentiyob Ch'ujul b_Λ Espíritu ja'el che' bajche' tsa' aq'uentiyonla ti ñaxan. ¹⁶ Tsac ña'ta i t'an lac Yum tsa' b_Λ i y_Λl_Λ: “Isujm, Juan tsi' y_Λq'ueyetla ch'Λmj_Λ ti ja', pero mi caj la' w_Λq'uentel la' ch'Λm Ch'ujul b_Λ Espíritu”, che'en. ¹⁷ Dios tsi' y_Λq'ueyob i majtan che' bajche' tsi' y_Λq'ueyonla che' b_Λ tsa'

lac jac'be i t'an lac Yum Jesucristo. Mi che'ach tsi' mele Dios, ¿mejl ba mic tic' joñon? Che' tsi' yalal Pedro. ¹⁸ Che' b_Λ tsi' yubibeyob i t'an, ñach'al tsa' c_Λleyob. Tsi' subuyob i ñucl_Λel Dios. Tsi' yal_Λyob: Dios tsa'ix i y_Λq'ueyob gentilob ja'el i c_Λyob i mul cha'an mi' t_Λjob i cuxt_Λlel, che'ob.

Xñopt'añob ya' ti Antioquía

¹⁹ Che' b_Λ tsa' ch_Λmi Esteban tsa' tejchi cab_Λl tic'laya. Jini winicob tsa' b_Λ pam pujquiyob cha'an i tic'l_Λntel tsa' majliyob c'_Λl_Λl ti Fenicia yic'ot ti Chipre, yic'ot ti Antioquía. Jini jach judíojob tsa' subentiyob jini wen t'an. ²⁰ An ja'el winicob ch'oyolo' b_Λ ti Chipre yic'ot ti Cirene tsa' b_Λ ochiyob ti Antioquía. Tsi' pej_Λcayob griegojob ja'el. Tsi' subeyob jini wen t'an cha'an lac Yum Jesús. ²¹ An i p'_Λt_Λlel lac Yum yic'otob. Wen cab_Λl tsi' sutq'uiyob i b_Λ cha'an mi' ñopob lac Yum.

²² Jini xñopt'añob mu' b_Λ i tempañob i b_Λ ti Jerusalén tsi' yubiyob chuqui tsa' ujt_Λ. Tsi' chocoyob majlel Bernabé c'_Λl_Λl ti Antioquía. ²³ Che' b_Λ tsa' c'oti Bernabé ya' ti Antioquía, tijicña i pusic'al come tsi' q'uele añob ti' yutsl_Λel i pusic'al Dios. Tsi' xic'beyob ti pejtelelob cha'an mi' ch_Λn ñopob lac Yum ti' xuc'tilel i pusic'al. ²⁴ Uts'at i pusic'al Bernabé. But'ul ti Ch'ujul b_Λ Espíritu. Ñopol i cha'an i t'an Dios ti jump'ejl i pusic'al. Cab_Λl winicob x'ixicob tsi' ñopoyob lac Yum.

²⁵ Ti wi'il tsa' majli Bernabé ti Tarso cha'an mi' s_Λclan Saulo. ²⁶ Che' b_Λ tsi' taja, tsi' p_Λy_Λ majlel ti Antioquía. Jump'ejl jab tsa' tem ajniyob ya'i yic'ot jini xñopt'añob mu' b_Λ i tempañob i b_Λ. Tsi'

cAntesayob cabal winicob x'ixicob. Ya' ti Antioquía tsa' tejchi i pejcAntelob ti cristianojob jini xCant'añob cha'an tsi' tsajcayob Cristo.

²⁷ Tsa' cajiyojob ti jubel majlel ti Antioquía x'alt'añob ch'oyolo' b_Λ ti Jerusalén. ²⁸ Tsa' wa'le juntiquil i c'aba' Agabo. Ti' p'ΛtΛlel jini Espíritu tsi' subeyob tal wi'ñal ti pejtelel pañimil. Jini wi'ñal tsa' caji che' ochemix Claudio ti' ye'tel. ²⁹ Jini xCant'añob tsi' ña'ta i chocbeñob majlel i majtan jini hermanojob año' b_Λ ti Judea che' bajche' c'amel tsa' mejli i yΛc'ob ti jujuntiquil. ³⁰ Che'i tsi' cha'leyob. Tsi' chocoyob majlel ti' c'Λb Bernabé yic'ot Saulo cha'an mi' yΛq'ueñob jini ancianojob.

12

Yamb_Λ i tic'Antelob

¹ Ti jini jach b_Λ ora jini rey Herodes tsa' caji i wersa tic'lan lamital jini xñopt'añob mu' b_Λ i tempañob i b_Λ. ² Tsi' set' t'ojbe loq'uel i bic' Jacobo, i yAscun Juan. ³ Che' b_Λ tsi' q'uele Herodes tijicñayob judíojob cha'an tsi' tsΛnsa Jacobo, tsa' caji i chuc Pedro ja'el. I q'uiñilelix caxlan waj mach b_Λ anic i levadurajlel. ⁴ Che' b_Λ tsa'ix i chucu Pedro, tsi' yotsa ti majquib_Λ. Tsi' yAc'Λ ti cAntAntel cha'an wΛclujuntiquil (16) soldadojob. Ti chAncAntiquilob tsi' cAntayob. Herodes tsi' ña'ta i loc'san Pedro che' ñumenix Pascua cha'an mi' mel ti' wut xtejclumob. ⁵ Jini cha'an cAntΛbil Pedro ti majquib_Λ. Jini xñopt'añob mu' b_Λ i tempañob i b_Λ tsi' c'ajtibeyob Dios ti oración ti pejtelel ora cha'an Pedro.

Lac Yum tsi' loc'sa Pedro ti majquib_Λ

⁶ Ti jini jach b_Λ ac'alel che' yomix Herodes i p_Λy loq'uel Pedro, ya'an Pedro xinl_Λp_Λ i cha'an cha'tiquil soldadojob, c_Λch_Λ ti cha't'ujm cadena. Jini xc_Λntayajob woli' c_Λntañob i ti' m_Λjquib_Λ ti jumpat. ⁷ Awilan, tsa' tili i yángel lac Yum ba'an Pedro. Tsa' tsictiyi c'ajc ti m_Λjquib_Λ. Jini ángel tsi' ñijca Pedro ti' ts'ejt_Λ. Tsi' sube: Ch'ojyen ti ora, che'en. Tsa' tujq'ui jini cadena am b_Λ ti' c'ab. ⁸ Jini ángel tsi' sube: C_Λch_Λ a b_Λ ti a cajchiñac'. L_Λp_Λ a x_Λñ_Λb, che'en. Che'i tsi' mele Pedro. Jini ángel tsi' cha' sube: L_Λp_Λ p_Λ b_Λ a bujc. La' tsajcañon, che'en. ⁹ Pedro tsi' tsajca loq'uel jini ángel. Mach yujilic Pedro mi isujm chuqui tsi' cha'le jini ángel. Woli jach ti ñajal tsi' lon ña'ta ti' pusic'al. ¹⁰ Che' b_Λ tsa'ix i ñusayob jini ñaxan b_Λ xc_Λntaya yic'ot jini wi'il b_Λ tsa' tiliyob ba'an colem b_Λ i ti' cárcel melbil b_Λ ti tsucul taq'uin, ya' ba' mi' loq'uelob majlel ti tejclum. Yilol jach tsa' jajmi ti' wutob. Che' b_Λ tsa' loq'uiyob ti m_Λjquib_Λ, che' b_Λ tsi' x_Λñ_Λyob majlel calle, tsi' b_Λc' s_Λt_Λ i b_Λ jini ángel.

¹¹ Tsa' toj juli i pusic'al Pedro. Tsi' y_ΛΛ: W_Λle mic ña'tan isujm_Λch. Jini c Yum tsi' choco tilel i yángel. Tsi' coloyon ti' c'ab Herodes yic'ot ti' c'ab pejtelel judíojob tsa' b_Λ i chijtayoñob. Che' tsi' y_ΛΛ ti' pusic'al Pedro.

¹² Che' b_Λ tsa'ix i ña'ta, tsa' c'oti ti' yotot María, i ña' Juan, jini xc_Λnt'an am b_Λ i cha'chajplel i c'aba' Marcos. Ya' temel añob cab_Λl xñopt'añob. Woli' pejcañob Dios. ¹³ Pedro tsi' jats'Λ i ti' corredor. Tsa' majli juntiquil xch'oc i c'aba' Rode i yubin majqui ya'an. ¹⁴ Che' b_Λ tsi' c_Λmbe i t'an Pedro, tijicña jax tsi' yubi. Ma'anic tsi' jambe i ti' corredor. Ajñel

tsa' cha' ochi ti mal otot. Tsi' subeyob: Ixix wa'al Pedro ti' ti' corredor, che'en. ¹⁵ Tsi' subeyob: Sojqquem a jol, che'ob. Rode tsi' ch_{AN} subeyob: Ix_{ACH} an, che'en. Tsi' y_{ALAYOB}: Jiñ_{ACH} i yángel, che'ob. ¹⁶ Pedro tsa' to i ch_{AN} jats'_Λ i ti' corredor. Che' b_Λ tsi' jambeyob tsi' q'ueleyob. Tsa' toj sajtiyob i pusic'al. ¹⁷ Pedro tsi' p_{AS}beyob ti' c'_{ΛB} cha'an mi' c_{AYOB} i t'an. Tsi' tsictes_Λbeyob bajche' lac Yum tsi' loc'sa ti m_{AJ}quib_Λ. Tsi' subeyob: Subenla Jacobo yic'ot jini hermanojob chuqui tsa' ujtí, che'en. Tsa' loq'ui majlel. Tsa' majli ti yamb_Λ tejclum.

¹⁸ Che' b_Λ tsa' s_{AC}'a, cab_Λ tsi' cha'leyob t'an soldadojob cha'an mach tsiquilix Pedro. ¹⁹ Herodes tsi' s_{AC}la Pedro. Tsi' c'ajtibeyob x_{CANTAY}ajob baqui an. Che' ma'anic tsi' tajayob tsi' y_{AC}'_Λ mandar cha'an mi' ts_{ANSANT}elob. Pedro tsa' loq'ui ti Judea. Tsa' jubi majlel ti Cesarea. Ya' tsa' jale ya'i.

Tsa' ch_{AMI} Herodes

²⁰ Herodes tsa' caji i mich'len winicob año' b_Λ ti Tiro yic'ot ti Sidón. Tsa' tiliyob jini winicob ba'an Herodes. Tsi' ñaxan mucul pejcayob Blasto, jini i yaj q'uel w_{AYIB} Herodes. Tsi' c'ajtibeyob ti wocol t'an cha'an mi' c_{AY} i mich'leñob, come ya' woli' tajibob i b_Λ i ñ_{AC}' ti' lumal Herodes. ²¹ Che' b_Λ tsa' c'oti i yorajlel, tsa' buchle Herodes ti' buchlib ti meloñel. L_{APAL} i cha'an i pislel rey. ²² Winicob tsi' cha'leyob c'am b_Λ t'an: ¡Jiñ_{ACH} Dios woli b_Λ ti t'an! ¡Mach winiquic woli b_Λ ti t'an! che'ob. ²³ Ti ora i yángel lac Yum tsi' yots_Λbe i ch_{AMEL}, come ma'anic tsi' y_{AC}'_Λ ti ñuc Dios. Tsa' c'uxle ti motso'. Tsa' ch_{AMI}. ²⁴ Tsa' ñojpi i t'an Dios, tsa' pujqui. ²⁵ Bernabé yic'ot Saulo tsa' loq'uiyob ti Jerusalén

che' b_Λ tsa' ujti i ye'tel. Tsi' p_Λy_Λyob majlel Juan yic'otob, jini am b_Λ i cha'chajplel i c'aba' Marcos.

13

Bernabé yic'ot Saulo tsa' caji i majlelob ti subt'an

¹ Ya' añob x'alt'añob yic'ot x_Λantesajob ti' tojlel jini xñopt'añob mu' b_Λ i tempañob i b_Λ ti Antioquía: i c'aba'ob Bernabé, yic'ot Simón, jini am b_Λ i cha'chajplel i c'aba' Niger, yic'ot Lucio ch'oyol b_Λ ti Cirene, yic'ot Saulo, yic'ot Manaén, jini tsa' b_Λ tem colí yic'ot jini yum_Λ Herodes. ² Che' woli' ch'ujutesañob lac Yum, che' woliyob ti ch'ajb, jini Ch'ujul b_Λ Espíritu tsi' subeyob: Wa'choconla Bernabé yic'ot Saulo cha'an mi' melob jini e'tel tsa' b_Λ c chajp_Λbeyob, che'en. ³ Che' b_Λ tsa' ujtíyob ti ch'ajb yic'ot oración, tsi' y_Λc'ayob i c'ab ti' jol. Tsi' subeyob majlel.

Tsi' subuyob i t'an Dios ya' ti Chipre

⁴ Jini cha'an tsa' majliyob ti Seleucia, come chocbilob majlel cha'an Ch'ujul b_Λ Espíritu. Ya'i tsa' ochiyob ti barco cha'an mi' majlelob ti Chipre. ⁵ Che' b_Λ tsa' c'otiyob ti Salamina tsa' caji i subob i t'an Dios ti' sinagoga tac judíojob. Juan ja'el tsi' pi'leyob majlel cha'an mi' coltañob ti' ye'tel.

⁶ Che' b_Λ tsa'ix i x_Λñayob ñumel ti pejtelel Chipre, jini lum joyol b_Λ ti ja', tsa' c'otiyob ti Pafos ti Chipre ba' tsi' tajayob juntiquil xwujt. Jiñ_Λch lot b_Λ x'alt'an i c'aba' Barjesús, judío_Λch. ⁷ Ya'an Barjesús yic'ot Sergio am b_Λ i jol i c'aba' Paulo. An i ye'tel ti gobierno jini Sergio Paulo. Wen p'ip' i pusic'al. Tsi' p_Λy_Λ tilel Bernabé yic'ot Saulo come yom i yubin i t'an Dios. ⁸ Jini xwujt Elimas (come jiñ_Λch i c'aba'

ti yambΛ t'an) tsi' contrajiyob. Woli' mΛctan i t'an Dios ame i ñop jini am bΛ i ye'tel. ⁹ Jini cha'an Saulo, i c'aba'Λch Pablo ja'el, but'ul ti Ch'ujul bΛ Espíritu, tsi' ch'ujch'uj q'uele. ¹⁰ Tsi' sube: But'ulet ti cabΛ lot yic'ot cabΛ jontolil. I yalobilet xiba. I contrajet pejtelel chuqui tac toj. ¿A wom to ba a chΛn xoyben jini toj bΛ i bijlel lac Yum? ¹¹ WΛle mi' cajel i contrajifñet lac Yum. Awilan mi caj a wochel ti xpots'. CabΛ ora ma'anic mi caj a q'uel i c'Λc'al q'uin, che'en Pablo. Ti ora tsa' yajpi i wut, tsa' ochi ti ac'Λlel yilal. Tsa' majli i sajcan majqui mi' toj'esan majlel ti' c'Λb. ¹² Jini am bΛ i ye'tel, che' bΛ tsi' q'uele chuqui tsa' ujti, tsi' ñopo i t'an Dios. Tsa' toj sajti i pusic'al cha'an i cΛntesa lac Yum.

Pablo yic'ot Bernabé ya' ti Antioquía

¹³ Che' bΛ tsa' loq'uiyob ti Pafos, Pablo yic'ot i pi'Λlob tsa' majliyob ti barco c'ΛlΛl ti Perge ti Panfilia. Juan tsi' cΛyΛyob. Tsa' cha' sujti ti Jerusalén. ¹⁴ Pablo yic'ot i pi'Λlob tsa' ñumiyob ti Perge. Tsa' c'otiyob ti Antioquía ti Pisidia. Ya'i tsa' ochiyob ti sinagoga che' ti' q'uiñilel c'aj o. Tsa' buchleyob. ¹⁵ Che' bΛ tsa' ujti i q'uelob jini ts'ijbubil bΛ mandar yic'ot i ts'ijbujel x'alt'añob, jini yumΛlob ti sinagoga tsi' chocoyob majlel winicob ba' añob. Tsi' subeyob: Winicob, c pi'Λlob, mi an chuqui la' wom la' subeñob winicob x'ixicob cha'an mi la' ñuq'uesΛbeñob i pusic'al, subula, che'ob.

¹⁶ Jini cha'an Pablo tsa' wa'le. Ñaxan tsi' pasbeyob i c'Λb cha'an mi' ñΛjch'elob. Tsi' yΛΛ: Winicob, israelob, yic'ot pejtel mu' bΛ la' bΛc'ñan Dios, ñich'tanla. ¹⁷ I Dios israelob tsi' yajca lac ñojte'el. Tsi' yΛq'ueyob i ñucllel che' ya' añob ti'

lumal Egipto mach b_Λ i cha'añobic. Tsi' p_Λy_Λyob loq'uel ti Egipto ti' p'_Λt_Λlel i c'_Λb. ¹⁸ Cha'c'al jab Dios tsi' ch_Λn cuchbeyob i sajtemal ya' ti jochol b_Λ lum. ¹⁹ Tsi' jis_Λbeyob i p'_Λt_Λlel wuctiquil yum_Λlob ya' ti' lumal Canaán. Dios tsi' t'oxbeyob lac ñojte'el i lumal Canaán.

²⁰ Ti wi'il tsi' y_Λq'ueyob cab_Λl juezob lujump'ejl i yuxc'al i cha'bajc' (450) jab c'_Λl_Λl ti' yorajlel jini x'alt'an Samuel. ²¹ Ti wi'il, tsi' c'ajtiyob i rey. Dios tsi' wa'chocobeyob Saúl cha'c'al jab. Jini Saúl i yalobil_Λch Cis, loq'uem b_Λ ti' p'olbal Benjamín.

²² Dios tsi' choco loq'uel ti' ye'tel. Tsi' wa'choco David ti' rey israelob. Dios tsi' y_Λc'_Λ ti' c_Λjñel David che' b_Λ tsi' y_Λl_Λ: “Jini David, i yalobil Isaí, jiñ_Λch mu' b_Λ j q'uel ti uts'at. Mi caj i mel pejtelel chuqui com”, che'en. ²³ Dios tsi' ts'_Λctesa i t'an che' b_Λ tsi' choco tilel ti Israel juntiquil xcoltaya, loq'uem b_Λ ti' p'olbal David, jiñ_Λch Jesús. ²⁴ Che' maxto tilemic Jesús, Juan tsi' subeyob pejtelel israelob cha'an mi' c_Λyob i mul cha'an mi' ch'_Λmob ja'. ²⁵ Che' wolix i ts'_Λctiyel i ye'tel, Juan tsi' y_Λl_Λ: “¿Majquiyon mi la' w_Λl? Mach joñonic jini tal b_Λ. Tal to juntiquil tic pat. Mach uts'atonic cha'an mic ticben i x_Λñ_Λb am b_Λ ti' yoc”, che'en.

²⁶ Winicob, c pi'_Λlob, i p'olbalet b_Λ la Abraham, jatetla, mu' b_Λ la' b_Λc'ñan Dios, tsa' chocbentiyetla tilel jini t'an cha'an mi la' colt_Λntel. ²⁷ Jini chumulo' b_Λ ti Jerusalén yic'ot i yumob ma'anic tsi' c_Λñayob Jesús. Ma'anic tsi' ch'_Λmbeyob isujm i t'an jini x'altañob mu' b_Λ i q'uejlel ti jujump'ejl i q'uiñilel c'aj o. Tsi' ts'_Λctes_Λbeyob i t'an x'alt'añob che' b_Λ tsi' y_Λc'_Λyob ti ch_Λmel Jesús. ²⁸ Ma'anic chuqui tsi' wis tajayob ti' contra cha'an mi' ts_Λnsañob, pero

tsi' c'ajtibeyob Pilato cha'an mi' y_Λc' ti ch_Λmel.
²⁹ Che' b_Λ tsa'ix i ts'actesayob pejtelel chuqui tsi'ijbubil, tsi' ju'sayob ti te', tsi' y_Λc'ayob ti' yotlel ch'ujlel_Λ. ³⁰ Dios tsi' teche ch'ojoyel ba'an ch_Λmeño' b_Λ. ³¹ Cab_Λ q'uin tsi' q'ueleyob Jesús jini tsa' b_Λ i pi'leyob majlel ti bij ti Galilea c'Λ_Λ ti Jerusalén. Testigob jini tsa' b_Λ i q'ueleyob.

³² Joñon lojon ja'el mic subeñet lojon jini wen t'an tsa' b_Λ w_Λn subentiyob lac ñojte'el che' b_Λ tsi' y_Λc'Λ i t'an Dios. ³³ Jini jach b_Λ t'an Dios tsi' ts'actes_Δbeyonla, i yalobilon b_Λ la Israel che' b_Λ tsi' cha' teche Jesús. Che'ach tsi'ijbubil ja'el ti' cha'p'ejlel salmo: “Jatet calobilet. Sajm_Λ tsac techeyet calobil”, che'en. ³⁴ Dios tsi' teche ch'ojoyel ba'an ch_Λmeño' b_Λ. Ma'anic tsi' y_Λc'Λ ti oc'm_Λ. Tsi' y_ΛΛ: “Mi caj c p_Δsbeñetla i yutslel c pusic'al mach b_Λ mejlic ti q'uextiyel che' bajche' tsac p_Δsbe David”, che'en. ³⁵ Jini cha'an mi' y_Δl ja'el ti yamb_Λ salmo: “Ma'anic mi caj a w_Λc' ti oc'm_Λ Ch'ujul b_Λ a Walobil”, che'en.

³⁶ Che' b_Λ tsa' ujti i coltan i pi'lob che' bajche' yom Dios, melel tsa' ch_Λmi David. Tsa' mujqui ba' mucul i ñojte'el. Tsa' oc'mi. ³⁷ Pero ma'anic tsa' oc'mi jini tsa' b_Λ i teche ch'ojoyel Dios. ³⁸ Ña'tanla, che' jini, winicob c pi'lob, cha'añ_Λch ti' ye'tel Jesús mi' ñus_Δntel lac mul che' bajche' wolic subeñetla. ³⁹ Cha'an ti' ye'tel Jesucristo, pejtelel mu' b_Λ i ñopob mi' ch'ajmelob ti' wenta Dios che' ñus_Δbilix i mul. Ma'anic tsa' mejli la' ch'ajmel ti' wenta cha'an ti' jac'ol i mandar Moisés. ⁴⁰ Ch_Λc_Λ q'uele la' b_Λ, che' jini, ame mi' tajetla jini tsi'ijbubil b_Λ ti' jun x'alt'añob. ⁴¹ Mi' y_Δl: “Q'uelela sts'a'leyajet b_Λ la.

La' toj sajtic la' pusic'al. La' jiliquetla. Come joñon wolic mel junchajp e'tel ti a wut, mach b_Λ anic mi caj la' ñop anquese an majqui mi' subeñetla". Che' ts'ijbubil, che'en Pablo.

⁴² Che' woli' loq'uelob ti sinagoga Pablo yic'ot Bernabé, jini gentilob tsi' c'ajtibeyob cha'an mi' cha' subeñob jini t'an ti yamb_Λ semana. ⁴³ Che' b_Λ tsa' loq'uiyob jini temp_Λbilo' b_Λ, cab_Λ judíojob yic'ot jini tsa' b_Λ i ñopbeyob i t'an, mu' b_Λ i ch'ujutesañob Dios, tsi' tsajcayob majlel. Pablo yic'ot Bernabé tsi' pejcayob. Tsi' xic'beyob cha'an mi' ch_Λn ajñelob ti' yutslal i pusic'al Dios.

⁴⁴ Che' b_Λ tsa' cha' c'oti i q'uiñilel c'aj o, coel i lu' tempañob i b_Λ pejtelel jini winicob x'ixicob ti jini tejclum cha'an mi' yubibeñob i t'an lac Yum.

⁴⁵ Ts_Λyts_Λyñayob jini judíojob che' b_Λ tsi' q'ueleyob motocñayob winicob x'ixicob. Tsi' cha'leyob t'an ti' contra i c_Λntesa Pablo. Tsi' p'ajbeyob i bijlel lac Yum. ⁴⁶ Ch'ejl i pusic'al Pablo yic'ot Bernabé, tsi' subuyob: Wersa tsa' ñaxan subentiyetla i t'an Dios. Tsa'ix la' to'ol juch'teq'ue jini t'an. Woli la' ñusan la' cuxt_Λlel mach b_Λ anic mi' jilel. Jini cha'an mic majlel lojon ba'an gentilob. ⁴⁷ Come che'ach tsi' y_Λq'ueyon lojon mandar lac Yum. Tsi' y_ΛΛ: "Tsa'ix c wa'chocoyet cha'an ma' p_Λsbeñob i s_Λclel pañimil jini gentilob, cha'an mi' tajibob i colt_Λntel c'Λ_ΛΛ ti' petol pañimil". Che' tsi' subeyon lojon lac Yum, che'ob Pablo yic'ot Bernabé.

⁴⁸ Tijicñayob gentilob che' b_Λ tsi' yubiyob jini t'an. Tsi' subuyob wen ñuc i t'an lac Yum. Jini tsa' b_Λ yajc_Λntiyob cha'an mi' tajibob i cuxt_Λlel mach b_Λ anic mi' jilel, tsi' laj ñopoyob. ⁴⁹ Tsa' pujqui i t'an lac

Yum ti pejtelel jini lum. ⁵⁰ Judíojob tsi' xic'beyob jini x'ixicob mu' b_Λ i ch'ujutesañob Dios, mu' b_Λ i q'uejlelob ti ñuc, yic'ot jini ñuco' b_Λ ti tejclum cha'an mi' tic'lañob Pablo yic'ot Bernabé. Tsi' chocoyob loq'uel ti' lumal. ⁵¹ Che' b_Λ tsi' tijcayob loq'uel i ts'ubeñal i yoc ti' contra, tsa' majliyob ti Iconio. ⁵² Jini xc_Λnt'añob wen tijicñayob i pusic'al. But'ulob ti Ch'ujul b_Λ Espíritu.

14

Pablo yic'ot Bernabé ya' ti Iconio

¹ Temel tsa' ochiyob ti' sinagoga judíojob ya' ti Iconio. Tsi' wen cha'leyob subt'an. Jini cha'an wen cab_Λl tsi' ñopoyob judíojob yic'ot griegojob. ² Jini judíojob mach b_Λ anic tsi' ñopoyob tsi' xic'beyob gentilob ti' contra jini hermanojob. Tsi' socheyob i pusic'al jini gentilob. ³ Jini cha'an tsa' jal'ayob ya'i. Ch'ejlob i pusic'al tsi' cha'leyob t'an come xuc'ulob ti lac Yum. Lac Yum tsi' y_Λq'ueyob i p_Λs i yejtal i p'_Λt_Λlel yic'ot b_Λb_Λq'uen tac b_Λ cha'an mi' tsictesan i sujmllel i t'an Dios yic'ot i yutslel Dios. ⁴ Jini tejclumob tsi' t'oxoyob i b_Λ. Ojlil tsi' jac'beyob i t'an judíojob. Ojlil tsi' jac'beyob i t'an jini apóstolob. ⁵ Tsi' chajpayob i b_Λ gentilob yic'ot judíojob yic'ot yum_Λlob i cha'an, cha'an mi' tic'lañob yic'ot cha'an mi' julob ti xajlel. ⁶ Che' ña't_Λbilix i cha'an Pablo yic'ot Bernabé tsa' puts'iyob majlel ti Listra yic'ot ti Derbe, cha'p'ejl tejclum ya' ti Licaonia, yic'ot pejtelel jini lum ti' joytilel. ⁷ Ya'i tsi' subuyob majlel jini wen t'an.

Listra yic'ot Derbe

⁸ Ya' buchul ti Listra an winic mach b_Λ wenic i yoc c'ΛΛ₁ che' b_Λ tsi' yila pañimil. Ma'anic ba' ora tsa' mejli ti x_Λmbal. ⁹ Jini winic tsi' yubibe i t'an Pablo. Pablo tsi' ch'ujch'uj q'uele. Tsi' ña'ta ñopol i cha'an jini winic mi caj i c'oc'an. ¹⁰ Wen c'am i t'an tsi' sube: Ch'oijen. Wa'i', che'en. Jini winic tsa' tipp'i. Tsi' cha'le x_Λmbal. ¹¹ Che' b_Λ tsi' q'ueleyob winicob x'ixicob chuqui tsi' cha'le Pablo, c'am tsi' cha'leyob t'an. Tsi' y_ΛΛyob ti' t'an licaoniajob: Tsa'ix jubiyob tilel diosob ti lac tojlel che' bajche' winicob, che'ob. ¹² Tsi' pejcayob Bernabé ti Júpiter. Tsi' pejcayob Pablo ti Mercurio, come jiñach Pablo tsa' b_Λ i subu t'an. ¹³ Jini motomaj ya' ti' yotlel jini dios i c'aba' Júpiter am b_Λ ti' yochib tejclum, tsi' ch'Λmbeyob tilel ti' ti' tejclum tat wacax yic'ot i ch'Λjlil i jol. Jini motomaj yic'ot winicob x'ixicob yomob i ts_Λns_Λbeñob i majtan Pablo yic'ot Bernabé.

¹⁴ Jini apóstolob, Bernabé yic'ot Pablo, tsi' tsiliyob i pislel che' b_Λ tsi' yubiyob. Ti ajñel tsa' ñumiyob ba' motocñayob. Wen c'am tsi' cha'leyob t'an. ¹⁵ Tsi' y_ΛΛyob: Winicob, ¿chucoch mi la' cha'len che' bajche' jini? Joñon lojon winicon lojon ja'el che' bajche'etla. Mic subeñetla yom mi la' c_Λy jini lolom jach b_Λ cha'an mi la' ñop jini cuxul b_Λ Dios tsa' b_Λ i mele panchan yic'ot pañimil yic'ot colem ñajb yic'ot pejtelel i b_Λ. ¹⁶ Ti yamb_Λ ora Dios tsi' y_Λq'ueyob gentilob i melob bajche' jach yomob. ¹⁷ Ma'anic tsi' c_Λy_Λ i tsictesan i b_Λ ti wen b_Λ i ye'tel. Tsi' y_Λq'ueyonla ja'al tilem b_Λ ti panchan yic'ot c'ajbal cha'an mi lac ñaj'an. Tsi' tijicñes_Λbeyonla lac pusic'al. Che' tsi' y_ΛΛ Pablo yic'ot Bernabé. ¹⁸ Pero colel ma'anic tsa' mejli

i tic'ob jini winicob x'ixicob cha'an ma'anic mi' tsansabeñob i majtan.

¹⁹ Tsa' tiliyob judíojob ch'oyolo' b_Λ ti Antioquía yic'ot ti Iconio. Tsi' xic'beyob winicob x'ixicob ti' contra. Tsi' juluyob Pablo ti xajlel. Tsi' tujc'ayob loq'uel ti tejclum come tsi' lon ña'tayob ch_Λmenix.

²⁰ Che' b_Λ tsa' tiliyob xcant'añob ti' joytilel, tsa' ch'ojyi Pablo, tsa' ochi ti tejclum. Ti yijc'Λlal tsa' majli yic'ot Bernabé ti Derbe.

Tsa' cha' sujtiyob majlel ti Antioquía ya' ti Siria

²¹ Che' b_Λ tsa'ix i subuyob jini wen t'an ya' ti Derbe ba' tsi' c_Λntesayob cab_Λl winicob x'ixicob, tsa' cha' majliyob ti Listra yic'ot ti Iconio yic'ot ti Antioquía. ²² Tsi' xuc'chocobeyob i pusic'al xcant'añob. Tsi' xic'beyob cha'an mi' ch_Λn ñopob i t'an Dios. Tsi' subeyob: Che' b_Λ tsa'ix lac ñusa cab_Λl wocol, mi caj la cochel ti' yum_Λntel Dios, che'ob.

²³ Tsi' wa'chocoyob ancianojob ti jujump'ejl tejclum ba'an xñopt'añob. Tsi' cha'leyob oración yic'ot ch'ajb. Tsi' y_Λc'Λyob ti' c'Λb lac Yum jini tsa' b_Λ i ñopoyob.

²⁴ Tsa' ñumiyob majlel ti Pisidia, tsa' c'otiyob ti Panfilia. ²⁵ Che' b_Λ tsa'ix i subuyob jini t'an ya' ti Perge, tsa' jubiyob tilel ti Atalia. ²⁶ Ya'i tsa' ochiyob ti barco cha'an mi' cha' sujtelob ti Antioquía ba' tsa' tejchi i ye'tel che' ti' cajibal. Come ya' ti Antioquía jini hermanojob tsi' w_Λn c'ajtibeyob i yutslél i pusic'al Dios cha'an jini e'tel tsa' b_Λ ujtí i melob Pablo yic'ot Bernabé. ²⁷ Che' b_Λ tsa' c'otiyob, tsi' tempayob i b_Λ xñopt'añob. Pablo tsi' subeyob pejtelel chuqui tac wen ñuc tsi' cha'le Dios yic'otob, che' b_Λ tsi' jambeyob gentilob i ti' otot cha'an mi'

yochelob i ñop. ²⁸ Jal tsa' ajniyob Pablo yic'ot Bernabé yic'ot xcant'añob ya'i.

15

Tsi' tempayob i b_Λ ya' ti Jerusalén

¹ Tsa' jubiyob tilel winicob ch'oyolo' b_Λ ti Judea. Tsa' caji i cantesañob jini hermanojob ya' ti Antioquía. Tsi' subeyob: Mi ma'anic mi la' ch'Λm tsep p_Λch_Λlel che' bajche' tsi' y_ΛΛ Moisés, mach mejlic mi la' colt_Λntel, che'ob. ² Pablo yic'ot Bernabé tsa' caji i c_ΛΛx pejcañob i b_Λ yic'ot judíojob. Tsi' contrajiyob i b_Λ ti t'an. Jini cha'an jini hermanojob tsi' wa'chocoyob Pablo yic'ot Bernabé yic'ot cha'tiquil uxtiquil yaño' b_Λ cha'an mi' majlelob ti Jerusalén cha'an mi' c'ajtibeñob i sujmler tsep p_Λch_Λlel jini apóstolob yic'ot jini ancianojob.

³ Jini xñopt'añob tsa' majli i c_Λyob ti bij. Pablo yic'ot Bernabé tsa' ñumiyob majlel ti Fenicia yic'ot ti Samaria. Tsi' subuyob bajche' tsi' sutq'uiyob i b_Λ gentilob. Tsi' wen ñuq'ues_Λbeyob i pusic'al pejtelel hermanojob. ⁴ Che' c'otemobix ti Jerusalén, tsa' p_Λjjiyob ochel ti' tojlel jini apóstolob yic'ot ancianojob yic'ot jini xñopt'añob. Tsi' subeyob pejtelel chuqui tac tsi' cha'le Dios yic'otob. ⁵ Lamital jini xñopt'añob woli b_Λ i jac'beñob i t'an fariseojob tsa' ch'ojjiyob. Tsi' y_ΛΛyob: Wersa yom mi' ch'Λmob tsep p_Λch_Λlel. Wersa yom mi' subentelob cha'an mi' jac'beñob i mandar Moisés, che'ob.

⁶ Jini apóstolob yic'ot ancianojob tsi' tempayob i b_Λ cha'an mi' wen ña'tañob bajche' yom. ⁷ Che' b_Λ tsa'ix i cha'leyob cab_Λl t'an tsa' ch'ojyi Pedro. Tsi' subeyob: Hermanojob, la' wujil anix ora Dios

tsi' yajcayon cha'an mic subenob gentilob jini wen t'an cha'an mi' ñopob. ⁸ Dios mu' b_Λ i c_Λmben i pusic'al winic tsi' p_Λy_Λyob ti' yalobil ti isujm che' b_Λ tsi' y_Λq'ueyob Ch'ujul b_Λ Espíritu che' bajche' tsi' y_Λq'ueyonla. ⁹ Lajal tsi' q'ueleyob che' bajche' tsi' q'ueleyonla. Tsi' s_Λq'ues_Λbeyob i pusic'al che' b_Λ tsi' ñopoyob. ¹⁰ ¿Chucoch che' jini, woli la' wil_Λben i pusic'al Dios? ¿Chucoch mi' la' w_Λq'ueñob jini x_cant'añob i cuch jini wocol tac b_Λ? Ma'anic tsa' mejli lac l_Λt' joñonla mi lac ñojte'el. ¹¹ Pero mi lac ñop mi caj laj colt_Λntel cha'an i yutslel i pusic'al lac Yum Jesús. Che' ja'el mi caj i colt_Λntelob jini gentilob. Che' tsi' y_Λl_Λ Pedro.

¹² Ñ_Λch'Λl tsa' c_Λleyob ti pejtelelob. Tsi' yubibe-yob i t'an Bernabé yic'ot Pablo che' b_Λ tsi' subeyob chuqui tac ñuc tsi' mele Dios ti' c'Λb come tsi' p_Λs_Λ i yejtal tac i p'Λt_Λlel yic'ot b_Λb_Λq'uen tac b_Λ ti' tojlel gentilob. ¹³ Che' b_Λ tsa' ujtiyob ti t'an, Jacobo tsi' y_Λl_Λ: Winicob hermanojob, ñich't_Λbeñon c t'an. ¹⁴ Simón tsa' ujtí i subeñetla bajche' Dios tsa' caji i p_Λsbeñob gentilob i yutslel i pusic'al che' b_Λ tsi' yajca winicob x'ixicob cha'an mi' tsictesan i ñuclel i c'aba'. ¹⁵ Che' ja'el mi' y_Λlob x'alt'añob, che' bajche' ts'ijbubil: ¹⁶ “Ti wi'il mi caj c cha' tilel, che'en Dios. Mi caj c wa'chocon i yotot David tsa' b_Λ yajli. Mi caj c cha' mel jini p'ulul b_Λ tsa' b_Λ c_Λle. Mi caj c cha' wa'chocon ¹⁷ cha'an mi' s_Λclañob lac Yum i colojbal winicob yic'ot pejtelel gentilob mu' b_Λ i yubiñob j c'aba'”. ¹⁸ Che' woli' y_Λl lac Yum tsa' b_Λ i laj ac'Λ ti c_Λjñel c'Λl_Λ ti wajali.

¹⁹ Jini cha'an mi c_Λl mach wenic mi' tic'l_Λntelob gentilob mu' b_Λ i sutq'uiñob i b_Λ cha'an mi' ñopob

Dios. ²⁰ Cojach yom mi la' ts'ijbubeñob ti jun cha'an mi' c_Λyob i c'ux chuqui tac aq'uebil dioste', yic'ot chuqui tac milbil yic'ot i ch'ich'el, cha'an mi' c_Λyob i ts'i'lel ja'el. ²¹ Come c'_ΛΛ_Λ ti wajali an ti jujump'ejl tejclum jini mu' b_Λ i subob i t'an Moisés ti sinagoga ba' mi' q'uejlel i jun Moisés ti jujump'ejl i q'uiñilel c'aj o. Che' tsi' y_ΛΛ Jacobo.

Jini carta cha'an gentilob

²² Jini cha'an jini apóstolob yic'ot ancianojob yic'ot pejtelel jini xñopt'añob mu' b_Λ i tempañob i b_Λ, tsi' ña'tayob uts'at mi' yajcañob winicob ti' tojlel hermanojob cha'an mi' chocob majlel ti Antioquía yic'ot Pablo yic'ot Bernabé. Tsi' yajcayob Silas yic'ot Judas, jini am b_Λ i cha'chajplel i c'aba' Barsabás, ñuc b_Λ winicob ti' tojlel hermanojob. ²³ Tsi' meleyob carta. Tsi' y_ΛΛyob: “Joñon lojon apóstolon lojon quic'ot ancianojob quic'ot hermanojob, wolic melbeñetla jini jun hermanojob, gentilet b_Λ la ya' ti Antioquía yic'ot ti Siria yic'ot ti Cilicia. Cotañetla. ²⁴ Tsa'ix cubi lojon an winicob tsa' b_Λ loq'uiyob tic tojlel lojon tsa' b_Λ i tic'layetla ti' t'an. Tsi' sobbeyetla la' pusic'al, come tsi' y_ΛΛyob wersa mi la' ch'_Λm tsep p_Λch_Λlel, wersa mi la' jac' jini mandar. Mach che'iqui tsac subeyob lojon. ²⁵ Jini cha'an che' temp_Λbilon lojon tsac ña'ta lojon uts'at mic yajcan lojon winicob cha'an mic chocob majlel ba' añetla yic'ot Bernabé yic'ot Pablo mu' b_Λ j c'uxbin lojon. ²⁶ Ili winicob tsi' y_Λc'_Λyob i b_Λ ba' b_Λb_Λq'uen mi' ch_Λmelob cha'an ti' c'aba' lac Yum Jesucristo. ²⁷ Jini cha'an wolic choc lojon majlel Judas yic'ot Silas ja'el mu' b_Λ caj i subeñetla jini jach b_Λ t'an. ²⁸ Come joñon lojon quic'ot jini

Ch'ujul b_Λ Espíritu tsac ña'ta lojon mach yomic mi c_Λq'ueñetla la' cuch chuqui tac wocol ti' jac'ol. Cojach jini yom: ²⁹ C_Λy_Λ la' c'ux jini ts_Λns_Λbil b_Λ i majtan dioste' yic'ot i ch'ich'el yic'ot jini milbil b_Λ. Mach mi la' cha'len ts'i'lel. Mi uts'at mi la' c_Λntan la' b_Λ cha'an pejtelel jini, uts'at mi la' mel. Ajñenla ti la' wenlel". Che'ach tsi' ts'ijbayob.

³⁰ Che' jini tsi' chocoyob majlel ti Antioquía. Che' b_Λ tsi' tempayob i b_Λ jini xñopt'añob, jini apóstolob tsi' y_Λq'ueyob jini jun. ³¹ Che' b_Λ tsa' ujt i q'uelob, tijicña tsi' yubiyob come tsa' ñuq'ues_Λbentiyob i pusic'al. ³² Judas yic'ot Silas, x'alt'añob ja'el, tsi' ñuq'ues_Λbeyob i pusic'al jini hermanojob ti c_Λntesa. Tsi' xuc'chocobeyob i pusic'al. ³³ Tsa' jaleyob ya'i. Ti' wi'il jini hermanojob ñ_Λch'lob i pusic'al tsi' chocoyob sujtél ba'an i pi'lob tsa' b_Λ i y_Λq'ueyob i ye'tel. ³⁴ Silas tsi' ña'ta uts'at mi' c_Λyt_Λ ya'i. ³⁵ Pablo yic'ot Bernabé tsa' c_Λleyob ti Antioquía. Tsi' ch_Λn c_Λntesayob ti' t'an lac Yum. Tsi' subeyob jini wen t'an. Cab_Λ winicob tsi' pi'leyob majlel ti subt'an.

Pablo yic'ot Bernabé mi' t'oxob i b_Λ

³⁶ Che' ñumenix cha'p'ejl uxp'ejl q'uin, Pablo tsi' sube Bernabé: Conla c jula'tan la quermanojob ti pejtelel tejclum ba' tsa' lac subeyob i t'an lac Yum cha'an mi laj q'uel bajche' yilalob, che'en. ³⁷ Bernabé yom i p_Λy majlel Juan, jini am b_Λ i cha'chajplel i c'aba' Marcos. ³⁸ Pablo mach yomic i p_Λy majlel yic'otob, come Marcos tsi' c_Λy_Λyob ya' ti Panfilia che' ma'anic tsa' majli ti e'tel yic'otob. ³⁹ Cha'chajp i pensar. Jini cha'an tsi' t'oxoyob i b_Λ. Bernabé tsi' p_Λy_Λ majlel Marcos ti barco. Tsa'

majli ti Chipre. ⁴⁰ Pablo tsi' yajca Silas, tsi' p_Λy_Λ majlel. Jini hermanojob tsi' y_Λc'Λyob ti' c'Λb lac Yum cha'an mi' yajñelob ti' yutslal i pusic'al lac Yum. ⁴¹ Pablo tsa' ñumi majlel ya' ti Siria yic'ot ti Cilicia. Tsi' xuc'choco xñopt'añob baqui jach tsi' tempayob i b_Λ.

16

Timoteo tsi' pi'le majlel Pablo yic'ot Silas

¹ Ti wi'il tsa' c'oti ti Derbe yic'ot ti Listra. Aw- ilan, ya'an x_cΛnt'an i c'aba' Timoteo. Judía i ña', hermanaj_Λch ti Cristo. Griegoj_Λch i tat. ² Jini hermanojob ti Listra yic'ot ti Iconio uts'at tsi' tajayob ti t'an Timoteo. ³ Pablo yom i p_Λy majlel Timoteo. Tsi' p_Λy_Λ i tsepben i p_Λch_Λlel come ti pejtelel judíojob ya' b_Λ añob yujilob griego i tat. ⁴ Che' b_Λ tsa' ñumiyob ti tejclum tac, tsi' subeyob cha'an mi' jac'ob jini mandar tsa' b_Λ i comol ña'tayob jini apóstolob yic'ot ancianojob año' b_Λ ti Jerusalén. ⁵ Jini cha'an tsa' p'Λtes_Λntiyob ti' t'an Dios jini xñopt'añob tsa' b_Λ i tempayob i b_Λ. Tsa' p'ojliyob ti jujump'ejl q'uin.

Pablo tsi' q'uele winic ch'oyol b_Λ ti Macedonia

⁶ Tsa' ñumiyob majlel ti Frigia yic'ot ti jini lum Galacia. Tic'bilob cha'an Ch'ujul b_Λ Espíritu ma'anic tsi' subuyob t'an ya' ti Asia. ⁷ Che' b_Λ tsa' c'otiyob ti Misia tsi' ñopoyob majlel ti Bitinia. Pero jini i yEspíritu Jesús tsi' tiq'uiyob. ⁸ Che' b_Λ tsa' ñumiyob ti Misia tsa' jubiyob majlel ti Troas. ⁹ Ti ac'Λlel an chuqui tsi' q'uele Pablo. Juntiquil winic ya' ti Macedonia tsa' wa'le ti' tojel. Tsi' c'ajtibe ti wocol t'an: La' ti Macedonia. Coltañon

lojon, che'en. ¹⁰ Che' q'uelbilix i cha'an Pablo, ti ora tsac chajpa lojon c b_Λ cha'an mic majlel lojon ti Macedonia, come tsac ña'ta lojon isujm tsi' p_Λy_Λyon lojon Dios cha'an mic subeñob lojon jini wen t'an.

Lidia ya' ti Filipos

¹¹ Jini cha'an tsa' ochiyon lojon ti barco ti Troas. Toj tsa' majliyon lojon c'Λ_Λl ti Samotracia, ti yijc'Λ_Λl c'Λ_Λl ti Neápolis. ¹² Ti wi'il tsa' majliyon lojon ti Filipos, jini ñuc b_Λ tejclum ti' lumal Macedonia, jump'ejl colonia cha'an Roma. Ya' añoñ lojon wax_Λc_p'ejl q'uin ti jini tejclum. ¹³ Ti' q'uiñilel c'aj o tsa' loq'uiyon lojon ti' ti' tejclum. Tsajniyon lojon ti' ti' colem ja' ba' i tilel mi' pejcañob Dios. Tsa' buchleyon lojon. Tsac pejca lojon x'ixicob tsa' b_Λ i tempayob i b_Λ. ¹⁴ Ya'an x'ixic i c'aba' Lidia, mu' b_Λ i chon ch_Λccojan b_Λ pisil. Ch'oyol ti tejclum i c'aba' Tiatira. Lidia tsi' b_Λc'ña Dios. Che' b_Λ tsi' ñich'ta Pablo, lac Yum tsi' jambe i pusic'al cha'an mi' jac'ben i t'an. ¹⁵ Che' b_Λ tsa' ujti i ch'Λm ja' yic'ot jini año' b_Λ ti yotot, tsi' subeyon lojon: Conla ti cotot mi tsa' la' q'uele xuc'ulon quic'ot lac Yum. Jijlenla ya' ti cotot, che'en. Tsi' wersa p_Λy_Λyon lojon ochel.

Pablo yic'ot Silas ti m_Λjquib_Λ

¹⁶ Ti yamb_Λ q'uin che' tsajniyon lojon ba' mi' cha'leñob oración, juntiquil xch'oc am b_Λ i xib_Λjlel tsa' b_Λ mejli i subeñob winicob chuqui tac tal, tsi' tajayon lojon ti bij. I yumob tsi' wen cha'leyob ganar cha'an i ye'tel. ¹⁷ Jini xch'oc tsi' tsajcayon lojon quic'ot Pablo. Tsi' cha'le c'am b_Λ t'an. Tsi' y_ΛΛ: Jiñob_Λch i winicob Dios am b_Λ ti chan. Mi'

subeñetob i bijlel la' colt Δ ntel, che'en. ¹⁸ Che' Δ ch tsi' cha'le t'an cab Δ l q'uin. Pablo mach ch Δ n yomix i cuchben. Tsi' sutq'ui i b Δ i pejcan. Tsi' sube i xib Δ jlel: Mic subeñet ti' c'aba' Jesucristo, loq'uen ti' pusic'al, che'en. Ti jini jach b Δ ora tsa' loq'ui.

¹⁹ Che' b Δ tsi' ña'tayob i yumob jini xch'oc mach ch Δ n mejlobix i c'añob ti ganar, tsi' chucuyob Pablo yic'ot Silas. Tsi' chucuyob majlel ba'an choñoñibal ti' tojlel año' b Δ i ye'tel. ²⁰ Tsa' caji' jop'beñob i mul ti' tojlel año' b Δ i ye'tel. Tsi' y Δ ayob: Jini judíojob cab Δ l mi' ñijcañob ti t'an jini chumulo' b Δ ti lac tejclum. ²¹ Mi' subeñob yom mi lac mel chuqui tac tic'bebilonla come romanojonla. Tic'bil mi lac ñop come mach che'ic yom mi lac mel, che'ob. ²² Jini winicob x'ixicob tsa' caji' i yotsañob i b Δ ti' contra. Jini año' b Δ i ye'tel tsi' tsilbeyob i pislel Pablo yic'ot Silas. Tsi' y Δ c'ayob mandar cha'an mi' jajts'elob ti asiyal. ²³ Che' cab Δ l tsi' jats'ayob, tsi' yotsayob ti m Δ jquib Δ l. Tsi' subeyob xc Δ ntaya cha'an mi' wen c Δ ntañob. ²⁴ Che' b Δ tsa' aq'uenti jini mandar jini xc Δ ntaya tsi' yotsayob ya' ti cojix b Δ i mal m Δ jquib Δ l. Tsi' ñet'beyob i yoc ti tocol b Δ te'.

Tsi' ñopo lac Yum xc Δ nta cárcel ya' ti Filipos

²⁵ Ti ojilil ac' Δ lel woli' pejcañob Dios Pablo yic'ot Silas. Woli' c'ayañob Dios. Jini xñujp'elob woli' yubiñob. ²⁶ Ti ora tsa' ñumi i yujquel lum. I c' Δ lib jini m Δ jquib Δ l tsi' ñijca i b Δ . Ti ora tsa' lu' jajmi i ti' tac m Δ jquib Δ l. Tsa' jijti i c Δ jchil pejtél jini xñujp'elob. ²⁷ Che' b Δ tsa' cajni i wut jini xc Δ ntaya, tsi' q'uele jajmenix i ti' tac m Δ jquib Δ l. Tsi' bots'o i yespada cha'an mi' ts Δ nsan i b Δ , come tsi' lon ña'ta

puts'emobix jini xñujp'elob. ²⁸ C'am tsi' cha'le t'an Pablo. Tsi' sube: Mach a tic'lan a bΛ. Umba'añon lojon tic pejtelel lojon che'en. ²⁹ Jini xcΛntaya tsi' c'ajti c'ajc. Tsa' ochi ti mal. Tsiltsilña ti bΛq'uen tsi' ñocchoco i bΛ ti' tojel Pablo yic'ot Silas. ³⁰ Tsi' pΛyΛyob loq'uel. Tsi' c'ajtibeyob: Winicob, ¿chuqui yom mic cha'len cha'an mij coltΛntel? che'en. ³¹ Pablo yic'ot Silas tsi' subeyob: Ñopo lac Yum Jesucristo. Che' jini mi caj a coltΛntel, jatet yic'ot jini año' bΛ ti a wotot, che'ob. ³² Tsi' subeyob i t'an lac Yum yic'ot pejtelel año' bΛ ti' yotot. ³³ Jini xcΛntaya tsi' pΛyΛyob ti jini jach bΛ ora ti ac'Λlel. Tsi' pocbeyob i lojwel tac. Tsi' bΛc' ch'ΛmΛ ja' yic'ot pejtelel jini año' bΛ ti' yotot. ³⁴ Tsi' pΛyΛyob ochel ti' yotot. Tsi' we'sayob. Wen tijicña i pusic'al yic'ot pejtelel año' bΛ ti' yotot come tsi' ñopoyob Dios.

³⁵ Che' bΛ tsa' sac'a, jini año' bΛ i ye'tel tsi' chocoyob majlel wasilob tsa' bΛ i subeyob xcΛntaya: Ac'Λ ti coel jini winicob, che'ob. ³⁶ Jini xcΛntaya tsi' sube Pablo: Jini año' bΛ i ye'tel tsi' chocoyob tilel mandar cha'an mi cΛq'uetla ti coel. Loq'uenixla, che' jini. Cucuxla ti' ñΛch'tilel la' pusic'al, che'en. ³⁷ Pablo tsi' subeyob: Romanojon lojon. Ti' wutob winicob x'ixicob tsi' jats'Λyon lojon che' maxto melbilonic lojon. Tsi' chocoyon lojon ochel ti mΛjquibΛl. ¿Mu' ba caj i chocon lojon loq'uel ti mucul jach? Isujm mach che'ic yom. La' tilicob i pΛyon lojon loq'uel, che'en Pablo. ³⁸ Jini wasilob tsa' cha' majliyob ba'an año' bΛ i ye'tel cha'an mi' cha' subeñob. Jini año' bΛ i ye'tel tsi' cha'leyob bΛq'uen che' bΛ tsi' yubiyob romanojob. ³⁹ Tsa' tiliyob ba'an Pablo yic'ot Silas. Tsi' pejgayob ti wocol t'an. Tsi' pΛyΛyob loq'uel ti mΛjquibΛl.

Tsi' subeyob cha'an mi' loq'uelob ti jini tejclum. ⁴⁰ Che' loq'uemobix ti ma'jquibal tsi' jula'tayob Lidia. Che' ba' tsi' q'ueleyob jini hermanojob, tsi' ñuq'uesabeyob i pusic'al. Tsa' loq'uiyob majlel.

17

Pablo yic'ot Silas ya' ti Tesalónica

¹ Che' ba' tsa' ñumiyob ti Anfípolis yic'ot ti Apolonia, tsa' c'otiyob ti Tesalónica ya' ba'an i sinagoga judíojob. ² Tsa' ochi Pablo yic'otob che' bajche' i tilelach che' ti' q'uiñilel c'aj o. Uxp'ejl q'uin tsi' tsictesabeyob i Ts'ijbujel Dios. ³ Tsiquil wersa mi' yubin wocol jini Cristo. Wersa mi' tejchel loq'uel ba'an chameño' ba'. Tsi' ya'la: Jiñach Cristo, jini Jesús mu' ba' c subeñetla, che'en. ⁴ Lamital tsi' ñopoyob. Tsi' tempayob i ba' yic'ot Pablo yic'ot Silas, che' ja'el griegojob tsa' ba' i ch'ujutesayob Dios, yic'ot cabal x'ixicob tsa' ba' q'uejliyob ti ñuc.

⁵ Tsaytsayñayob i pusic'al jini judíojob mach ba' anic tsi' ñopoyob. Tsi' payayob cha'tiquil uxtiquil jontolo' ba' winicob. Tsi' tempayob cabal winicob. Tsi' ñijcayob ti cabal t'an pejtelel año' ba' ti tejclum. Ti ajñel tsa' majliyob ti' yotot Jasón cha'an mi' loc'sañob Pablo yic'ot Silas ti' wut winicob x'ixicob. ⁶ Che' ma'anic tsi' tajayob tsi' chucuyob majlel Jasón yic'ot año' ba' hermanojob ba'an jini año' ba' i ye'tel ti tejclum. C'am tsi' ya'layob: Jini winicob tsa' ba' i socoyob winicob x'ixicob ti pejtelel pañimil, wa' tsa' tiliyob ja'el. ⁷ Jini Jasón tsi' payayob ochel ti' yotot. Ti pejtelelob woli' contrajiño' i t'an César come mi' yalob an yamba' rey, i c'aba' Jesús, che'ob. Che' tsi' jop'beyob i mul.

⁸ Che' b_Λ tsi' yubiyob winicob x'ixicob yic'ot año' b_Λ i ye'tel tsa' cajiyoob ti cab_Λ t'an. ⁹ Che' b_Λ tsi' ch'ΛmΛyob multa ti' c'Λb Jasón yic'ot i pi'Λlob, tsi' coloyob.

Pablo yic'ot Silas ya' ti Berea

¹⁰ Jini hermanojob tsi' b_Λc' chocoyob majlel Pablo yic'ot Silas ti ac'Λlel c'ΛΛΛ ti Berea. Che' b_Λ tsa' c'otiyob ya'i, tsa' ochiyob ti' sinagoga judíojob. ¹¹ Jini año' b_Λ ti Berea ñumen weñob bajche' jini año' b_Λ ti Tesalónica come ti jump'ejl jach i pusic'al tsi' jac'Λyob jini t'an. Ti jujump'ejl q'uin tsi' wen q'ueleyob i Ts'ijbujel Dios cha'an mi' ña'tañob mi isujm chuqui tsa' subentiyob. ¹² Jini cha'an cab_Λ judíojob tsi' ñopoyob yic'ot cab_Λ griegojob, yic'ot x'ixicob tsa' b_Λ q'uejliyob ti ñuc. ¹³ Che' b_Λ tsi' ña'tayob judíojob ya' ti Tesalónica wolix i pujquel i t'an Dios ya' ti Berea ja'el cha'an Pablo, ya' tsa' majliyob ja'el. Tsi' ñijcayob winicob x'ixicob ti' contra. ¹⁴ Jini hermanojob tsi' b_Λc' chocoyob majlel Pablo c'ΛΛΛ ti colem ñajb. Silas yic'ot Timoteo tsa' c'Λeyob ya' ti Berea. ¹⁵ Jini hermanojob tsi' pi'leyob majlel Pablo c'ΛΛΛ ti Atenas. Tsa' cha' juliyob i subeñob majlel Silas yic'ot Timoteo ti ora ba'an Pablo.

Pablo ya' ti Atenas

¹⁶ Che' b_Λ tsi' pijtayob ya' ti Atenas wen ch'ijiyem i pusic'al Pablo, come tsi' q'uele but'ul jini tejclum ti dioste'. ¹⁷ Jini cha'an ya' ti sinagoga tsi' pejcayob i b_Λ Pablo yic'ot judíojob yic'ot gentilob tsa' b_Λ i ch'ujutesayob Dios. Ti jujump'ejl q'uin tsi' pejcayob jini tsa' b_Λ ajniyob ti choñoñib_Λ. ¹⁸ Ya'an epicúreojob yic'ot estoicojob mu' b_Λ i s_Λc_Λlañob i sujmllel tac pañimil. Tsi' pejcayob i b_Λ yic'ot Pablo.

Lamital tsi' y_ΛΛyob: To'ol t'an jach mi' cha'len, che'ob. Lamital tsi' y_ΛΛyob: Woli' sub yamb_Λ dios yilal, che'ob. Come Pablo tsi' subu Jesús tsa' b_Λ cha' ch'o'jyi ba'an ch_Λmeño' b_Λ. ¹⁹ Tsi' chucuyob. Tsi' p_Λy_Λyob tilel ti Areópago. Tsi' y_ΛΛyob: Com cubin lojon jini tsijib c_Λntesa mu' b_Λ a sub. ²⁰ Come jini woli b_Λ a sub maxto ubibilic c cha'an lojon. Com c ña'tan lojon i sujmllel jini t'an, che'ob. ²¹ (Come ti pejtelel jini chumulo' b_Λ ti Atenas yic'ot jini tilemo' b_Λ ti yamb_Λ lum tsa' jach i ñusayob q'uin ti t'an. Chuqui tac tsijib ubibil i cha'añob mi' cha' subob.)

²² Che' ya' wa'al Pablo ti ojilil Areópago, tsi' y_ΛΛ: Winicob w_Λ' ti Atenas mij q'uel cab_Λl la' dios mu' b_Λ la' ch'ujutesan. ²³ Come che' b_Λ tsa' ñumiyon ba' tsaj q'uele i yotlel tac diosob, tsac taja jump'ejl pul_Λntib ba' ts'ijbubil jini t'an: JINI DIOS MACH B_Λ C_ΛM_BILIC. Jini cha'an mi caj c tsictes_Λbeñetla jini Dios mach b_Λ c_Λm_Bilic la' cha'an mu' b_Λ la' ch'ujutesan.

²⁴ Jini Dios tsa' b_Λ i mele pañimil yic'ot pejtelel i b_Λl, jiñ_Λch i Yum Panchan yic'ot Pañimil. Ma'anic mi' chumt_Λl ti templo tac melbil b_Λ ti c'Λb_Λl. ²⁵ Dios ma'anic mi' taj i colt_Λntel ti winicob, come ma'anic chuqui anto yom i cha'an. Mi' y_Λq'ueñonla laj cuxt_Λlel yic'ot la quiq'uilel yic'ot pejtelel lac chub_Λ'an. ²⁶ Loq'uem jach ti juntiquil winic Dios tsi' laj mele winicob ti jujunchajp cha'an mi' pam chumt_Λlob ti pejtelel pañimil. Tsi' y_Λq'ueyob i yorajlel. Tsi' melbeyob i cayajonlel i lumal. ²⁷ Tsi' meleyonla cha'an mi lac sajcan cha'an mi lac taj ti isujm che' mi lac ñop, come mach ñajt_ic an Dios ti lac tojlel ti jujuntiquilonla. ²⁸ Come tilem ti

Dios laj cuxtlalel yic'ot lac p'atlalel ti xambal. Ti p'atlalel Dios añonla. Che' bajche' tsi' yalayob ja'el jini sts'ijbayajob la' cha'an: “Come joñonla ja'el i p'olbalonla”, che'ob.

²⁹ I p'olbalonla. Jini cha'an mach yomic mi la cal lajalach Dios bajche' oro mi plata, mi xajlel mu' b_Λ i melob winicob ti' bajñel pusic'al i wenta i yejtal Dios. ³⁰ Dios tsi' ñusabeyob i sajtemal winicob ti yamb_Λ ora che' ma'añobic i ña'tabal. Wale mi' subeñob pejtelel winicob x'ixicob baqui jach añob cha'an mi' c_Λyob i mul. ³¹ Tsa'ix i w_Λn ña'ta jini q'uin che' mi caj i cha'len meloñel ti toj. Tsa'ix i wa'choco jini winic mu' b_Λ caj i mel año' b_Λ ti pañimil che' bajche' tsi' tsictesabeyonla che' b_Λ tsi' teche ch'ojyel Jesús ba'an chameño' b_Λ cha'an mi lac ñop. Che' tsi' y_ΛΛ Pablo.

³² Che' b_Λ tsi' yubiyob mi' cha' ch'ojyelob chameño' b_Λ, lamital tsi' wajleyob. Año' b_Λ tsi' yalayob: Ti yanto b_Λ ora mi caj cubin lojon a t'an, che'ob. ³³ Jini cha'an tsa' loq'ui majlel Pablo ti tojlelob. ³⁴ Cha'tiquil uxtiquil tsi' tsajcayob Pablo. Tsi' ñopoyob Dionisio ch'oyol b_Λ ti Areópago, yic'ot x'ixic i c'aba' Dámaris yic'ot año' b_Λ.

18

Pablo ya' ti Corinto

¹ Ti yamb_Λ ora Pablo tsa' loq'ui majlel ti Atenas. Tsa' c'oti ti Corinto. ² Tsi' taja judío i c'aba' Aquila, ch'oyol b_Λ ti Ponto. Maxto anic cabal ora i loq'uel ti Italia yic'ot Priscila i yijñam, come Claudio tsi' y_Λc'Λ mandar cha'an mi' loq'uelob pejtelel judíojob ti Roma. Tsa' majli Pablo i cañob. ³ Cha'an

lajalob i ye'tel, tsa' chumle yic'otob. Temel tsi' cha'leyob e'tel come xmel pisol bΛ ototob. ⁴ Pablo tsi' cha'le t'an ti sinagoga ti jujump'ejl i q'uiñilel c'aj o. Tsi' cha'le wersa cha'an mi' ñopob judíojob yic'ot griegojob.

⁵ Che' bΛ tsa' c'otiyob Silas yic'ot Timoteo, loq'uemo' bΛ ti Macedonia, Pablo woli' cha'len wersa subt'an ti Corinto. Tsi' chΛn sube judíojob CristojΛch jini Jesús. ⁶ Jini judíojob tsi' contrajiyob Pablo. Tsi' p'ajayob. Jini cha'an tsi' tijca i pisel, tsi' subeyob: Anix ti la' bajñel wenta la' cuxtΛlel. Mach c wentajetixla. Mux c majlel ba'an gentilob, che'en Pablo. ⁷ Tsa' loq'ui ya'i. Tsa' ochi ti' yotot juntiquil winic, i c'aba' Tito Justo, tsa' bΛ i bΛc'ña Dios. An i yotot ti' t'ejl sinagoga. ⁸ Crispo, i yum sinagoga, tsi' ñopo lac Yum yic'ot pejtelel año' bΛ ti' yotot. CabΛ corintiojob che' bΛ tsi' yubibeyob i t'an Pablo tsi' ñopoyob. Tsi' ch'ΛmΛyob ja'.

⁹ Lac Yum tsi' sube Pablo ti ac'Λlel: Mach a cha'len bΛq'uen. ChΛn cha'len t'an. Mach yomic ma' ñΛjch'el. ¹⁰ Come añoñ quic'otet. Ma'anic majch mi mejlel i tic'lañet, come an cabΛ c cha'año' bΛ ti jini tejclum, che'en. ¹¹ Ya'i tsa' jale ojilil i cha'p'ejl jab. Tsi' cΛntesayob ti' t'an Dios.

¹² Che' woli ti yumΛ Galión ya' ti Acaya, jini judíojob tsi' tem chucuyob Pablo. Tsi' pΛyΛyob majlel ba'an melobΛjΛl. ¹³ Tsi' yΛΛyob: Jini winic mi' bajñel suben tejclumob bajche' yom mi' ch'ujutesañob Dios. Mach che'ic bajche' ts'ijbubil ti mandar mi' subeñob, che'ob.

¹⁴ Che' yomix cajel ti t'an Pablo, jini Galión tsi' sube judíojob: Mi an i mul, mi an chuqui jontol tsi' cha'le, wersa mic ñich'tabeñetla la' t'an, judíojet bΛ

la. ¹⁵ Pero woliyetla ti' a'leya cha'an to'o t'an jach yic'ot cha'an i c'aba' tac winicob yic'ot cha'an la' mandar. Jini cha'an la' wentajach jatetla. Joñon mach comic c cha'len meloñel cha'an i t'an. Che' tsi' y_{ΛΛ} jini yum_Λ. ¹⁶ Tsi' chocoyob loq'uel ti melob_{ΛjΛ}. ¹⁷ Jini griegojob tsi' chucuyob Sóstenes, i yum sinagoga. Tsi' jats'_{Λyob} ti' tojel melob_{ΛjΛ}. Galión ma'anic chuqui tsi' y_{ΛΛ}.

Tsa' cha' sujti ti Antioquía Pablo

¹⁸ Ya' to tsa' jale Pablo cab_Λ q'uin. Ti wi'il tsi' subeyob hermanojob adiós. Ti barco tsa' majli ti Siria. Priscila yic'ot Aquila tsi' pi'leyob majlel. Ya' ti Cencrea, Pablo tsi' laj loc'sa i jol come tsi' sube Dios chuqui mi caj i wersa mel. ¹⁹ Tsa' c'oti ti Efeso ba' tsi' c_{ΛyΛ} Priscila yic'ot Aquila. I bajñel tsa' ochi ti sinagoga Pablo. Tsi' pejcyob i b_Λ Pablo yic'ot judíojob. ²⁰ Che' b_Λ tsi' c'ajtibeyob Pablo cha'an mi' jalijel yic'otob, ma'anic tsi' jac'beyob. ²¹ Che' b_Λ tsi' c_{ΛyΛyob} i b_Λ Pablo tsi' y_{ΛΛ}: Wersa mic majlel ti Jerusalén cha'an mic mel jini q'uin che' mi' cajel. Mu' to c cha' tilel ba' añetla mi che' yom Dios, che'en Pablo. Tsa' loq'ui ti Efeso ti barco.

²² Che' b_Λ tsa' c'oti ti lum ya' ti Cesarea, tsa' letsi majlel i yaq'ueñob cortesía jini xñopt'añob mu' b_Λ i tempañob i b_Λ ti Jerusalén. Ti wi'il tsa' jubi majlel ti Antioquía. ²³ Che' b_Λ tsa' ts'ita' jale ya'i tsa' cha' majli. Tsa' ñumi ti pejtelel lum ti Galacia yic'ot ti Frigia. Tsi' xuc'choco pejtelel jini xc_{Λnt}'añob.

Apolos ya' ti Efeso yic'ot ti Corinto

²⁴ Tsa' c'oti ti Efeso juntiquil judío, i c'aba' Apolos, ch'oyol b_Λ ti Alejandría. Wen yujil t'an. Wen c_{ΛñΛ} i cha'an i Ts'ijbujel Dios. ²⁵ C_{ΛntesΛbilix}

Apolos ti' bijlel lac Yum. Ch'ejl i pusic'al. Tsi' cha'le t'an cha'an mi' ñopob lac Yum. Anquese jini jach cΛmbil i cha'an jini ch'Λmja' tsa' bΛ i yΛc'Λ Juan, tsi' cha'le cΛntesa. ²⁶ Ch'ejl i pusic'al tsa' caji ti sub t'an ti sinagoga. Che' bΛ tsi' yubiyob Priscila yic'ot Aquila, tsi' pΛyΛyob cha'an mi' tsictesΛbeñob i bijlel Dios ti toj. ²⁷ Che' yomix majlel Apolos ti Acaya, jini hermanojob tsi' coltayob ti majlel. Tsi' ts'ijbubeyob xcΛnt'añob cha'an mi' pΛyob ochel. Tsa' c'oti Apolos ya'i. Tsi' wen colta jini tsa' bΛ i ñopoyob cha'an ti' yutsllel i pusic'al Dios. ²⁸ Tsi' pΛsbeyob judíojob ti' Ts'ijbujel Dios Cristojach jini Jesús. Ti cabΛ i p'ΛtΛlel tsi' subu ti' wutob winicob x'ixicob. Ma'anic tsa' mejli i jac'ob jini judíojob.

19

Pablo ya' ti Efeso

¹ Che' ya'to an Apolos ti Corinto, Pablo tsa' ñumi ba'an wits. Tsa' c'oti ti Efeso. Tsi' taja cha'tiquil uxtiquil xcΛnt'añob ya'i. ² Tsi' c'ajtibeyob: ¿Tsa' ba aq'uentiyetla Ch'ujul bΛ Espíritu che' bΛ tsa' la' ñopo? che'en. Tsi' subeyob: Maxto anic tsa cubi lojon mi an Ch'ujul bΛ Espíritu, che'ob. ³ Pablo tsi' subeyob: ¿Chuqui ti ch'Λmja' tsa' aq'uentiyetla? che'en. Tsi' subeyob: Jini tsa' bΛ i yΛc'Λ Juan, che'ob. ⁴ Pablo tsi' subeyob: Juan tsi' yΛq'ueyob ch'Λmja' jini tsa' bΛ i cΛyΛyob i mul. Tsi' subeyob winicob x'ixicob cha'an mi' ñopob jini tal bΛ ti' pat, jiñach Jesús jini Cristo, che'en. ⁵ Che' bΛ tsi' yubiyob jini t'an, tsi' ch'ΛmΛyob ja' ti' c'aba' lac Yum Jesús. ⁶ Che' bΛ tsi' yΛc'Λ i c'Λb Pablo ti' jol winicob x'ixicob, tsa' ochi jini Ch'ujul bΛ Espíritu

ti' pusic'al. Tsa' caji'yob ti yan tac bΛ t'an. Tsi' cha'leyob alt'an. ⁷ Añob che' bajche' lajchΛntiquil winicob ti pejtelel.

⁸ Tsa' ochi Pablo ti sinagoga. Ch'ejl i pusic'al, tsi' cha'le t'an uxp'ejl uw. Tsi' pejcayob i bΛ. Tsi' xic'beyob cha'an mi' ñopob i sujmllel i yumΛntel Dios. ⁹ Tsa' tsΛts'a i pusic'al lamital winicob. Ma'anic tsi' ñopoyob. Tsi' p'ajayob i bijlel Dios ti' tojlel winicob x'ixicob. Jini cha'an Pablo tsa' loq'ui ya' ba' añob. Tsi' pΛyΛ majlel xcΛnt'añob ja'el. Tsi' cΛntesayob ti jujump'ejl q'uin ti escuela i cha'an Tiranno. ¹⁰ Tsi' cha'le cΛntesa cha'p'ejl jab. Jini cha'an tsi' yubibeyob i t'an lac Yum Jesús pejtelel jini chumulo' bΛ ti Asia, judíojob yic'ot griegojob.

¹¹ Dios tsi' c'Λmbe i c'Λb Pablo cha'an mi' pΛs wen ñuc tac bΛ i melbal. ¹² Jini cha'an tsi' ch'ΛmΛyob majlel ba'an xc'amΛjelob jini pañuelo tac yic'ot welñΛc'Λl tac tsa' bΛ i tΛΛ Pablo. Tsa' lajmi i chΛmel xc'amΛjelob. Tsa' loq'uiyob i xibΛjlel. ¹³ Jini xΛn pañimil bΛ judíojob tsa' bΛ i cha'leyob wujt tsi' lon ñopo i c'Λmben i c'aba' lac Yum Jesús cha'an mi' chocob loq'uel xibajob. Tsi' yΛΛyob: Mic subeñet loq'uel ti' c'aba' jini Jesús mu' bΛ i sub Pablo, che'ob. ¹⁴ Che' lajal tsi' meleyob wuctiquil winicob, i yalobilob juntiquil judío, i c'aba' Esceva. I yum motomajob jini Esceva. ¹⁵ I xibΛjlel jini winic tsi' jac'beyob: Mij cΛn Jesús. Mij cΛn Pablo ja'el. Pero jatetla, ¿majquiyetla? che'en. ¹⁶ Jini winic am bΛ i xibΛjlel tsa' tijp'i i chuc jini xwujtob. Tsi' ñolch'iyob ti pejtelo. Tsa' mΛjli i cha'an jini am bΛ i xibΛjlel. Tsa' puts'iyob loq'uel ti otot, pits'ilobix, lojwemobix.

17 Tsa' caji i yubiñob pejtelel judíojob yic'ot griegojob chumulo' b_Λ ti Efeso. Ti pejtelob tsi' cha'leyob b_Λq'uen. Tsa' ñuq'ues_Δnti i c'aba' lac Yum Jesús. 18 Cab_Λl tsa' b_Λ i ñopoyob tsa' tili i subob i mul. Tsi' bajñel tsictesayob i b_Λ cha'an chuqui tac tsi' cha'leyob. 19 Cab_Λl tsa' b_Λ i cha'leyob wujt tsi' tempayob i jun. Tsi' puluyob ti' wut winicob x'ixicob. Tsi' tsicbeyob i tojol, lujump'ejl i yuxc'al mil s_Δs_Δc taq'uin. 20 Jini cha'an cab_Λl tsa' ñojpi i t'an Dios. Tsa' wen tsictiyi i p'_Λt_Λlel.

21 Che' b_Λ tsa' ujtí pejtelel jini, Pablo tsi' ña'ta ti Espíritu yom ñumel ti Macedonia yic'ot ti Acaya cha'an mi' majlel ti Jerusalén. Tsi' y_Δl_Δ: Wersa yom mic majlel ti Roma ja'el che' b_Λ ñumeñonix ti Jerusalén, che'en. 22 Jini cha'an tsi' choco majlel ti Macedonia cha'tiquil tsa' b_Λ i coltayob ti' ye'tel, jiñob_Δch Timoteo yic'ot Erasto. I bajñel tsa' jale ts'ita ya' ti Asia.

Tsi' cha'leyob cab_Λl t'an ya' ti Efeso

23 Jini efesojob tsa' cajiyojob ti cab_Λl t'an cha'an i bijlel Dios. 24 Come an juntiquil xten plata, i c'aba' Demetrio, tsa' b_Λ i melbe ti s_Δs_Δc taq'uin i yotot tac jini dios i c'aba' Diana. Cab_Λl tsi' cha'leyob ganar i yaj e'telob. 25 Demetrio tsi' tempa jini x'e'telob yic'ot yaño' b_Λ lajal b_Λ i ye'tel. Tsi' subeyob: Wini-cob, la' wujil cab_Λl mi lac cha'len ganar cha'an la que'tel. 26 La' wujil chuqui woli' mel Pablo, come tsa'ix la' q'uele. Tsa'ix la' wubibe i t'an. Tsa'ix i xic'beyob cab_Λl winicob x'ixicob cha'an mi' c_Δyob Diana, mach w_Λ'ic jach ti Efeso, pero colel i ñumel ti pejtelel Asia ja'el. Mi' y_Δl mach diosic jini melbil tac b_Λ ti c'_Λb_Λl. 27 Jini cha'an b_Λb_Λq'uen mi' jilel

la que'tel yic'ot i yotlel jini x'ixic dios, Diana, jini ñuc b_Λ. B_Λb_Λq'uen mi' jis_Δntel i ñuclel jini dios mu' b_Λ i ch'ujutesañob pejtelel año' b_Λ ti Asia yic'ot ti pejtelel pañimil, che'en.

²⁸ Che' b_Λ tsa'ix i yubiyob jini t'an cab_Λl tsa' mich'ayob. Tsi' cha'leyob c'am b_Λ t'an. Tsi' y_ΛΔyob: ¡Ñuc lac dios Diana w_Λ' ti Efeso! che'ob. ²⁹ Wen ju'ucñayob ti pejtelel tejclum. Ti ajñel tsi' tempayob i b_Λ ti parque, chuculobix i cha'an Gayo yic'ot Aristarco ch'oyolo' b_Λ ti Macedonia, i pi'Δlob Pablo ti x_Δmbal. ³⁰ Pablo yom ochel ba' añoob pero jini x_Δnt'añoob tsi' tiq'uiyob. ³¹ Cha'tiquil uxtiquil winicob año' b_Λ i ye'tel ti Asia, i c_Δñayo' b_Λ Pablo, tsi' chocheyob majlel winicob cha'an mi' subeñob ti wocol t'an mach yomic mi' yochel ti parque. ³² Jelchojc jax i t'an jini temp_Λbilo' b_Λ ti parque. Ju'uc'ñayob jax ti t'an. Cab_Λlob mach yujilobic chucoch tsi' tempayob i b_Λ. ³³ Jini judíojob tsi' p_Λy_Δyob loq'uel Alejandro ba' p'ululob winicob x'ixicob cha'an mi' pejcañob. Alejandro tsi' p_Δsbejob i c'Δb cha'an mi' ñ_Δjch'elob, come yom i y_Λq'ueñob i ch'_Δmben isujm. ³⁴ Che' yujilobix judíoja_Δch jini Alejandro, cha'p'ejl ora tsi' ch_Δn cha'leyob c'am b_Λ t'an ti pejtelelob. C'am tsi' y_ΛΔyob: ¡Ñuc lac dios Diana w_Λ' ti Efeso! che'ob.

³⁵ Jini sts'ijbaya cha'an tejclum tsi' ñ_Δch'tesayob. Tsi' subeyob: Winicob, ¿baqui an juntiquil winic mach b_Λ yujilic mi' ti pejtelel lac tejclum Efeso mi' c_Δnt_Δbentel i yotlel jini x'ixic dios Diana yic'ot i yejtal tsa' b_Λ i choco jubel Júpiter? ³⁶ Actan, che' jini, ma'anic majch mi' mejlel i contrajin jini t'an. Jini cha'an yom mi' la' ñ_Δjch'el. Yom mi' la'

ch'amben isujm chuqui yom mi la' mel. ³⁷ Come jini winicob tsa' b_Λ la' p_Λy_Λ tilel ma'anic mi' xu-jch'iñob jini templo. Ma'anic mi' p'ajob la' dios. ³⁸ La' tilicob Demetrio yic'ot i pi'lob ti e'tel mi an chuqui yom i y_Λlob ti' contra juntiquil winic. An melob_Λj_Λ, an xmeloñelob. La' i melob i b_Λ cha'an i mul. ³⁹ Mi anto chuqui woli la' ña'tan, jini año' b_Λ i ye'tel mi mejlel i yubiñob che' mi' tempañob i b_Λ. ⁴⁰ Come b_Λb_Λq'uen mi' caj ti sujbel lac mul cha'an jini leto tsa' b_Λ ujti sajma_Λ. Ma'anic mi mejlel lac sub chucoch tsa' tejchi jini ju'ucña b_Λ t'an, che'en. ⁴¹ Che' b_Λ tsa' ujti ti t'an, tsi' subeyob sujtel jini temp_Λbilo' b_Λ.

20

Tsa' majli Pablo ti Macedonia yic'ot Grecia

¹ Che' b_Λ tsa'ix lajmi jini ju'ucña b_Λ t'an, Pablo tsi' p_Λy_Λ tilel x_Cant'añob. Tsi' xic'beyob ti jini wen t'an. Tsi' lajlaj jats'beyob i pat. Tsi' subeyob i b_Λ adiós. Pablo tsa' loq'ui cha'an mi' majlel ti Macedonia. ² Che' b_Λ woli' ñumel majlel ti' bijlel Grecia tsi' wen xic'beyob ti jini wen t'an. Tsa' c'oti ti Grecia. ³ Ya'i tsa' jale uxp'ejl uw. Che' b_Λ yomix majlel ti Siria ti barco, woli' chijtañob judíojob. Tsa' caji i ña'tan uts'at mi' cha' ñumel ti Macedonia. ⁴ Tsi' pi'leyob majlel c'_Λl_Λ ti Asia jini Sópater ch'oyol b_Λ ti Berea, yic'ot Aristarco yic'ot Segundo ch'oyol b_Λ ti Tesalónica, yic'ot Gayo ch'oyol b_Λ ti Derbe, yic'ot Timoteo, yic'ot Tíquico, yic'ot Trófimo ch'oyolo' b_Λ ti Asia. ⁵ Jiñob tsa' ñaxan majliyob i pijtañon lojon ti Troas. ⁶ Che' b_Λ tsa' ñumi i q'uiñilel caxlan waj mach b_Λ anic i levadurajlel, tsa' ochiyon lojon ti

barco ya' ti Filipos. Jo'p'ejl q'uin tsac xañΛ lojon majlel. Ya' ti Troas tsac cha' taja lojon c bΛ. Ya'i tsa' jaleyon lojon wucp'ejl q'uin.

Pablo tsi' jula'tayob ya' ti Troas

⁷ Ti ñaxan bΛ q'uin ti semana che' bΛ tsi' tempayob i bΛ xcant'añob cha'an mi' xet'ob waj, Pablo tsi' cantesayob. Come yomix majlel ti yijc'Λlal, tsa' jale ti t'an c'Λlal ti ojilil ac'Λlel. ⁸ Ya'an cabΛ lámpara ti' mal otot ti cha' lajmllel otot ba' tsi' tempayob i bΛ. ⁹ Juntiquil ch'iton, i c'aba' Eutico, buchul ti q'ueloñibal, woli ti wen wΛyel. Tsa' ñucle ti wΛyel come jal woli ti cantesa Pablo. Tsa' yajli ti lum. Chamenix tsi' lotoyob. ¹⁰ Pablo tsa' jubi majlel. Tsa' bΛc' c'oti i mec'. Tsi' yΛΛ: Mach la' mel la' pusic'al. Cuxul to, che'en. ¹¹ Che' bΛ tsa'ix cha' letsy Pablo, tsi' xet'eyob waj, tsi' c'uxuyob. Jalto tsi' cha'le t'an c'Λlal tsa' sac'a. Tsa' majli. ¹² Cuxul tsi' pΛyΛyob majlel jini ch'iton. Jini cha'an tsa' ñuq'uesΛbentiyob i pusic'al jini hermanojob.

Pablo tsi' pejca ancianojob loq'uemo' bΛ ti Efeso ti Mileto

¹³ Tsa' ochiyon lojon ti barco. Tsa' majliyon lojon ti Asón ba' com lojon c pΛy ochel Pablo, che' bajche' tsi' subeyon lojon. Come ti' yoc tsa' majli che' bajche' tsi' ña'ta. ¹⁴ Che' bΛ tsi' tajayon lojon ti Asón, tsac pΛyΛ lojon ochel ti barco. Tsa' c'otiyon lojon ti Mitilene. ¹⁵ Tsa' cha' majliyon lojon ti barco. Ti yijc'Λlal tsa' c'otiyon lojon ti' tojel Quío. Ti' cha'p'ejlel q'uin tsa' c'otiyon lojon ti Samos. Tsac ñusa lojon ac'Λlel ti Trogilio. Ti' yuxp'ejlel q'uin tsa' c'otiyon lojon ti Mileto. ¹⁶ Pablo mach yomic majlel ti Efeso, come mach yomic jalijel

ya' ti Asia. Woli' se'ñun i b_Λ, come yom c'otel ti Jerusalén cha'an i q'uiñilel Pentecostés mi muc'ach i mejlel.

¹⁷ Che' anto ti Mileto, Pablo tsi' choco majlel winicob ti Efeso. Tsi' p_Λy_Λ tilel jini ancianojob año' b_Λ i ye'tel ti' tojlel xñopt'añob ya' ti Efeso. ¹⁸ Che' b_Λ tsa' c'otiyob, Pablo tsi' subeyob: La' wujil bajche' añoñ la' wic'ot ti pejtelel ora c'_Λl_Λ ti ñaxan b_Λ q'uin che' b_Λ tsa' ochiyon ti Asia. ¹⁹ Tsac mele c b_Λ ti pec' che' b_Λ tsac melbe i ye'tel lac Yum. Tsi' tajayon cab_Λl wocol. Tsac cha'le uq'uel cha'an judíojob tsa' b_Λ i chijtayoñob. ²⁰ Ma'anic tsac b_Λc'ña c subeñetla jini am b_Λ i c'_Λjñibal la' cha'an. Tsaj c_Λntesayetla ti' wut winicob x'ixicob yic'ot ti jujump'ejl la' wotot. ²¹ Tsa'ix c subeyob judíojob yic'ot gentilob cha'an mi' c_Λyob i mul cha'an mi' ñopob Dios. Tsac subeyob cha'an mi' ñopob lac Yum Jesucristo.

²² Awilan, samiyonix ti Jerusalén come p_Λy_Λbilonix majlel cha'an jini Espíritu. Mach cujilic chuqui mi caj c tumbentel ya'i. ²³ Pero jini Ch'ujul b_Λ Espíritu mi' subeñoñ ti jujump'ejl tejclum, mi caj i tajon wocol. Mi caj cochel ti m_Λjquib_Λ. ²⁴ Ma'anic mij q'uel j cuxt_Λlel ti ñuc. Anquese mi c_Λj_Λq'uel ti ch_Λmel, tijicña c pusic'al mi uts'at mic ts'_Λctesan que'tel tsa' b_Λ aq'uentiyon ti lac Yum Jesús cha'an mic sub jini wen t'an cha'an i yutsllel i pusic'al Dios.

²⁵ Awilan, tsa'ix c subu i yum_Λntel Dios ti la' tojlel. W_Λle cujil ma'anix mi caj la' ch_Λn q'uel c wut. ²⁶ Jini cha'an mic subeñetla ti jini jach b_Λ ora, mach ch_Λn c wentajix la' cuxt_Λlel ti la' pejtelel. ²⁷ Ma'anic tsac cha'le b_Λq'uen, pero ts'_Λc_Λl tsac

subeyetla i t'an Dios. ²⁸ Ch_ΛC_Λ q'uele la' b_Λ che' jini. C_Λantanla pejtelel jini tiñ_Λame', come jini Ch'ujul b_Λ Espíritu tsi' y_Λq'ueyetla la' we'tel ti x_Λantaya cha'an mi la' we'san jini xñ_{opt}'añob i cha'año' b_Λ Dios tsa' b_Λ i m_Λñ_Λ ti' bajñel ch'ich'el. ²⁹ Come cujil che' majlemonix mi caj i yochelob ti la' tojlel jontol b_Λ b_Λte'el ts'i'. Ma'anic mi caj i p'untan tiñ_Λame'. ³⁰ Mi caj i wa't_Λlob winicob ti la' tojlel mu' b_Λ i y_Λlob sojqum b_Λ t'an cha'an mi' p_Λyob x_Λant'añob cha'an mi' tsajcañob. ³¹ Yom y_Λx_Λl la' wo che' jini. Ña'tanla, uxp'ejl jab ma'anic tsaj c_Λy_Λ c xic'beñetla ti jujuntiquiletla ti q'uiñil yic'ot ti ac'alel. Tsac cha'le uq'uel.

³² W_Λle, hermanojob, mi c_Λq'uetla ti' c'ab Dios yic'ot ti' wenta jini t'an mu' b_Λ i tsictesan i yut-slel i pusic'al. An i p'at_Λlel jini t'an cha'an mi' xuc'chocon la' pusic'al, cha'an mi la' w_Λq'uentel chuqui tac la' tem cha'an jach la' wic'ot pejtelel jini s_Λq'ues_Λbilo' b_Λ. ³³ Ma'anic tsac mul_Λbeyetla chuqui an la' cha'an, mi plata, mi oro, mi pisil. ³⁴ La' wujil, tsac cha'le e'tel tij c'ab cha'an i b_Λ c ñ_Λc'. Tsac we'sa c pi'lob ja'el año' b_Λ quic'ot. ³⁵ Ti pejtelel tsa' b_Λ c mele tsac p_Λsbeyetla bajche' yom mi lac cha'len e'tel cha'an mi laj coltan jini mach b_Λ p'at_Λlobic. Yom mi la' ña'tan i t'an lac Yum Jesús tsa' b_Λ i y_Λl_Λ: “Ñumen tijicña jini mu' b_Λ i y_Λc' majtañ_Λl bajche' jini mu' b_Λ i ch'am i majtan”. Che' tsi' y_Λl_Λ Pablo.

³⁶ Che' b_Λ tsa' ujti ti jini t'an tsa' ñocle. Pablo tsi' como pejca Dios yic'otob. ³⁷ Ti pejtelelob tsi' cha'leyob cab_Λl uq'uel. Tsi' meq'ueyob Pablo. Tsi' ts'ujts'uyob. ³⁸ Wen ch'ijiyem tsi' yubiyob cha'an

tsi' subeyob ma'anix mi caj i ch_Λn q'uelbeñob i wut.
Tsi' pi'leyob majlel c'_Λl_Λl ti barco.

21

Tsa' majli ti Jerusalén Pablo

¹ Che' b_Λ tsaj c_Λy_Λyob lojon tsa' ochiyon lojon ti barco. Toj tsa' majliyon lojon ti Cos, ti yijc'_Λl_Λl c'_Λl_Λl ti Rodas, ti wi'il c'_Λl_Λl ti Pátara. ² Ya' tsac taja lojon barco woli b_Λ i majlel ti Fenicia. Tsa' ochiyon lojon. Tsa' majliyon lojon. ³ Che' b_Λ tsaj q'uele lojon Chipre, tsaj c_Λy_Λ lojon tic ts'ej. Tsa' ñumiyon lojon majlel c'_Λl_Λl ti Siria. Tsa' c'otiyon lojon ti Tiro, come ya' yom i c_Λy i cuch jini barco. ⁴ Che' b_Λ tsac taja lojon xc_Λnt'añob tsa' jaleyon lojon ya'i wucp'ejl q'uin. Tsi' subeyob Pablo ti jini Espiritu mach yomic mi' letsel majlel ti Jerusalén. ⁵ Che' ñumenix jump'ejl semana tsa' majliyon lojon. Ti pejtelelob tsi' pi'leyon lojon majlel yic'ot x'ixicob yic'ot i yalobilob, c'_Λl_Λl che' b_Λ tsa' loq'uiyon lojon ti tejclum. Ya' ti' ti' ja' tsa' cajiyon lojon ti ñoct_Λl, tsac pejca lojon Dios. ⁶ Che' b_Λ tsa'ix j c_Λy_Λ lojon c b_Λ, tsa' ochiyon lojon ti barco. Jini xc_Λnt'añob tsa' sujtiyob ti' yotot.

⁷ Che' loq'uemonix lojon ti Tiro ti barco, tsa' c'otiyon lojon ti Tolemaida. Ya'i tsa c_Λq'ue lojon cortesia hermanojob. Tsa' jaleyon lojon jump'ejl q'uin yic'otob. ⁸ Ti yijc'_Λl_Λl che' b_Λ tsa' majliyon lojon, tsa' c'otiyon lojon ti Cesarea. Ya' tsa' ochiyon lojon ti' yotot Felipe, jini subt'an, jini tsa' b_Λ aq'uenti i ye'tel yic'ot jini w_Λctiquil. Tsa' jijliyon lojon quic'ot. ⁹ An ch_Λntiquil i yixic'al mach b_Λ anic i ñoxi'al. Tsi' cha'leyob alt'an.

10 Che' b^Λ tsa' jaleyon lojon ya'i cha'p'ejl uxp'ejl q'uin, tsa' jubi tilel juntiquil x'alt'an loq'uem b^Λ ti Judea, i c'aba' Agabo. 11 Che' b^Λ tsa' c'oti ba' añon lojon, tsi' ch'Λmbe i cajchiñ^Λc' Pablo. Tsi' bajñel c^Λch^Λ i yoc i c'Λb. Tsi' subu: Jini Ch'ujul b^Λ Espíritu mi' y^Λ: “Che'i mi caj i c^Λchob i yum jini cajchiñ^Λc'Λl jini judíojob añon' b^Λ ti Jerusalén. Mi caj i y^Λc'ob ti' c'Λb gentilob”. Che' mi' y^Λ Ch'ujul b^Λ Espíritu, che'en Agabo.

12 Che' b^Λ tsa'ix cubi lojon jini t'an, joñon lojon quic'ot jini ya' b^Λ añob tsac sube lojon Pablo ti wocol t'an cha'an ma'anic mi' letsel majlel ti Jerusalén. 13 Pablo tsi' subeyon lojon: ¿Chucoch mi la' cha'len uq'uel? ¿Chucoch mi la' w^Λq'ueñon i ch'ijiyemlel c pusic'al? Joñon chajp^Λbilon, mach cojic jach cha'an mij c^Λjchel, pero cha'an mic ch^Λmel ja'el ti Jerusalén cha'an ti' c'aba' lac Yum Jesús, che'en. 14 Che' b^Λ ma'anic tsi' jac'beyon lojon c t'an, tsaj c^Λy^Λ lojon c suben. Tsac sube lojon: La' mejlic chuqui yom lac Yum, cho'on lojon. 15 Ti wi'il tsac chajpa lojon c chub^Λ'an. Tsa' letsiyon lojon majlel ti Jerusalén. 16 Cha'tiquil uxtiquil xc^Λnt'añob ch'oyolo' b^Λ ti Cesarea tsi' pi'leyon lojon majlel. Tsi' p^Λy^Λyon lojon majlel ti' yotot juntiquil xc^Λnt'an i c'aba' Mnasón, ch'oyol b^Λ ti Chipre. Jini Mnasón wajalix tsi' ñopo. Ya' tsa' jijliyon lojon quic'ot.

Pablo tsi' julata Jacobo

17 Che' b^Λ tsa' c'otiyon lojon ti Jerusalén, ti-jicñayob i pusic'al jini hermanojob, tsi' p^Λy^Λyon lojon ochel. 18 Ti yijc'Λlal tsa' ochi Pablo quic'ot lojon ba'an Jacobo. Tsi' tempayob i b^Λ pejtelel jini

ancianojob. ¹⁹ Che' b_Λ tsi' y_Λq'ueyob i b_Λ cortesía, Pablo quepecña tsa' caji i subeñob pejtelel chuqui tac tsi' cha'le Dios ti' tojlel gentilob ya' ba' tsi' cha'le subt'an.

²⁰ Che' b_Λ tsi' yubiyob, tsi' subuyob i ñucllel Dios. Jini ancianojob tsi' subeyob Pablo: Hermano, tsa'ix a wubi jayp'ejl mil judíojob tsi' ñopoyob. Ti pejtelelob wen b_Λxob cha'an jini mandar. ²¹ Tsa'ix lon subentiyob jini w_Λ' b_Λ añob, wola' c_Λntesan judíojob ya' ti' tojlel gentilob cha'an mi' c_Λyob i mandar Moisés. Wola' sub mach yomic mi' tsepbeñob i p_Λch_Λlel i yalobilob, yic'ot mach yomic mi' cha'leñob che' bajche' i tilel judíojob. ²² Jini cha'an, ¿chuqui yom mi lac cha'len? Mi caj i yubiñob tsa'ix tiliyet. Isujm, mi caj i tempañob i b_Λ cab_Λl winicob x'ixicob. ²³ Jini cha'an, mele chuqui mic subeñet lojon. W_Λ' añob ch_Λntiquil winicob tsa' b_Λ i subeyob Dios chuqui mi caj i wersa melob. ²⁴ P_Λy_Λyob majlel. S_Λq'uesan a b_Λ yic'otob. Tojbeñob chuqui yom cha'an mi' set'bentelob i jol. Che'i mi caj i ña'tañob ti pejtelelob mach isujmic jini tsa' b_Λ subentiyob, come mach che'ic wola' mel. Mi caj i ña'tañob jatet ja'el wolix a jac' jini mandar. ²⁵ Jixcu jini gentilob tsa' b_Λ i ñopoyob, tsa'ix c ts'ijbubeyob lojon chuqui tsac ña'ta lojon. Tsac subeyob lojon cha'an mi' c_Λyob i c'ux jini ts_Λns_Λbil b_Λ i majtan dioste' yic'ot i ch'ich'el yic'ot milbil tac b_Λ. Tsac sube lojon cha'an ma'anic mi' cha'leñob ts'i'lel. Che' tsi' subeyob Pablo jini ancianojob. ²⁶ Pablo tsi' p_Λy_Λyob jini winicob. Ti yijc'_Λlal tsi' s_Λq'uesa i b_Λ yic'otob. Tsa' ochi ti Templo cha'an mi' subeñob baqui b_Λ q'uin mi caj i yujtel i s_Λq'uesañob i b_Λ, yic'ot baqui b_Λ q'uin mi caj i y_Λq'uentel i majtan

Dios am b_Λ ti' wenta ti jujuntiquil.

Tsi' chucuyob Pablo ti Templo

²⁷ Che' yomix ts'actiyel jini wucp'ejl q'uin, cha'tiquil uxtiquil judíojob ch'oyolo' b_Λ ti Asia tsi' q'ueleyob Pablo ti Templo. Tsi' ñijcayob winicob cha'an mi' chucob Pablo. ²⁸ Jini winicob c'am tsi' y_Λayob: Winicob israelob la'la ti coltaya. Umba'an jini winic mu' b_Λ i cha'len c_Λntesa ti' contra i cha'año' b_Λ Dios yic'ot ti' contra jini mandar yic'ot ti' contra jini Templo. Che'ach woli' pam c_Λntesan winicob x'ixicob. Mach cojic jach jini, pero tsa'ix i p_Λy_Λ ochel griegojob ja'el ti' mal Templo. Tsa'ix i bibesa jini Ch'ujul b_Λ Ajñib_Λ, che'ob. ²⁹ Come tsi' lon ña'tayob tsa'ix i p_Λy_Λ ochel ti' mal Templo juntiquil winic ch'oyol b_Λ ti Efeso, i c'aba' Trófimo, come anix ora tsi' q'ueleyob yic'ot Pablo.

³⁰ Jini cha'an tsa' tejchiyob ti a'leya pejtelel winicob año' b_Λ ti jini tejclum. Ti ajñel tsi' tempayob i b_Λ. Tsi' chucuyob Pablo. Tsi' tujc'ayob loq'uel ti Templo. Ti ora tsa' ñujp'i i ti' Templo. ³¹ Che' b_Λ woli' ñopob i ts_Λnsan Pablo, tsa' subenti jini am b_Λ ñuc b_Λ i ye'tel ti' tojlel jump'ejl mil soldadojob cha'an woliyob ti leto pejtelel winicob ti Jerusalén. ³² Jini am b_Λ i ye'tel tsi' p_Λy_Λ majlel soldadojob yic'ot i yaj capitañob. Ti ajñel tsa' majliyob ba' año. Jini winicob tsi' c_Λy_Λayob i jats' Pablo che' b_Λ tsi' q'ueleyob jini am b_Λ ñuc b_Λ i ye'tel yic'ot soldadojob.

³³ Tsa' c'oti jini am b_Λ ñuc b_Λ i ye'tel. Tsi' chucu Pablo. Tsi' y_Λc'Λ mandar cha'an mi' c_Λjchel ti cha't'ujm cadena. Tsi' c'ajtibe i c'aba' yic'ot chuqui

tsi' cha'le. ³⁴ Ti pejtelelob woliyob ti c'am b_Λ t'an. Jelchojc jax chuqui tsi' y_Λlyob. Ma'anic tsa' mejli i ch'amben isujm chuqui tsa' ujtí come ju'ucñayob ti cab_Λ t'an. Jini cha'an tsi' y_Λq'ueyob mandar cha'an mi' p_Λyob majlel Pablo ti' yotot soldadojob. ³⁵ Che' b_Λ tsa' c'otiyob ba' quej_Λctic ts'ajc, jini soldadojob tsi' ch'uyuyob majlel Pablo, come wen mich'ob winicob. ³⁶ Woli' tsajcañob majlel. C'am tsi' y_Λlyob: Tsansanla, che'ob.

*Pablo tsi' pejca winicob x'ixicob
(Hch. 9.1-19; 26.12-18)*

³⁷ Che' b_Λ tsa' caji i p_Λyob ochel Pablo ti' yotot soldadojob, Pablo tsi' sube jini ñuc b_Λ i ye'tel: ¿Mejl ba c pejcañet? che'en. Jini ñuc b_Λ i ye'tel tsi' sube: ¿A c_Λñ_Λ ba i t'an griegojob? ³⁸ ¿Mach ba jatetic jini egipto tsa' b_Λ i teche leto ti' contra gobierno maxto jali? ¿Mach ba jatetic tsa' p_Λy_Λ majlel ti jochol b_Λ lum lujumbajc' sts_Λsajob? che'en. ³⁹ Pablo tsi' sube: Mach joñonic. Mero judíojon. Ch'oyolon ti Tarso ya' ti Cilicia. Ya' chuchbil j c'aba' ti ñuc b_Λ tejclum. Awocolic, la' c pejcan jini winicob, che'en. ⁴⁰ Che' b_Λ tsi' y_Λc'Λ i t'an, che' wa'alix Pablo ba' quej_Λctic, tsi' p_Λsbeyob i c'Λb jini winicob. Che' b_Λ tsa' wen ñ_Λjch'i'yob, Pablo tsa' caji i pejcañob ti' t'an hebreojob.

22

¹ Pablo tsi' y_ΛΛ: Winicob c pi'Λlob, ñich'tanla chuqui mic subeñetla w_Λle, che'en. ² Che' b_Λ tsi' yubiyob woli' pejcañob ti' t'an hebreojob, tsa' wen ñ_Λjch'i'yob. ³ Pablo tsi' subeyob: Isujm judíojon. Tsa quila pañimil ti Tarso ya' ti Cilicia. W_Λ' tsa'

coliyon ilayi ti ili tejclum. CantesΛbilon i cha'an Gamaliel. Tsa' cantesΛantiyon ti' sujmllel jini mandar che' bajche' tsi' ñopoyob lac ñojte'el. Wen bΛxon cha'an Dios che' bajche'etla ti la' pejtelel wΛle. ⁴Tsac tic'la jini año' bΛ ti' bijlel Dios. Tsa cΛcΛ'yob ti chΛmel. Tsac chucu winicob yic'ot x'ixicob. Tsa cotsayob ti mΛjquibΛ. ⁵Jini ñuc bΛ motomaj ja'el yic'ot pejtelel xñoxob año' bΛ i ye'tel yujilob isujm c t'an, come tsi' yΛq'ueyoñob jun cha'an mic pΛsbeñob lac pi'Λlob. Ya' tsa' majliyon ti Damasco cha'an mic chuc jini ya' bΛ añoob cha'an cΛchΛ mic pΛyob tilel ti Jerusalén cha'an mi' tojob i mul.

*Pablo tsi' subu bajche' tsa' coltanti
(Hch. 9.1-19; 26.12-18)*

⁶Che' bΛ woliyon ti xΛmbal majlel, che' lac'Λlix añoon ti Damasco ti xinq'uiñil, tsa' bΛc' tsictiyi tic joytilel i c'Λc'al c'ajc ch'oyol bΛ ti panchan. ⁷Tsa' yajliyon ti lum. Tsa cubi t'an. Tsi' subeyon: “¿Saulo, Saulo, cucoch wola' tic'lañon?” che'en. ⁸Tsac jac'Λ: “C Yum, ¿majquiyet?” cho'on. Tsi' subeyon: “Joñon Jesúson ch'oyolon bΛ ti Nazaret. Woli a tic'lañon”, che'en. ⁹Jini año' bΛ quic'ot, ti isujm tsi' q'ueleyob i c'Λc'al c'ajc. Tsi' cha'leyob bΛq'uen. Ma'anic tsi' yubibeyob chuqui woli' yΛl jini tsa' bΛ i pejcayon. ¹⁰Tsac sube: “¿Chuqui yom mic cha'len c Yum?” cho'on. Lac Yum tsi' subeyon: “Ch'ojyen. Cucu ti Damasco. Ya'i mi caj a subentel pejtelel chuqui wΛn ña'tΛbil c cha'an mu' bΛ caj a mel”, che'en. ¹¹Che' bΛ ma'anic tsa' c'oti c wut cha'an i saclel jini c'ajc, tsi' toj'esayoñob majlel tij c'Λb jini ya' bΛ añoob quic'ot. Tsa' c'otiyon ti Damasco.

12 Ya' an winic, i c'aba' Ananías, mu' b_Λ i ch'ujutesan Dios, che' bajche' c_Λntes_Λbilonla ti mandar. Wen uts'at tsa' q'uejli cha'an pejtelel judíojob ya' b_Λ chumulob. 13 Tsa' tili ba' año_n. Tsa' wa'le tic t'ejl. Tsi' subeyon: “Hermano Saulo, la' c'otic a wut”, che'en Ananías. Ti jini jach b_Λ ora tsa' c'oti c wut. Tsaj q'uele Ananías. 14 Tsi' subeyon: “I Dios lac ñojte'el tsi' yajcayet cha'an ma' c_Λn chuqui yom i pusic'al Dios. Tsi' yajcayet cha'an ma' q'uel jini Toj b_Λ, yic'ot cha'an ma' wubiben i t'an che' mi' pejcañet. 15 Come mi caj a w_Λc' ti c_Λjñel Cristo ti' tojlel pejtelel winicob x'ixicob. Mi caj a subeño_b chuqui tac tsa' q'uele yic'ot chuqui tsa' wubi. 16 Wale, ¿chucoch woliyet ti pijt? Ch'ojyen. Pejcan Dios ti' c'aba' Jesús. Ch'_Λm_Λ ja', la' pojquic loq'uel a mul”. Che' tsi' subeyon Ananías.

I p_Λyol Pablo cha'an mi' cha'len subt'an

17 Che' b_Λ tsa' cha' tiliyon ti Jerusalén, woliyon ti oración ti Templo. An chuqui tsa' caji j q'uel ti espíritu. 18 Tsaj q'uele Jesús tsa' b_Λ i subeyon: “Se'ñun a b_Λ, loq'uen ti Jerusalén ti ora come ma'anic mi caj i jac'ob chuqui wola' subeño_b cha'año_n”, che'en. 19 Tsac sube: “C Yum, yujlilob joño_n tsa cotsa ti m_Λjquib_Λl jini tsa' b_Λ i ñopoyet. Tsac bajbeyob ti sinagoga tac. 20 Che' b_Λ tsa' bejq'ui i ch'ich'el Esteban, jini subt'an a cha'an, ya' lac'_Λl wa'alon ja'el. Ma'anic tsac tiq'uiyob. Tsaj c_Λnt_Λbeyob i pislel jini tsa' b_Λ i ts_Λnsayob”, cho'on tsac sube. 21 Jesús tsi' subeyon: “Cucu come joño_n mi caj c choquet majlel ti ñajt_Λl ba'an gentilob”. Che' tsi' subeyon Jesús, che'en Pablo.

22 Tsi' ñich'tayob judíojob jinto tsa' ujtí i sub jini t'an. Jini winicob tsa' cajiyob ti c'am b_Λ t'an. Tsi' y_ΛΛyob: “La' ch_Λmic jini winic. Mach uts'atic che' ch_Λn cuxul”, che'ob. 23 Wen c'am tsi' cha'leyob t'an. Tsi' tijcayob i bujc. Tsi' wejch'uyob letsel ts'ubejn. 24 Jini ñuc b_Λ i ye'tel tsi' y_Λc'Λ mandar cha'an mi' p_Λjyel ochel Pablo ti' yotot soldadojob. Tsi' y_Λc'Λ mandar cha'an mi' jajts'el ti asiyal cha'an mi' tsictesan i mul, come yom i ña'tan chucoch tsi' cha'leyob cab_Λl t'an ti' contra. 25 Che' b_Λ tsa'ix i c_Λch_Λyob Pablo ti p_Λchi, Pablo tsi' c'ajtibe i yaj capitán soldadojob wa'al b_Λ ti' t'ejl: ¿Mach ba tic'bilic ti mandar mi' jajts'el ti asiyal juntiquil winic chucbil b_Λ i c'aba' ya' ti Roma, che' maxto ña't_Λbilic mi an i mul? che'en Pablo. 26 Che' b_Λ tsi' yubibe i t'an Pablo, i yaj capitán soldadojob tsa' majli ba'an jini ñuc b_Λ i ye'tel. Tsi' sube: ¿Chuqui mi caj a cha'len? Chucbil i c'aba' jini winic ya' ti Roma, che'en. 27 Jini ñuc b_Λ i ye'tel tsa' tili ba'an Pablo. Tsi' sube: Subeñon, ¿chucbil ba a c'aba' ya' ti Roma? che'en. Pablo tsi' jac'Λ: Chucbil cu, che'en. 28 Jini ñuc b_Λ i ye'tel tsi' y_ΛΛ: Cab_Λl taq'uin tsac jisa cha'an mi' chujquel j c'aba' ya' ti Roma, che'en. Pablo tsi' sube: Pero tsa' chujqui j c'aba' ya' ti Roma che' b_Λ tsa quila pañimil, che'en. 29 Jini cha'an jini yomo' b_Λ i jats' Pablo cha'an mi' tsictesan i mul tsi' b_Λc' c_Λy_Λyob. Che' b_Λ tsi' ña'ta ya' chucul i c'aba' Pablo ti Roma, jini ñuc b_Λ i ye'tel tsi' cha'le b_Λq'uen ja'el, come an i mul cha'an tsi' c_Λch_Λ.

Pablo ti' tojlel jini año' b_Λ i ye'tel

30 Ti yijc'Λlal yom i ñop ti isujm chucoch tsi' cha'leyob t'an jini judíojob ti' contra Pablo. Tsi' jiti.

Tsi' subeyob tilel pejtelel ñuc bΛ motomajob yic'ot jini año' bΛ i ye'tel. Tsi' pΛyΛ tilel Pablo.

23

¹ Pablo tsi' wen q'uele jini año bΛ i ye'tel. Tsi' yΛΛ: Winicob, c pi'Λlob, ti pejtelel chuqui tac tsac mele, Dios tsi' q'uele. C'ΛΛΛ wΛle ma'anic mi' tejchel t'an tic pusic'al cha'an uts'at pejtelel chuqui tsac cha'le ti' wut Dios, che'en. ² Jini c'ax ñuc bΛ motomaj, i c'aba' Ananías, tsi' sube jini wa'alo' bΛ ti' t'ejl cha'an mi' jats'beñob i yej Pablo. ³ Pablo tsi' sube: Mi caj i jats'et Dios. Pajq'uet bombil bΛ ti tan. Buchulet cha'an ma' c'Λn jini mandar a melon, pero wola' ñusan mandar che' ma' wΛc'on ti jajts'el, che'en. ⁴ Jini wa'alo' bΛ tsi' yΛΛyob: ¿Mu' ba a p'aj jini ñuc bΛ motomaj i cha'an Dios? che'ob. ⁵ Pablo tsi' yΛΛ: C pi'Λlob, ma'anic tsaj cΛñΛ mi jñΛch ñuc bΛ motomaj. Come ts'ijbubil: “Mach a p'aj jini yumΛ am bΛ i ye'tel ti la' tojlel”, che'en Pablo.

⁶ Pablo tsi' ña'ta ya' añob cha'chajp winicob, saduceojob yic'ot fariseojob. Jini cha'an c'am tsi' cha'le t'an ba'an jini año' bΛ i ye'tel. Tsi' yΛΛ: Winicob c pi'Λlob, fariseojon, i yalobilon fariseo. Mic ñop an i pijtaya jini chΛmeño' bΛ come mi' cha' ch'ojyelob chΛmeño' bΛ. Jini cha'an pΛybilonix tilel cha'an mi la' melon, che'en Pablo. ⁷ Che' bΛ tsa' ujt i sub jini t'an, tsa' caji i cΛΛx pejcañob i bΛ fariseojob yic'ot saduceojob. Cha'chajp tsa' caji yob ti t'an. ⁸ Come jini saduceojob mi' yΛlob ma'anic mi lac cha' ch'ojyel, ma'anic ángel, ma'anic espíritu. Pero mach che'ic mi' yΛlob jini fariseojob.

9 Wen ju'ucña tsa' cajiyojob ti t'an. Jini sts'ijbayajob i cha'an fariseojob tsa' wa'leyob. Tsi' wersa alayob: Mi cal lojon ma'anic i mul jini winic. Tic'al mi tsi' pejca Pablo juntiquil espíritu o juntiquil ángel. Mach yomic mi laj contrajin Dios, che'ob. 10 Che' wen mich'ob woli' calax pejcañob i bΛ, jini ñuc bΛ i ye'tel tsi' cha'le bΛq'uen ame mi' tsansañojob Pablo. Tsi' cha'le mandar cha'an mi' tilelob soldadojob cha'an mi' wersa chucob loq'uel Pablo ba' añojob, cha'an mi' payob ochel ti' yotot soldadojob. 11 Ti jini ac'alel lac Yum tsa' wa'le ti' t'ejl Pablo. Tsi' sube: Xuc'chocon a pusic'al Pablo. Che' bajche' tsa' wac'ayon ti cajñel ti Jerusalén, che' ja'el mi caj a wac'on ti cajñel ya' ti Roma, che'en.

Tsi' temeyob i t'an cha'an mi' tsansañojob Pablo

12 Ti sac'ajel cabal judíojob tsi' tempayob i bΛ. Tsi' temeyob i t'an cha'an mi' tsansañojob Pablo. Tsi' bajñel ch'acayob i bΛ cha'an ma'anic chuqui mi caj i c'uxob, ma'anic chuqui mi caj i japob jinto mi' tsansañojob Pablo. 13 Ñumen ti cha'c'al tsa' bΛ i temeyob i t'an. 14 Tsa' majliyob ba'an i yumob motomajob yic'ot xñojob año' bΛ i ye'tel. Tsi' yalayob: Tsa'ix c wersa wa'choco lojon c t'an che' bΛ tsac bajñel ch'acal lojon c bΛ. Ma'anic mi caj c wis c'ux lojon i bΛ lojon c ñac' jinto mic tsansan lojon Pablo. 15 Jatetla, che' jini, yic'ot jini año' bΛ i ye'tel, c'ajtibenla jini am bΛ ñuc bΛ i ye'tel cha'an ijc'al mi' cha' pay tilel Pablo ba' añetla. Subenla an chuqui la' wom la' cha' c'ajtiben. Chajpabilon lojon cha'an mic tsansan lojon che' maxto c'otemic ba' añetla, che'ob.

16 Che' b_Λ tsi' yubi i yichac' Pablo bajche' mi caj i chijtañob, tsa' majli, tsa' ochi ti' yotot soldadojob. Tsi' sube Pablo. 17 Pablo tsi' p_Λy_Λ tilel juntiquil i yaj capitán soldadojob. Tsi' y_ΛΛ: P_Λy_Λ majlel jini ch'iton ba'an jini ñuc b_Λ i ye'tel, come an chuqui yom i suben, che'en. 18 I yaj capitán soldadojob tsi' p_Λy_Λ majlel. Tsa' majliyob ba'an jini ñuc b_Λ i ye'tel. Tsi' sube: Tsi' p_Λy_Λyon jini xñujp'el Pablo. Tsi' c'ajtibeyon cha'an mic p_Λy tilel jini ch'iton ba' añet come an chuqui yom i subeñet, che'en. 19 Jini ñuc b_Λ i ye'tel tsi' chucbe i c'Λb jini ch'iton. Tsi' mucu p_Λy_Λ majlel. Tsi' c'ajtibe: ¿Chuqui a wom a subeñon? che'en. 20 Tsi' sube: Tsa'ix i tempayob i b_Λ judíojob cha'an mi' c'ajtibeñet cha'an ma' p_Λy jubel Pablo ijc'Λl ba'an jini año' b_Λ i ye'tel. Mi caj i lon alob an chuqui yomob i cha' c'ajtiben Pablo. 21 Mach a jac'beñob i t'an, come ñumen ti cha'c'al winicob woli' chijtañob. Tsi' bajñel ch'Λc_Λyob i b_Λ cha'an ma'anic chuqui mi caj i c'uxob, ma'anic chuqui mi caj i japob jinto mi' ts_Λnsañob Pablo. Tsa'ix i chajpayob i b_Λ. Woli jach i pijtañob a t'an, che'en jini ch'iton. 22 Jini ñuc b_Λ i ye'tel tsi' sube majlel jini ch'iton. Tsi' tiq'ui ame i suben yamb_Λ chuqui tsa'ix i tsictes_Λbe.

Tsa' chojqui majlel Pablo ba'an Félix

23 Tsi' p_Λy_Λ tilel cha'tiquil i yaj capitán soldadojob. Tsi' subeyob cha'an mi' chajpañob lujunc'al soldadojob cha'an mi' majlelob ti Cesarea ti bolomp'ejl ora i yic'an yic'ot lujuntiquil i ch_Λnc'al (70) c'Λch_Λlo' b_Λ yic'ot lujunc'al año' b_Λ i lanza. 24 Tsi' subeyob cha'an mi' chajp_Λbeñob i c'Λchlib Pablo ja'el cha'an c'Λch_Λl mi' p_Λyob majlel ti

uts'at ba'an Félix, jini gobernador. ²⁵ Tsi' ts'ijba jun. Tsi' y_ΛΛ: ²⁶ “Joñon Claudio Lisiason. Mic chocheñet tilel cortesía, c'ax uts'at b_Λ gobernador Félix. ²⁷ Jini winic tsa' chujqui cha'an judíojob. Colelix i ts_Λnsañob. Tsa' majliyon quic'ot soldadojob cha'an mij coltan, come tsac ña'ta chuchbil i c'aba'ya' ti Roma. ²⁸ Che' b_Λ tsaj c'ajtibeyob chuqui i mul woli' subob ti' contra Pablo, tsac p_Λy_Λ majlel Pablo ba' tsi' tempayob i b_Λ jini judíojob año' b_Λ i ye'tel. ²⁹ Tsaj q'uele woli' tajt_Λ i mul cha'an jach i mandar judíojob. Tsac ña'ta ma'anic i mul cha'an mi' ts_Λns_Λntel, mi cha'an mi' yochel ti m_Λjquib_Λ. ³⁰ Che' b_Λ tsa cubi woli' chijtañob jini winic jini judíojob, tsac b_Λc' choco majlel ba' añet. Tsac subeyob i contrajob cha'an mi' majlelob i subeñet i mul. Cojach mic subeñet jini”. Che' tsi' ts'ijba jini Claudio Lisias.

³¹ Ti ac'Λlel jini soldadojob tsi' p_Λy_Λyob majlel Pablo ti Antípatris che' bajche' tsa' subentiyob. ³² Ti yijc'Λlal tsa' sujtiyob ti' yotot. Pero jini c'Λch_Λlo' b_Λ tsa' majliyob yic'ot Pablo. ³³ Che' b_Λ tsa' c'otiyob ya' ti Cesarea, tsi' y_Λq'ueyob jun jini gobernador. Tsi' p_Λy_Λyob majlel Pablo ba'an. ³⁴ Che' b_Λ tsa' ujt_i i q'uel jini jun jini gobernador, tsi' c'ajtibe baqui ch'oyol. Tsa' subenti ya' ch'oyol ti Cilicia. ³⁵ Jini gobernador tsi' sube: Che' mi' julelob a contrajob mi caj cubin a t'an, che'en. Tsi' y_Λc'Λ mandar cha'an mi' c_Λnt_Λntel Pablo ya' ti' yotot Herodes.

24

Pablo tsi' subu i b_Λ ti' tojlel Félix

¹ Che' b_Λ tsa' ñumi jo'p'ejl q'uin, tsa' jubi ma-
 jlel jini ñuc b_Λ motomaj i c'aba' Ananías yic'ot
 cha'tiquil uxtiquil xñoxob año' b_Λ i ye'tel yic'ot
 juntiquil i c'aba' Tértulo wen yujil b_Λ t'an. Tsa'
 majli i pejcañob jini gobernador ti' contra Pablo.
² Che' b_Λ tsa' p_Λjyi tilel Pablo ba' año'b, Tértulo tsa'
 caji i jop'ben i mul Pablo. Tsi' y_ΛΛ: Cha'an ti a
 we'tel ti yum_Λ ñ_Λch'Λl año'n lojon tic lumal. Cha'an
 ti a ña't_Λbal uts'at woli' c_Λnt_Λntelob c pi'_Λlob tic
 lumal. ³ Uts'atet Félix, ti pejtelel ora uts'at mij q'uel
 lojon a melbal ti pejtelel c lumal. Mic subeñet
 lojon wocolix a w_ΛΛ. ⁴ Mach comic c jalitesañet ti
 cab_Λ t'an. Jini cha'an mic subeñet poj ubibeñon
 lojon ts'ita' c t'an ti' yutslel a pusic'al. ⁵ Come
 tsa'ix j q'uele lojon cab_Λ woli' tic'lañon lojon jini
 winic. Mi' tech leto ti pejtelel pañimil baqui jach an
 judíojob. Jini winic ñumen ch'ejl mi' mel i b_Λ bajche'
 yaño' b_Λ tsa' b_Λ i tsajc_Λbeyob i c_Λntes_Λbal jini winic
 ch'oyol b_Λ ti Nazaret. ⁶ Tsa'ix i ñopo i bib'esan jini
 Templo ja'el, pero tsac chucu lojon. Tsac ña'ta c
 mel lojon che' bajche' mi' y_Λ tic mandar lojon,
⁷ pero tsa' tili jini Lisias am b_Λ ñuc b_Λ i ye'tel. Wersa
 tsi' chili loq'uel Pablo tij c'Λb lojon. ⁸ Jini Lisias
 tsi' subeyob i contrajob Pablo cha'an mi' tilelob ba'
 añet. Che' ma' c'ajtiben jini winic mi mejlel a ña'tan
 isujm pejtelel i mul tsa' b_Λ c subeyet lojon. Che' tsi'
 y_ΛΛ jini Tértulo. ⁹ Lajal tsi' cha'leyob t'an judíojob
 ja'el. Che' tsi' y_ΛΛyob ti pejtelelob.

¹⁰ Che' b_Λ tsi' p_Λs_Λ i c'Λb jini gobernador cha'an
 mi' cha'len t'an, Pablo tsi' y_ΛΛ: Cab_Λ jab gob-
 ernadoret tic lumal. Jini cha'an tijicña mic sub
 c b_Λ ti a tojlel. ¹¹ Majqui jach ma' pejcan mi

mejlel i subeñet an jaxto lajchamp'ejl q'uin tsa' letsiyon majlel ti Jerusalén cha'an mic ch'ujutesan Dios. ¹² Tsi' q'ueleyoñob. Ma'anic majqui wolij cΛΛx pejcan mi ti Templo, mi ti sinagoga mi ti jini tejclum. Ma'anic tsac xic'beyob winicob x'ixicob cha'an mi' tempañob i bΛ. ¹³ Ma'anic mi mejlel i tsictesañob ti isujm i t'an woli bΛ i jop'ob tij contra wΛle. ¹⁴ Mic subeñet ti isujm, mic ñop i bijlel Dios. Mi' yΛlob sojqum bajche' mic ch'ujutesan jini Dios tsa' bΛ i ñopoyob c ñojte'el. Mic ñop pejtelel mu' bΛ i yΛ jini mandar yic'ot chuqui tac ts'ijbubil ti' t'an x'alt'añob. ¹⁵ AñΛch c pijtaya ti Dios, jini jach mu' bΛ i ñopob ja'el, come tal i yorajlel che' mi caj i ch'ojoyelob jini chΛmeño' bΛ, jini tojo' bΛ yic'ot jini mach bΛ tojobic. ¹⁶ Jini cha'an mic chΛn cha'len wersa c mel chuqui toj ti' wutob winicob yic'ot ti' wut Dios cha'an ma'anic mi' cajel ti' t'an c pusic'al.

¹⁷ Che' bΛ tsa' ñumi cha'p'ejl uxp'ejl jab, tsa' tiliyon cha'an mi cΛq'ueñob taq'uin jini p'umpuño' bΛ tic lumal, cha'an mi cΛq'uen Dios i majtan ja'el. ¹⁸ Che' bΛ woli cΛq'uen Dios i majtan, cha'tiquil uxtiquil judíojob ch'oyolo' bΛ ti Asia tsi' tajayoñob ti Templo. SΛq'uesΛbilon. Ma'anic cabΛ winicob quic'ot lojon. Ma'anic woliyon lojon ti cabΛ t'an. ¹⁹ ¿Chucoch mach wΛ'ic añob ti a tojlel cha'an mi' subob c mul, mi an chuqui mi' yΛlob tij contra? ²⁰ Mi an c mul la' i subob jini wΛ' bΛ añob che' wa'alon ba' tsi' tempayob i bΛ jini año' bΛ i ye'tel. ²¹ Cojach jini t'an tsac subeyob che' ya' wa'alon ti' tojlelob: “PΛybilon cha'an mic mel c bΛ wΛle ti la' tojlel, come mic ñop mi' cha' ch'ojoyelob chΛmeño' bΛ”, cho'on jach tsac subeyob, che'en Pablo.

²² Che' b_Λ tsi' yubi jini t'an Félix mach yomic i b_Λc' mel jini Pablo, come subebilix i sujmllel i bijlel Dios. Tsi' y_ΛΛ: Jinto che' mi' jubel tilel Lisias, jini ñuc b_Λ i ye'tel, mi caj c melet, che'en. ²³ Tsi' sube i yaj capitán soldadojob cha'an mi' c_Λntan Pablo, pero mach mi' junyajlel ñup'. Tsi' sube uts'at mi' tilelob i pi'lob Pablo cha'an mi' y_Λq'ueñob chuqui yom.

²⁴ Che' b_Λ tsa' ñumi cha'p'ejl uxp'ejl q'uin tsa' tili Félix yic'ot i yijñam i c'aba' Drusila. Judía jini Drusila. Félix tsi' p_Λy_Λ tilel Pablo. Tsi' yubibe i t'an che' b_Λ tsi' sube bajche' yom mi lac ñop Jesucristo. ²⁵ Tsi' sube bajche' yom mi lac taj toj b_Λ lac pusic'al yic'ot bajche' yom mi lac bajñel tic' lac pusic'al yic'ot bajche' mi caj i melonla Dios. Félix tsi' cha'le b_Λq'uen. Tsi' sube: Cucux. Che' mic tajben i q'uiñilel, mi caj c cha' p_Λy_{et} tilel, che'en. ²⁶ Félix tsi' lon ña'ta ja'el mi caj i y_Λq'uentel taq'uin cha'an mi' y_Λc' ti coel. Jini cha'an cab_Λ tsi' p_Λy_Λ tilel. Tsi' cha'le t'an yic'ot. ²⁷ Che' ñumenix cha'p'ejl jab tsa' ochi Porcio Festo ti' ye'tel Félix. Félix tsi' c_Λy_Λ Pablo ti m_Λjquib_Λ come yom q'uejlel ti uts'at cha'an judíojob.

25

Pablo ti' tojlel Festo

¹ Tsa' caji i cha'len yum_Λ Festo ti jini lum am b_Λ ti' wenta. Che' b_Λ tsa' ñumi uxp'ejl q'uin, tsa' loq'ui ti Cesarea. Tsa' letsu majlel ti Jerusalén. ² Jini ñuc b_Λ motomajob yic'ot jini ñuco' b_Λ judíojob tsa' tiliyob ba'an Festo. Tsi' cha'leyob t'an ti' contra Pablo. Tsi' c'ajtibeyob wocol t'an ³ cha'an mi' mel

bajche' yomob ti' contra Pablo. Tsi' cajtibeyob cha'an mi' y_Λc' ti p_Λjyel tilel ti Jerusalén. Tsi' ña'tayob i chijtan cha'an mi' ts_Λnsañob ti bij. ⁴Festo tsi' subeyob ya' woli' c_Λnt_Λntel Pablo ti Cesarea. Mach jalic mi' majlel ya'i ja'el. ⁵Tsi' y_ΛΛ: Majqui jach wa'chocobil, la' jubic majlel quic'ot cha'an mi' sub i mul mi an chuqui jontol tsi' mele jini winic, che'en.

⁶Ya'to tsa' jale yicot judíojob tic'Λl mi wax_Λcp'ejl o lujump'ejl q'uin. Ti wi'il tsa' jubi majlel ti Cesarea. Ti yijc'Λlal che' buchul Festo ya' ti melob_Λj_Λl tsi' y_Λc'Λ mandar cha'an mi' p_Λjyel tilel Pablo. ⁷Che' b_Λ tsa' c'oti Pablo, jini judíojob tsa' b_Λ jubiyob tilel loq'uemo' b_Λ ti Jerusalén tsa' wa'leyob ti' joytilel. Cab_Λl tsi' jop'beyob ñuc b_Λ i mul Pablo. Ma'anic tsa' mejli i tsictesañob ti isujm. ⁸Pablo tsa' caji i coltan i b_Λ. Tsi' y_ΛΛ: Ma'anic chuqui tsac wis cha'le ti' contra i mandar judíojob, mi ti' contra jini Templo, mi ti' contra César, che'en. ⁹Festo yom q'uejlel ti uts'at cha'an judíojob. Jini cha'an tsi' sube Pablo: ¿A wom ba letsel majlel ti Jerusalén cha'an mic melet ya'i? che'en.

¹⁰Pablo tsi' y_ΛΛ: Wa'alon ti melob_Λj_Λl i cha'an César ba' yom mic mel c b_Λ. Ma'anic chuqui tsac cha'le ti' contra judíojob. Wen a wujil. ¹¹Mi xñusa mandaron, mi an chuqui tsac cha'le cha'an mi c_Λjq'uel ti ch_Λmel, la' ch_Λmicon, pero mi mach isujmic chuqui woli' y_Λlob tij contra, ma'anic majch mi mejlel i y_Λc'on ti' c'Λb. ¹²La' c mel c b_Λ ya' ba'an César, che'en Pablo. Festo tsi' pejca jini año' b_Λ i ye'tel. Ti wi'il tsi' sube Pablo: Tsa'ix a c'ajtibeyon cha'an ma' mel a b_Λ ba'an César. Ya' mi caj a majlel ba'an César, che'en Festo.

Pablo ti' tojlel Agripa yic'ot Berenice

¹³ Che' ñumenix cha'p'ejl uxp'ejl q'uin, tsa' tili ti Cesarea jini rey Agripa yic'ot Berenice i yijñam cha'an mi' y_Λq'ueñob i yutslel i t'an Festo. ¹⁴ Che' cab_Λl q'uin tsa' jaleyob ya'i, Festo tsi' sube jini yum_Λl bajche' woli' mel i b_Λ Pablo. Tsi' sube: W_Λ'an juntiquil winic tsa' b_Λ c_Λle ti m_Λjquib_Λl ti wenta Felix. ¹⁵ Che' ya' añon ti Jerusalén, jini ñuc b_Λ motomajob yic'ot jini xñoxob año b_Λ i ye'tel cha'an judíojob tsa' c'otiyob ba' añon. Tsi' c'ajtibeyoñob cha'an mi' c_Λq'uen i toj i mul.

¹⁶ Tsac subeyob ma'anic mi' to'ol ac'ob ti ch_Λmel winic jini romanojob. Ñaxan mi' tilelob i contrajob cha'an mi' subob i mul ya' ti' wut cha'an mi' mejlel i coltan i b_Λ che' an chuqui mi' subob ti' contra. ¹⁷ Che' temel tsa' tiliyob w_Λ'i, mach jalic tsac teche meloñel. Ti yijc'_Λlal tsa' buchleyon ya' ti melob_Λj_Λl. Tsa' c_Λc'_Λ mandar cha'an mi' p_Λjyel tilel jini winic. ¹⁸ Che' ya' añob i contrajob, mach che'ic tsi' subuyob i mul bajche' tsac lon ña'ta. ¹⁹ Jini jach tsi' contrajiyob Pablo cha'an chuqui woli' ñopob. Tsi' tajayob ti t'an juntiquil i c'aba' Jesús tsa' b_Λ ch_Λmi. Pero Pablo mi' y_Λl cha' cuxul. ²⁰ Ma'anic tsac ña'ta bajche' yom mic mel jini winic. Jini cha'an tsaj c'ajtibe Pablo mi' yom majlel ti Jerusalén cha'an ya' mi' mel i b_Λ. ²¹ Che' b_Λ tsi' c'ajtibeyon Pablo cha'an mi' majlel i mel i b_Λ ba'an Augusto, tsa' c_Λc'_Λ mandar cha'an mi' c_Λnt_Λntel jinto mi' mejlel c' choc majlel ba'an César. Che' tsi' y_Λl_Λ Festo. ²² Agripa tsi' sube: Joñon ja'el com cubiben i t'an jini winic, che'en. Festo tsi' sube: Ijc'_Λl mi' caj a wubin, che'en.

²³ Ti yijc'_Λlal wen ch'_Λlbil tsa' tiliyob Agripa

yic'ot Berenice. Tsa' ochiyob ba' mi' yubiñob t'an yic'ot jini año' b_Λ ñuc b_Λ i ye'tel yic'ot jini ñuco' b_Λ winicob ti tejclum. Tsa' p_Λji tilel Pablo cha'an ti' mandar Festo. ²⁴ Festo tsi' y_ΛΛ: Rey Agripa yic'ot pejtelel winicob temp_Λbilob quic'ot lojon, wolix la' q'uel jini winic. Pejtelel judíojob tsi' wersa subeyoñob ti c'am b_Λ t'an ya' ti Jerusalén yic'ot w_Λ'i cha'an mach yomic che' ch_Λn cuxul. ²⁵ Tsac ña'ta ma'anic chuqui tsi' cha'le cha'an mi' ch_Λmel. Che' b_Λ tsi' bajñel ña'ta i mel i b_Λ ba'an Augusto, tsac sube mi caj c choc majlel. ²⁶ Pero ma'anic chuqui mi mejlel c ts'ijbuben jini c yum ti' contra Pablo. Jini cha'an tsac p_Λy_Λ tilel ti la' tojlel yic'ot ti a tojlel ja'el, rey Agripa, cha'an ma' subeñon chuqui mi mejlel c ts'ijbuben jini c yum, che' b_Λ tsa'ix a c'ajti tac chuqui tsa' ujtí. ²⁷ Come mi c_Λl mach yomic mic choc majlel xñujp'el mi ma'anic chuqui mi mejlel c sub ti' contra, che'en Festo.

26

Pablo tsi' cha'le t'an ti' tojlel Agripa (Hch. 8.1-3; 9.1-9; 22.6-11)

¹ Agripa tsi' sube Pablo: Mi c_Λc' c t'an cha'an ma' coltan a b_Λ ti a t'an, che'en. Pablo tsi' p_Λs_Λ i c'Λb. Tsa' caji ti t'an cha'an mi' coltan i b_Λ. ² Tsi' y_ΛΛ: Rey Agripa, tijicña mi cubin, come wolic sub c b_Λ w_Λle ti a tojlel cha'an pejtelel chuqui tac tsi' subuyob judíojob tij contra. ³ Come wen a wujil bajche' mi' melob judíojob yic'ot pejtelel chuqui mi' y_Λlob. Jini cha'an mij c'ajtibeñet a wolic ubibeñon c t'an ti' yutslel a pusic'al.

4 Pejtelel jini judíojob yujilob chuqui tsac cha'le ya' tic lumal yic'ot ti Jerusalén, c'ΛΛΛ che' ch'itoñon to. 5 Mi yomob, mi mejlel i subob come ña'tΛbil i cha'añob, fariseojon c'ΛΛΛ ti wajali. Che' bajche' mi' wersa melob fariseojob, che'Λch tsac mele ja'el. 6 Wolix c mel c bΛ cha'an tsa'ix c ñopbe i t'an Dios tsa' bΛ i sube c ñojte'el lojon. 7 Che'Λch mi' ñopob ja'el jini lajchΛnmojt i p'olbal Israel mu' bΛ i ch'ujutesañob Dios ti jump'ejl i pusic'al ti q'uiñil yic'ot ti ac'Λlel. Rey Agripa, che'Λch wolic ñop ja'el. Jini cha'an jini judíojob woli' jop'beñoñob c mul. 8 ¿Mu' ba la' lon ña'tan wocol mi' tech ch'ojoyel jini chΛmeño' bΛ Dios?

9 Isujm, joñon tsac lon ña'ta j contrajin i c'aba' Jesús ch'oyol bΛ ti Nazaret. 10 Che'Λch tsac mele ti Jerusalén. Tsac mΛcΛ ti ñujp'ibΛl cabΛl i cha'año' bΛ Dios che' bΛ tsac ch'ΛmΛ que'tel ti' tojlel jini ñuc bΛ motomajob. Che' bΛ tsa' tsΛnsΛntiyob tsa cΛc'Λ c t'an ti' contrajob. 11 CabΛl tsac bajbeyob ti pejtelel sinagoga. Tsac wersa xic'beyob cha'an mi' p'ajob Dios. Tsac wen mich'leyob. Tsac tic'layob c'ΛΛΛ ti yan tac bΛ tejclum.

12 Che'Λch wolic mel che' bΛ tsa' majliyon ti Damasco, che' chocbilon majlel cha'an jini ñuc bΛ motomajob. 13 Ti xinq'uiñil, c rey, tsaj q'uele i sΛclel c'ajc ti bij, ch'oyol bΛ ti panchan. Ñumen i sΛclel bajche' q'uin. Tsi' yΛc'Λ i sΛclel tic joytilel yic'ot ti' joytilel jini tsa' bΛ i cha'leyob xΛmbal quic'ot. 14 Che' bΛ tsa' yajliyon lojon ti lum tic pejtelel lojon, tsa cubi t'an woli bΛ i pejcañon. Tsi' subeyon ti' t'an hebreojob: “Saulo, Saulo, ¿chucoch wola' tic'lañon? Wola' lΛΛp tec' jini jay bΛ i ñi' te'

cha'an ma' low a b_Λ”, che'en.

¹⁵ Tsac sube: “¿Majquiyet, c Yum?” cho'on. Jini lac Yum tsi' y_ΛΛ: “Joñon Jesúson, woli b_Λ a tic'lan. ¹⁶ Ch'ojyen, wa'i', come tsa' tsictiyiyon ti a wut cha'an mic wa'chocoñet cha'an ma' melbeñon que'tel. Mi caj a w_ΛC' ti c_Λjñel jini tsa' b_Λ a q'uele yic'ot jini mu' b_Λ caj a q'uel che' mic tsictiyel ti a wut. ¹⁷ Come mi caj j coltañet loq'uel ti' c'Λb a pi'Λlob yic'ot ti' c'Λb gentilob. Ya' wolic choquet majlel w_Λle ¹⁸ cha'an ma' cambeñob i wut, cha'an mi' sutq'uiñob i b_Λ ti ic'yoch'an b_Λ pañimil, cha'an mi' yajñelob ti' s_Λclel pañimil. Mic choquet majlel cha'an mi' loq'uelob ti' p'Λt_Λlel Satanás, cha'an mi' yochelob ti' p'Λt_Λlel Dios, cha'an mi' ñus_Λbentelob i mul che' mi' ñopoñob, cha'an i ten cha'añob jach jini mu' b_Λ caj i y_Λq'uentelob yic'ot jini s_Λq'ues_Λbilo' b_Λ”. Che' tsi' subeyon Jesús.

¹⁹ Jini cha'an, mic subeñet, rey Agripa, ma'anic tsac ñusa jini tsa' b_Λ p_Λs Bentleyon ch'oyol b_Λ ti panchan. ²⁰ Ñaxan tsac subeyob jini año' b_Λ ti Damasco yic'ot ti Jerusalén yic'ot ti pejtelel Judea, yic'ot gentilob cha'an mi' c_Λyob i mul cha'an mi' sutq'uiñob i b_Λ cha'an mi' ñopob Dios. Tsac subeyob cha'an mi' cha'leñob chuqui wen, cha'an mi' tsictiyel tsa'ix i c_Λy_Λyob i mul. ²¹ Jini cha'an jini judíojob tsi' chucuyoñob ti Templo. Tsi' ñopo i ts_Λnsañob. ²² Tsa' colt_Λntiyon ti Dios. Jini cha'an c'Λ_Λ w_Λle mic ch_Λn subeñob ch'och'oco' b_Λ yic'ot ñuco' b_Λ jini jach b_Λ t'an tsa' b_Λ i w_Λn al_Λyob x'alt'añob yic'ot Moisés, come tsa' ujtí che' bajche' tsi' y_ΛΛyob. ²³ X'alt'añob yic'ot Moisés tsi' y_ΛΛyob wersa mi caj i yubin wocol Cristo. Tsi' y_ΛΛyob Cristo mi caj i ñaxan ch'ojyel loq'uel ba'an ch_Λmeño' b_Λ, mi caj i

subeñob israelob yic'ot gentilob i sujmllel i saclel pañimil. Che' tsi' y_{ΛΛ} Pablo.

²⁴ Che' woli to ti t'an Pablo, c'am tsi' cha'le t'an Festo. Tsi' y_{ΛΛ}: Pablo, sojquem a jol. Wolix i sojquel a jol cha'an ti' q'uelol cab_Λ jun, che'en.

²⁵ Pablo tsi' y_{ΛΛ}: Mach sojquemic c jol, weñet b_Λ Festo. Mic cha'len t'an ti isujm yic'ot ti toj. ²⁶ Come jini rey yujil pejtelel jini. Ma'anic mic b_Λc'ñan c sub c b_Λ ti' tojlel ja'el. Come mi c_Λl yujil pejtelel chuqui tsa' ujtí, come mach muculic tsa' ujtí. ²⁷ Rey Agripa, ¿mu' ba a ñopben i t'an x'alt'añob? Cujil ma' ñop, che'en Pablo. ²⁸ Agripa tsi' sube Pablo: Colel ma' w_Λq'ueñon c ñop Cristo, che'en. ²⁹ Pablo tsi' y_{ΛΛ}: Uts'at mi ti junyajlel ma' ñop che' bajche'on. Mach cojic jach jatet, pero pejtelel mu' b_Λ i yubiñob c t'an w_Λle. Uts'at mi lajaletla quic'ot pero mach ti cadenajic, che'en Pablo.

³⁰ Che' b_Λ tsa' ujtí ti t'an Pablo, tsa' ch'ojoyi jini rey yic'ot jini gobernador yic'ot Berenice yic'ot yaño' b_Λ ya' b_Λ buchulob. ³¹ Che' b_Λ tsi' t_Λt_Λs'ayob i b_Λ, tsi' pejcayob i b_Λ. Tsi' y_{ΛΛ}ayob: Ma'anic chuqui tsi' cha'le jini winic cha'an mi' ch_Λmel mi cha'an mi' ñujp'el, che'ob. ³² Agripa tsi' sube Festo: Machic tsi' c'ajti i mel i b_Λ ba'an César, tsa' mejli ti colel jini winic, che'en.

27

Tsi' p_Λy_Λyob majlel Pablo ti Roma

¹ Che' b_Λ tsi' ña'tayob wersa mic majlel lojon ti barco ti Italia, jini año' b_Λ i ye'tel tsi' y_Λc'ayob Pablo yic'ot yaño' b_Λ xñujp'elob ti' c'ab i yaj capitán soldadojob i c'aba' Julio, i winic Augusto. ² Tsa'

ochiyon lojon ti barco ch'oyol b_Λ ti Adramitio woli b_Λ i majlel ti tejclum tac am b_Λ ti' ti' ñajb ya' ti Asia. Tsa' ochiyon lojon quic'ot Aristarco jini ch'oyol b_Λ ti Tesalónica ya' ti Macedonia. Tsa' majliyon lojon.

³ Ti yijc'Λlal tsa' c'otiyon lojon ti Sidón. Uts'at chuqui tsi' melbe Pablo jini Julio. Tsi' y_{ΛC'Λ} i t'an cha'an mi' majlel ti jula' ba'an i cañ_Λyo' b_Λ, cha'an mi' poj jijlel yic'otob. ⁴ Che' b_Λ tsa' loq'uiyon lojon ya'i, tsa' majliyon lojon l_{ΛC'Λ} ti Chipre ba' ma'anic cab_Λ ic', come jini ic' yom i cha' chocon lojon sujtel. ⁵ Che' b_Λ tsa' ñumiyon lojon ti colem ñajb ba'an Cilicia yic'ot Panfilia, tsa' c'otiyon ti Mira, jini tejclum ti Licia. ⁶ Ya'i i yaj capitán soldadojob tsi' taja jump'ejl barco ch'oyol b_Λ ti Alejandría woli b_Λ i majlel ti Italia. Tsi' yotsayon lojon. ⁷ Cab_Λ q'uin c'unte' jach tsac x_Λñ_Λ lojon majlel. Wocol tsa' c'otiyon lojon ya' ti Gnido. Jini ic' yom i cha' chocon lojon sujtel. Jini cha'an tsa' majliyon lojon ya' ti Creta l_{ΛC'Λ} ti Salmón ba' ma'anic cab_Λ ic'. ⁸ Wocol jach tsaj c'unte' x_Λñ_Λ lojon majlel ya' ti t'ejl Creta. Tsa' c'otiyon lojon ti tejclum i c'aba' Wen B_Λ i Jilib Barco l_{ΛC'Λ} ti jini tejclum i c'aba' Lasea.

⁹ Tsa' sajti cab_Λ q'uin. B_Λb_Λq'uen mi lac ch_Λn cha'len x_Λmbal ti barco, come ñumenix i q'uiñilel ch'ajb. Jini cha'an Pablo tsi' tiq'uiyob. ¹⁰ Tsi' subeyob: Winicob, mic ña'tan che' mi lac majlel ti barco mi caj lac taj cab_Λ wocol. Cab_Λ mi caj i jilel lac chub_Λ'an, mach cojic jach jini barco yic'ot i cuch pero joñonla ja'el, che'en. ¹¹ Jini i yaj capitán soldadojob ma'anic tsi' jac'be i t'an Pablo. Tsi' jac'be i t'an jini xtoj'esa barco yic'ot i yum jini barco. ¹² Mach abi wenic i jijlib barco ya' ba' añob.

Wocol abi mi' ñusañob i yorajlel tsañal ya'i. Jini cha'an ñumen cabalob jini yomo' b^Λ loq'uel ya' ba' jijlemob. Yomob c'otel c'Λl^Λ ti Fenice ba' uts'at i jijlib barco cha'an ya'i mi' ñusañob i yorajlel tsañal mi tsa' mejliyob. Jini Fenice jump'ejl tejclum ya' ti Creta am b^Λ ti' tojel nordeste yic'ot ti' tojel sudeste.

Tsa' tejchi p'at^Λal b^Λ ic' ya' ti ñajb

¹³ Che' b^Λ tsa' tejchi c'unte' b^Λ ic' ch'oyol b^Λ ti sur, tsi' lon ña'tayob uts'at mi' majlelob. Tsi' lets^Λbeyob i pislel barco. Tsa' cajiyo^b ti x^Λambal majlel l^Λc'Λl ti' ti' ñajb ya' ti Creta. ¹⁴ Mach jalic tsa' tejchi wen p'at^Λal b^Λ ñuqui ic' i c'aba' Euroclidón. ¹⁵ Tsi' jats'Λ jini barco. Ma'anic tsa' mejli ti x^Λambal jini barco cha'an ic'. Tsaj c^Λy^Λ lojon c toj'es^Λn majlel barco. Tsi' wersa chocoyon lojon majlel jini ic'. ¹⁶ Che' b^Λ tsa' c'otiyon lojon ba' ma'anic cabal ic' l^Λc'Λl ti' t'ejl ch'o'ch'oc b^Λ lum joyol b^Λ ti ja' i c'aba' Clauda, wocol tsa' mejli j c^Λch lojon jini ch'o'ch'oc b^Λ barco. ¹⁷ Tsa' ujti i ch'uyob jini ch'o'ch'oc b^Λ barco, tsi' b^Λn c^Λch^Λyob jini colem barco. Tsi' b^Λc'ñayob i cujob i b^Λ ti bulul b^Λ lum i c'aba' Sirte am b^Λ ti' mal ñajb. Tsi' ju's^Λbeyob i pislel barco. Tsa' wersa chojq^Λuyob sujtel cha'an ic'. ¹⁸ C'ax cabal tsi' jats'Λ barco jini ñuqui ic'. Ti yijc'Λl^Λal tsa' caji i sejb'esañob barco. ¹⁹ Ti' yuxp'ejlel q'uin tsac bajñel choco lojon loq'uel i b^Λl jini barco. ²⁰ Cabal q'uin ma'anic tsiquil mi q'uin mi ec'. C'ax p'at^Λal to jini ic'. Tsac ña'ta lojon ma'anic mi caj c ch^Λn colem lojon.

²¹ Cabal q'uin ma'anic tsaj c'uxu lojon waj. Jini cha'an Pablo tsa' wa'le ti yojlil ba' añob. Tsi' y^ΛΛ: Winicob, uts'at tsa'ic la' jac'beyon c t'an. Uts'at machic tsa' loq'uiyetla ti Creta. Che' jini

ma'anic tsa' sajti la' chubΛ'an. Ma'anic tsa' la' wubi wocol. ²² WΛle mic wen subeñetla, tijicñesan la' pusic'al come ma'anic majch mi caj i chΛmel mi juntiquileticla. Cojach mi caj i jilel jini barco. ²³ Come sajmal ti ac'Λlel tsa' wa'le i yángel Dios ba' añon. I cha'añon jini Dios. Mic cha'liben i ye'tel. ²⁴ Tsi' yΛΛ: “Mach ma' cha'len bΛq'uen Pablo. Wersa mi caj a wa'tΛ ti' tojlel César. Awilan, Dios tsa'ix i yΛq'ueyet pejtelel woliyo' bΛ ti xΛmbal a wic'ot che' bajche' tsa' c'ajtibe”, che'en. ²⁵ Jini cha'an, winicob, tijicñesan la' pusic'al come mic ñop mi caj i yujtel che' bajche' tsi' subeyon Dios. ²⁶ Wersa mi caj lac chojquel majlel ti jump'ejl lum joyol bΛ ti ja'. Che' tsi' yΛΛ Pablo.

²⁷ Che' ti' chΛnlujump'ejlel (14) ac'Λlel che' bΛ tsa' ñijcΛntiyon lojon majlel ti colem ñajb i c'aba' Adriático, ti ojilil ac'Λlel tsi' ña'tayob jini x'e'telob ti barco lac'Λlix añon lojon ti' ti' ñajb. ²⁸ Tsi' p'isiyob i tamlel ja'. An junc'al ti jajl. Ti yambΛ jumuc' tsi' cha' p'isiyob. An jax jo'lujunjajl. ²⁹ Tsi' cha'leyob bΛq'uen ame mi' cuj i bΛ barco ti xajlel tac am bΛ ti' mal ja'. Tsi' chocoyob ti ja' chΛmp'ejl i cΛlib barco ti' yebal barco. Wocol tsi' ñusayob ac'Λlel. ³⁰ Jini x'e'telob ti barco tsi' ñopoyob puts'el majlel yic'ot ch'o'ch'oc bΛ barco. Tsi' ju'sayob ti colem ñajb. Tsi' meleyob che' bajche' mi yomob i choc jubel i cΛlib barco ya' ti' ñi'. ³¹ Pablo tsi' sube i yaj capitán soldadojob yic'ot pejtelel soldadojob: Mi ma'anic mi' yajñelob ti' mal barco jini x'e'telob, ma'anic mi mejlel la' colel jatetla, che'en. ³² Jini cha'an jini soldadojob tsi' tsepbeyob i lazojlel jini ch'o'ch'oc bΛ barco cha'an mi' yΛc' ti sajtel.

³³ Che' b_Λ wolix i s_Λc'an, Pablo tsi' subeyob cha'an mi' c'uxob i b_Λl i ñ_Λc' ti pejtelelob. Tsi' y_ΛΛ: I lajch_Λmp'ejlelix q'uin woli la' ñusan wocol. Woliyetla ti ch'ajb. Ma'anic chuqui tsa' la' c'uxu.

³⁴ Jini cha'an mic subeñetla ti wocol t'an yom mi la' cha'len we'el cha'an mi la' p'at'an. Ma'anic mi caj i sajtel mi junt'ujmic i tsutsel la' jol mi ti juntiquileticla, che'en Pablo. ³⁵ Che' b_Λ tsa' ujt i sub jini t'an, tsi' ch'Λm_Λ waj. Tsi' sube Dios wocolix i y_ΛΛ ti' tojlel pejtelel winicob. Tsi' xet'e. Tsa' caji i c'ux. ³⁶ Tsa' ñuc'ayob i pusic'al ti pejtelelob. Tsa' caji yob ti we'el ja'el. ³⁷ Añon lojon lujunc'al yic'ot w_Λclujuntiquil i ch_Λnc'al (276) ti' mal barco. ³⁸ Che' ñajobix tsi' sejb'esayob jini barco. Tsi' chocoyob ochel c'uxbil b_Λ i wut jam ti colem ñajb.

Tsa' jejni barco

³⁹ Che' b_Λ tsa' s_Λc'a ma'anic tsi' c_Λñ_Λyob jini lum. Tsi' q'ueleyob junx_Λjc' ñajb ba' tsa' ochi ti lum. Ya' yomob i ñijcan majlel barco ti' ti' i x_Λc' ñajb, mi tsa' mejliyob. ⁴⁰ Jini cha'an tsi' tsepbeyob i lazojlel i c_Λlib tac barco. Ya' tsi' c_Λy_Λyob ti colem ñajb. Tsi' jitiyob lazo tsa' b_Λ i chucu i toj'es_Λjib barco. Tsi' letsayob i pislel i ñi' barco cha'an mi' chuc ic'. Tsi' ñopoyob majlel ti' ti' ñajb. ⁴¹ Tsa' tiliyob ba' t'oxbil jini ñajb cha'an bulul b_Λ lum. Ya' tsa' c_Λle ba' jay jini ja'. Tsa' ts'Λjpi i ñi' barco ti lum. Ma'anic tsa' mejli i ñijcañob. I yit jini barco tsa' caji ti xujlel cha'an cab_Λl tsi' jats'Λ ja'.

⁴² Jini soldadojob yomob i ts_Λnsan xñujp'elob cha'an ma'anic mi' puts'elob ti ñuxijel. ⁴³ I yaj capitán soldadojob tsi' tiq'uiyob come yom i coltan Pablo. Tsi' subeyob cha'an mi' chocob ochel i

b_Λ che' bajche' jaytiquil yujilo' b_Λ ñuxijel cha'an mi' c'otelob ñaxan ti lum. ⁴⁴ Jini tsa' b_Λ c_Λleyob tsi' c'añ_Λyob tabla, ojlil tsi' c'añ_Λyob i xujt'il tac jini barco. Che' jini, uts'at tsa' c'otiyob ti lum ti pejtelelob.

28

Pablo ya' ti lum i c'aba' Malta joyol b_Λ ti ja'

¹ Che' uts'at tsa' c'otiyon lojon ti' ti' ñajb, tsac ña'ta lojon Malta i c'aba' jini lum joyol b_Λ ti ja'. ² Jini chumulo' b_Λ ya'i tsi' wen p'untayon lojon. Tsi' xiq'uiyob c'ajc. Tsi' p_Λy_Λyon lojon ochel tic pejtelel lojon cha'an woli to ja'al. Ts_Λwan jax pañimil.

³ Pablo tsi' tempa junsejt si'. Che' b_Λ tsi' yotsa ti c'ajc, tsa' loq'ui tsunte'chan cha'an i ticw_Λlel c'ajc. Tsa' ts'uyle ti' c'ab Pablo. ⁴ Jini chumulo' b_Λ ya'i che' b_Λ tsi' q'ueleyob ts'uyul lucum ti' c'ab, tsi' subeyob i b_Λ: Isujm, sts_Λnsa jini winic. An-queuse uts'at tsa' loq'ui ti ja', w_Λle mux caj i ch_Λmel cha'an i mul, che'ob. ⁵ Pablo tsi' pajq'ui ochel ti c'ajc jini tsunte'chan. Ma'anic chuqui tsi' tumbe. ⁶ Tsi' ña'tayob jini winicob mux i sijt'el o mux i b_Λc' wa'al ch_Λmel. Che' jal tsi' pijtayob tsa' caji i q'uelob ma'anic chuqui tsi' tumbe. Tsi' q'uextayob i pusic'al. Tsa' caj i y_Λlob jiñ_Λch juntiquil dios.

⁷ An juntiquil i c'aba' Publio am b_Λ i ye'tel ti jini lum joyol b_Λ ti ja'. L_Λc'äl jach an i lum. Tsi' p_Λy_Λyon lojon ochel ti' yotot. Uxp'ejl q'uin tsi' we'sayon lojon ti' yuts'atlel i pusic'al. ⁸ Ñolol i tat ti' w_Λyib, woli ti c'ajc yic'ot ta'. Tsa' majli Pablo i q'uel. Che' b_Λ tsi' pejca Dios, tsi' y_Λc'Λ i c'ab ti' jol. Tsi' lajmesa. ⁹ Che' c_Λmbil chuqui tsa' ujtí, tsa'

tiliyob ja'el yaño' b_Λ xc'am_Λjelob loq'uemo' b_Λ ti pejtelel jini lum joyol b_Λ ti ja'. Tsa' lajmes_Λntiyob.
¹⁰ Tsi' y_Λq'ueyoñob cab_Λl c majtan lojon. Che' b_Λ tsa' cha' majliyon lojon, tsi' yots_Λbeyon lojon ti barco chuqui tac yom c cha'an lojon.

Tsa' c'oti Pablo ti Roma

¹¹ Che' ñumenix uxp'ejl uw, tsa' majliyon lojon ti barco ch'oyol b_Λ ti Alejandría. Ya jach tsi' ñusa i yorajlel ts_Λñal ti jini lum joyol b_Λ ti ja'. An i yejtal jini Cástor yic'ot Pólux bombil ti' pat jini barco. ¹² Che' b_Λ tsa' c'otiyon lojon ti Siracusa, ya' tsa' jaleyon lojon uxp'ejl q'uin. ¹³ Che' b_Λ tsa' loq'uuiyon lojon ya'i, tsac cha'le lojon joyocña b_Λ x_Λmbal c'_Λl_Λl ti Regio. Ñumenix jump'ejl q'uin, tsa' tejchi ic' loq'uem b_Λ ti sur. Ti' cha'p'ejlel q'uin tsa' c'otiyon lojon ti Puteoli. ¹⁴ Ya'i tsac taja lojon hermanojob. Tsi' c'ajtibeyon lojon cha'an mij c_Λyt_Λl lojon yic'otob wucp'ejl q'uin. Ti wi'il tsa' c'otiyon lojon ti Roma. ¹⁵ Che' b_Λ tsi' yubiyob ya' ti Roma c'otemonix lojon, jini hermanojob tsa' tiliyob i tajon lojon ya' ba'an choñoñibal tac ti Apio. Yaño' b_Λ tsi' tajayon lojon ya' ti Tres Tabernas. Tsa' ñuc'a i pusic'al Pablo che' b_Λ tsi' q'ueleyob. Tsi' sube Dios wocolix i y_Λl_Λ. ¹⁶ Che' b_Λ tsa' c'otiyon lojon ti Roma tsa' aq'uenti permiso Pablo cha'an mi' chumt_Λl ti' bajñel otot yic'ot jini soldado tsa' b_Λ i c_Λnta.

Pablo tsi' subu i t'an Dios ya' ti Roma

¹⁷ Che' ñumenix uxp'ejl q'uin, Pablo tsi' p_Λy_Λ tilel jini ñuco' b_Λ judíojob. Che' b_Λ tsi' tempayob i b_Λ, Pablo tsi' subeyob: Winicob c pi'_Λlob, ma'anic chuqui tsac cha'le ti' contra lac pi'_Λlob. Ma'anic

tsaj contraji i t'an lac ñojte'el, pero tsa' ajq'uiyon ti' c'ab romanojob tsa' b_Λ i ñup'uyoñob ya' ti Jerusalén. ¹⁸ Che' b_Λ tsi' meleyoñob yomob i y_Λc'on ti coel, come ma'anic c mul cha'an mic ch_Λmel. ¹⁹ Jini judíojob tsi' wersa subeyob cha'an ma'anic mi' y_Λc'on ti coel. Jini cha'an tsac wersa c'ajti c mel c b_Λ ba'an César anquese ma'anic chuqui mic sub ti' contra c pi'lob tic lumal. ²⁰ Jini cha'an tsac p_Λy_Λyetla tilel cha'an mij q'ueletla, cha'an mic pejcanetla, come c_Λch_Λlon ti cadena cha'an wolic ñop jini mu' b_Λ i ñopob winicob x'ixicob ti Israel, che'en Pablo.

²¹ Jini judíojob tsi' subeyob: Jini año' b_Λ ti Judea ma'anic tsi' chocbeyoñob tilel jun cha'an mi' subob a mul. Ma'anic tsi' subuyob a mul mi juntiquilic lac pi'lob tsa' b_Λ juliyo. Ma'anic chuqui tsi' y_Λlayob ti a contra. ²² Com cubin lojon chuqui wola' ñop, come kujil lojon ti pejtelel lum woli' contrajintelob jini mu' b_Λ i ñopob che' bajche' jatet. Che' tsi' y_Λlayob judíojob.

²³ Jini judíojob tsi' w_Λn ña'tayob baqui ora mi' caj i cha' tilelob. Cab_Λl tsa' c'otiyob ya' ba' chumul. Pablo tsi' wen subeyob jini wen t'an cha'an i yum_Λntel Dios. C'_Λl_Λl ti s_Λc'ajel c'_Λl_Λl ti ic'ajel tsi' wen tsictes_Λbeyob i sujml_Λl Jesús che' bajche' ts'ijbubil ti' mandar Moisés yic'ot ti' jun jini x'alt'año. ²⁴ Ojlil tsi' ñopoyob chuqui tsi' subeyob. Ojlil ma'anic tsi' ñopoyob. ²⁵ Tsi' t'oxoyob i b_Λ ti t'an. Che' b_Λ tsa' majliyob, Pablo tsi' subeyob: Isujm chuqui tsi' y_Λl_Λ jini Ch'ujul b_Λ Espíritu che' b_Λ tsi' c'_Λmbe i yej jini x'alt'an Isaías che' b_Λ tsi' pejca lac ñojte'el. ²⁶ Tsi' y_Λl_Λ: “Cucu ba'an jini winicob x'ixicob. Subeño: Mi caj la' wubin t'an,

ma'anic mi caj la' ch'Λmben isujm. Mi caj la' q'uel, pero ma'anic mi caj i c'otel la' wut. ²⁷ Come tsa' ochi ti tonto i pusic'al jini winicob x'ixicob. Mach yomobic i yubiñob. Tsi' muts'uyob i wut, ame i q'uelob ti' wut, ame i yubiñob ti' chiquin, ame i ch'Λmbeñob isujm ti' pusic'al, ame i cha' sutq'uiñob i bΛ cha'an mic lajmesañob”, che'en.

²⁸ Ña'tanla, che' jini, wolix i sujbel ba'an gentilob laj coltΛntel ch'oyol bΛ ti Dios. Jini gentilob mi caj i ñich'tañob, che'en Pablo. ²⁹ Che' bΛ tsa' ujti ti t'an, tsa' majliyob judíojob. Tsi' contrajiyob i bΛ ti cabΛ t'an. ³⁰ Cha'p'ejl jab tsa' ajni Pablo ti' yotot tsa' bΛ i majña. Tsi' pΛyΛ ochel pejtelel tsa' bΛ tiliyob. ³¹ Tsi' subu i sujmllel cha'an i yumΛntel Dios. Ti ch'ejlel i pusic'al tsi' cΛntesayob i sujmllel lac Yum Jesucristo. Ma'anic majch tsi' tiq'ui.

I T'an Dios
Bible without Deuterocanon in Chol Tumbala; ctu
(MX:ctu:Chol)

copyright © 1977 Wycliffe Bible Translators, Inc.

Language: Chol

Translation by: Wycliffe Bible Translators, Inc.

Chol, Tumbalá [ctu], Mexico

Copyright Information

© 1977, Bible League International

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Bible without Deuterocanon

in Chol

© 1977, Bible League International

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source files
dated 29 Jan 2022

45de077a-5b47-572a-bd9d-72438a3be945